

龍池幻有禪師語錄

門人圓悟圓修等編



清刻龍藏佛說法變相圖

龍池幻有禪師語錄序

史一

荆溪安節居士吳達可題于長安槲芳亭

昔牛頭一派橫說豎說總未達向上關捩子
古人云大唐國內不是無禪只是無師良有
以也馬祖會下出八十四人善知識各化一

史一

方黃蘗際猶謂正法眼藏寥寥數人夫得髓
傳心者兒孫猶若是而況得皮得肉得骨之
儔乎然觀傳燈諸書所載一葦渡江以來赤
縣神州衆生黑漆漆地者固多而具大根器
知有向上一着者亦不少五宗之中惟臨濟
尤峻絕痛快直下承當自臨濟玄九傳而至
五祖演心心相印絕無烏焉成馬之弊何者
凡印有形則有差殊無象則無分別故下者
如印印泥上者如印印空虛空隨方圓以呈
名然空豈自爲方圓乎大都五宗絕盛於唐

綿延於宋而凌替於元元其後如中峰諸大老雖推爲人天眼目未見嶄然截出也沿至于今此道如綫矣莊子云北溟有魚其名曰鯤化而爲鵬九萬里風斯在下然聽其自化也使之化則非能鵬也宗家似之正嘉間天奇笑巖一二尊宿挺生其際遠接曹源近承臨濟正宗之綱藉以激揚不墜以余所聞笑巖咳唾如真虎踞地而吼百獸震慄以較裴旻之虎懸矣幻有禪師乃其的骨子也鍛鍊鉗鎚可謂妙密倘所稱深山大澤必生龍蛇非耶每與余問答如聲呼谷應形著影出不留一絲意根椿立嗚呼是其所以紹笑巖而起臨濟也嘗一嚙知鼎味叩其玄扉則全帙在焉大率如刀斫水不見痕縫名爲作家不虛耳夫今衲子輩影迹所及輒能累人自了

者流往往沉埋絕壑結草孤峰不受塵世之譏嫌乃禪師獨遊五都朱扉間且以爲蓬戶也者業遊燕矣而門庭蕭寂衆未嘗登十輩意泊如也石門誦翠巖芝云廬山殿閣如生成食堂處處禪床折我此三門如冷灰盡日

史一

二

長廊捲風葉禪師庶幾近之此其事業之見於細微者也猶不測乃爾況大焉者乎是刻也不謀而成蓋有殊勝力焉無論牛頭以下非所擬倫即置之八十四人中應以正法眼藏相屬矣余聊引其端俾爲前茅若從禪師語錄中下一註脚是爲負禪師入地獄如箭射覽者倘作語言文字觀亦入地獄如箭射

龍池幻有禪師語錄目次

卷之一

住荆溪龍池山禹門禪院語錄

卷之二

住清涼山秘魔巖等處語錄

住燕山普照寺語錄

卷之三

閒談

卷之四

閒談

晚話

卷之五

晚話

卷之六

舉古

拈古

卷之七

徵古

頌古

代古

別古

機緣

畫像語

卷之八

書問

韻語

卷之九

駁語

卷之十

性住釋

物不遷題旨

贅語

塔銘附

龍池幻有禪師語錄目次終

史一

龍池幻有禪師語錄卷之一

門人 圓悟圓修等編

南錄

萬曆元歲爲樂庵和尚越世師因掩室守制以三載爲期毘陵悟玄白居士過訪於關前問曰昨聞禪師孝義特爲令師掩關守制堅確卓立脇不沾席可謂此心難得但未知此守制外別有所得否師曰別無所得曰得毋空過時光乎師曰亦未嘗空士欣然曰願聞不空所以師從容曰古語云自外入者名之爲得然此已躬之事人人本具個個不虧設爾發明只發明吾人人本有豈從外得耶吾謂別無所得者以此士領之有間復問曰禪師於六祖所悟應無所住而生其心有所契否師曰事雖不合其理冥符經中所謂諸苦

史一

五

薩應如是生清淨心不應住色生心不應住聲香味觸法生心應無所住而生其心但於六根門頭於色聲香味觸法當無所住著而清淨心自現前矣又奚假生哉然生字作醒字看最好師又曰六祖得此源頭其來久矣方聞市人誦此不覺冥契遂訪黃梅五祖求印豈六祖纔聞是語始得未聞之先不得耶故先輩謂得失較量皆爲餘論士曰是知禪師工夫入手久矣未必無首悟之緣可得聞乎師云吾聞先輩悟道者如麻明道者似粟未有能形容悟迹者如僧問仰山學人還假悟否山曰悟則不無恐落第二頭何若靈雲見桃香嚴擊竹皆云悟道但不識道者爲何唯一智通老宿忽從夜半叫喚云我大悟也我大悟也歸宗令人問伊悟個什麼乃曰尼

姑元來是女人做真可謂奇特君且謂此老會悟否此便是古人呈悟樣子悟本無迹亦不易言如圓覺云若言有證有悟即爲我相名未解脫四相未除便不能入清淨覺海吾將有悟迹呈之是剝肉作瘡藥過仍病也雖然但以始終緣會葛藤略呈所自可耳士云願聞師云余初身嬰勞疾百計求醫莫得少瘥先師初教衆父母未生前本來面目謂吾疾當自愈既衆日久轉加迷悶及閱諸禪宗語錄所觀種種差別公案皆瞢若面牆略無針剗可入延歷二年病亦不愈竊計死將在邇一日對觀音聖像燃香發願持菩薩名誓不倒臥以悟爲期夕死無憾由是尅勤精進歷二七日餘一夕經行方坐昏沉無奈忽聞琉璃燈花燁爆聲豁然有醒始知古人所謂

史一

六

直得虛空粉碎大地平沉十方無壁落四面亦無門若有一人發真歸源十方世界悉皆消殞等說皆非虛語於是只覺得此身若一丸水晶珠內外瑩徹無礙渾如浸在碧波之內相似頓見十方世界湛然一切平等清淨不動始可謂溪聲便是廣長舌山色無非清淨身行亦禪坐亦禪語默動靜體安然矣又豈有去來得失之可語哉更覓此虛損勞疾則寂然不覺其有矣然後閱佛經并諸祖師語錄乃至今所問之言皆如舊習略不見其難耳語方及此忽寺長老送茶至師云且截斷葛藤喫茶晚參據座曰老僧年邁不得如諸方依時及節與你們說佛法提得起便與你們說幾句淡話提不起便休從今向去與你們說得十

二分與佛法相應說得成言如雲門大師云乾坤之內宇宙之間中有一寶秘在形山如此說話切莫作佛法道理會從今向去十二分說得不成言與佛法不相應如雲門大師云拈燈籠來佛殿裏將山門來燈籠上如此

史一

七

說話切莫不作佛法道理會正恁麼時汝等作麼生會取咄直須中間截斷兩頭撇開始得只恁麼卜度去有甚了時雖然如是老僧今晚無可與你們商量得亦無可與你們說得若論教旨但汝等體解便知要會禪宗各自尋思悟去若只教老僧終日向你們碎叨叨說去正如春禽畫啼秋蟲夜鳴有何意味設有些些意味却又如臘月裏底扇子在子諸人分上總用不著且如即今向上一著子還有可商量處麼若道有可商量豎起左拳

云也只是者個若道無可商量豎起右拳云也只是者個衆中有會得者麼會得即向前來與老僧通個消息一總不會老僧今晚失利了也休休多說不如少說少說不如不說珍重

室中一晚問知修二徒曰金剛經謂若以色見我以音聲求我是人行邪道不能見如來汝等信不知徒云怎麼不信師曰汝旣信難道你我閉著眼塞著耳見如來耶知云何曾要閉眼塞耳師急索曰華嚴經又道佛身充滿於法界普現一切羣生前爲什麼汝等張著眼而不見耶知云據某見處是佛見無我是我見無佛師曰料掉沒交涉顧問修曰你如何會修云據某見處道得一字即不出師曰同坑無異土汝等且去異日再會來復召

曰殊不知是我見無佛并道得一字即不出道不得一字亦不出皆迷邊事又是佛見無我并道得一字即出道不得一字亦出皆悟邊事與汝等何預焉去

一晚同知修二徒至悟徒關房前竚立有間曰佛法二字雖不是偶然亦非特意會得但有個悟入處不妨信意拈來自然貼體隨分道出自然恰好所以大丈夫爲道迴別纔趨得源頭到手撩起便行不問如何若何老僧憶昔居臺山有一僧問三賢尚未明斯旨十聖那能達此宗未審如何是斯旨老僧即鳴指一下曰會麼僧云不會又鳴指一下曰知麼僧云不知老僧但向伊道具足凡夫法凡天不知具足聖人法聖人不會聖人若會即同凡夫凡夫若知即是聖人其僧矍然致敬

史一

倒身三拜直趨而去更不回頭俊哉汝等且道這僧如此去還曾悟得也未若道未悟他却恁麼去道他悟又悟個什麼來汝等試道看悟即起身一拜曰夜深天寒請和尚歸方丈師曰不是這等儻侗推開去便了的師乃舒一手曰我手却不是驢蹄悟曰恁麼道又爭得乃亦豎一指師曰也當不得知徒曰還許某甲進語否師曰道來知云雪中看月色師曰依稀彷彿顧修曰你也道得麼修即曰滿室不聞香師即轉身曰來日再商量

史一

九

次日晚叅師曰知徒第一座昨晚所進之語句意皆新大有來由甚愜老僧意即這一言可繼夾山船子之道所謂絲懸綠水浮定有無之意又語帶玄而無路舌頭談而不談者也雖然如是試更進一語始堪克紹洪規乃

召第一座來船子道直得藏身處沒踪跡沒踪跡處莫藏身又作麼生座曰去此二途恰好師曰恁麼則前言不應後語了也良久曰夜靜水寒魚不食滿船空載月明歸復曰有舊日葛藤與你們重理一遍古人云可言不可行不若不言可行不可言不若不行發言必慮其所終立行必稽其所弊其言即老僧前謂金剛華嚴二偈是也其行即此晚參開示室中辨驗工夫是也言則爲始行則爲終所以道發言非苟顯其理將敬學者之未悟立行非獨贍其身將訓學者道業之未成耳且如金剛經不可以色見聲求畢竟如何可以見如來耶若曰凡所有相皆是虛妄若見諸相非相即見如來且如爾我瞞著眼現前無非色相又作麼生非得始可見如來耶既

不解非正如吾前所謂難道閉著眼塞住耳可以見得耶蓋金剛般若本是大乘終教一味談空與華嚴圓頓教相雖異究竟未始不同既同矣爲什麼瞞著眼不見佛身充滿於法界普現一切羣生前耶不聞當初芙蓉訓師一日問歸宗和尚如何是佛宗曰我要向汝道汝還信否訓曰和尚誠言焉敢不信宗曰即汝便是訓曰如何保任宗曰一翳在眼空華亂墜你看這則因緣甚好消息汝等還曾體悉麼還曾悟得麼倘爾悟去即世間何法而不可通耶況大乘圓頓之不合哉所謂未有圓而不空空而不圓者也只如塵說刹說衆生說三世十方一切說可謂圓矣又我觀一切衆生具有如來智慧德相但以妄想執著而不證得既無執著豈非空乎況身意

諸情根一切空無性耶如金剛曰眾生眾生者如來說非眾生是名眾生如來說世界非世界是名世界所以謂未有空而不圓者也爾我若不悟去華嚴元是華嚴般若還他般若佛元是佛眾生依舊眾生於爾我何預畢竟作麼生是你們底悟處故曰學道須當有悟由還如爭鬪快龍舟雖然舊閑田地一度贏來方始休

小叅師云今辰擊鼓召汝等來別無他語爲某闍黎新年特特遠來與老僧拜節今既去當要大衆送一送伊我前晚爲伊舉一則古人因緣當面商量他又不會昨晚將如來兩段葛藤拈向伊又不肯理老僧今辰做得個新鮮夢子說與你們當初老釋迦和尚在靈鷲山中法華會上逞神通呈伎倆謂道我能

史一

十一

促一劫爲若半日能延半日猶如一劫我當初只作尋常說話不知不覺看過去了而今始知不然適老僧獨于方丈坐方眨眼打個瞌睡便做了兩個大夢頭一個夢夢至當年三十日去往檀越家打葛藤至晚未歸被一

個老婆子變著臉死死把老僧推出門來却道即今已是臘月三十日晚了只管扯葛藤到幾時住家家戶戶俱要打疊過歲怎生容得你在此宿歇幸與得一根連枷竹柄子在手裏天上雪又落地下路又滑直得虎狼無辯高下不分以至半夜時分走得來山第二個夢却似正月十五大雪瀾茫之際朦朧月色之時老僧既出山打個之繞歸却從個板橋頭過見一隻虎張牙舞爪要過板橋不得皆著橋把坐久了打頓老僧也要從這條路

歸只得輕輕走過板橋了撫掌呵呵大笑曰
幸幸且道幸個什麼設若這虎歇却打頓掉
轉頭來時老僧性命安有得到今日也然這
兩夢未有人爲我原老僧試自原之頭一夢
即前晚關房前所作者是第二個夢但未暇
說得且送了你大師兄去後更原之

有徒圓因一日侵早至榻前謂某甲適有個
會處說與和尚正念了功課坐火爐邊暗究
不生不滅之理瞠眼忽見火星一亮頓忘前
念覺得見色聞聲事事法法無不是某甲會
處今正對和尚說時又覺得不是了師曰你
且去把你是與不是都拈去了來再與我說
至第三日又來座前告云某始知得本來沒
有是與不是都是某自疑不了耳師曰你前
見火底意思還在麼因云在師豎起拳云見

史一

十二

麼因云見師曰見個什麼因云見和尚這是
拳頭師曰恰又不是了禮拜着因拜至地被
師一脚踏翻倒起來擬語師展兩手曰見個
什麼因更凝豎拳師喝曰出去

上堂舉女子在佛前出定話畢乃曰者一則
因緣諸方商略者極多判斷者恰少昨日見
個俗漢子出來便要將黃帝於赤水求玄珠
類女子出定以罔象爲罔明可發一笑老僧
輕輕向他道還曾夢見釋迦老漢麼老僧今
日爲伊判斷去也若謂罔明即女子女子即
罔明或有一個半個信亦未可知若說女子
從來未曾離佛佛亦未曾離女子一萬個却
有九千九百九十九個信不及即今現前有
信得者麼知徒出曰某甲數年前便會得則
不見有女子亦不見有佛師咄曰出定話聲

曰尚無定入況有出手師曰汝見處與老僧
初見處甚同許你具一隻眼雖然如是若論
佛魔齊掃迷悟兩空今時要實會到者田地
不道全無只是罕有師顧視左右云還見麼
不滯聖凡情卒易勸人除却是非難下座

史一

十三

上堂舉世尊勅阿難持鉢話師云當初世尊
涅槃時至文殊勸請世尊再轉法輪世尊云
文殊文殊汝將謂我四十年間曾爲說法耶
何故又請我再轉法輪所謂始從鹿野苑終
至跋提河於是二中間未嘗談一字衆兄弟

阿難當初問七佛儀式世尊召阿難阿難應
諾者是世尊爲阿難說了也未若道說了則
曾說個什麼來若道不說又召阿難作麼今
時有一等義學輩解道世尊不說處正是爲
阿難說了也若然須信三藏十二部一切修

多羅說亦不曾說矣雖然且道即世尊勅阿
難曰持鉢去者三字是說也是不說也下座
云叅

上堂舉城東老母話師咄曰者臭騷老婆你
看伊搽脂抹粉只顧裝模做樣作麼旣與我
佛同生而又同居一處却對人云不欲見佛
正所謂疎來好相見數往令人厭乃是終日
見之不耐見耳殊不知爾我而今要見如來
百計千方覓伊弗獲一見他把我如來不耐
見作賤以至如此老僧但耐耐如來當時亦
只是不曾見者婆子設見之決也放伊不下
務要鞭伊八萬四千拄杖一下也饒不得因
甚如此爲如來眼裏着不得者個設見之便
成禍害也兄弟莫謂如來當時不耐見伊只
如老僧眼裏亦着伊不得汝等知麼此事且

置兄弟汝等道者婆子眼裏見底如來是色質如來耶非色質如來耶較比爾我所見如來同耶異耶若道同則爾我皆已知如來當時在雙林滅度久矣若道異即同婆子回顧東西見底井十指中間見底又是那個如來

史一

十四

況金剛般若云若以色見聲求又不能也然此見如來之方且有二道耶兄弟爾我到者裏須當各各俱要理會得分曉若不會終爲塞礙有問曰爲什麼老母不欲見如來如來亦不說見老母乎師因頌云我佛初無半點私祇緣諱得者些兒既同生也不同死不說於人人不知下座

晚衆潘淨月相訪師拈拄杖入堂召衆云今晚無他說潘淨月同二道友特特臨訪老僧彼善行醫治藥感彼遠來無可報伊老僧止

只得一個好藥方傳與他要汝等大家證明務召淨月在否月云在師曰我要傳方子與甚須也要你有藥始堪有用要藥也須預曾成備得始可臨時應用若謂採藥還要個法如樣子復召曰淨月月應諾師曰文殊當初

喚善財採藥便是法子樣子文殊一日謂善財曰你既去採藥但是藥便採來善財纔出門便走回謂文殊曰我觀大地山林草木大小昆蟲金石等類無不是藥未審要採那個藥殊云是藥但採來善財就于地上拈一莖

史一

十五

草度與文殊文殊接得拈起示衆云者一莖草也能殺人也能活人老僧始從過水拾得一根枯竹子在者裏也能殺人也能活人舉起云喚作拄杖子即觸不喚作拄杖子即背汝等衆中還有道得者麼良久云汝等既道

不得豈不是死了又召淨月曰你作文殊我且只做善財我把拄杖度與你月伸手擬接即被師攔頭着實打了一下月乃高叫曰阿耶阿耶者老和尚且耐且耐師呵呵笑曰且喜活也活也只消你一個活其他都死了也不妨你既活矣我却把藥方傳與你罷乃召淨月月應諾師曰通身是病通身藥咄一聲云者是方子遂舉拄杖曰只是不把金針度與人乃云者是我底本錢即轉身歸方丈晚參師曰昔有個道林禪師見秦望山長松盤曲如蓋遂棲止其上人皆謂之鳥窠禪師有一侍者名會通一日辭去林問曰你往何去者曰某甲自親和尚不蒙垂誨今往諸方學佛法去林曰若說佛法我者裏亦有少許曰那個是和尚佛法林於身上拈一莖布毛

吹之者即頓悟玄旨歇却去心然鳥窠當初膽量雖小也怪伊不得祇者一個侍者若去了自要飯喫爬上爬下便有多少煩難豈不慌悵當時連忙拈起莖布毛來務要束住伊不放伊去也老僧自揣膽量比鳥窠幸恢廓然者老山中不得幾個伴侶要且難住雖稍有幾個徒衆第恐相伴多日了也似伊要往諸方學佛法以故老僧新年頭將身子只得也抖擻一抖擻仔細檢點佛法則一毫無有如今若向老僧要布毛則現前徒衆且多一

史一

十六

晚叅舉馬祖自南嶽印心關化于江西一日
讓和尚問衆云道一爲人說法也未衆答已
爲人說法了讓云但未見人持個消息來一
日密遣僧去探伊囑云若見伊陞座但問云
作麼待伊有話記將來其僧一依所囑問之
祖云自從胡亂後三十年不曾少鹽醬僧歸
舉似讓讓然之師謂衆曰馬大師三十年不
曾少鹽醬方可聚徒說法老僧者裏少鹽沒
醬聚什麼徒說什麼法乃喚化油鹽僧出來
僧出復曰近前來僧近前師曰馬祖三十年
不少鹽醬也只是是一個化主老僧者裏也只
是一個化主老僧說法未滿一個月便斷了
鹽幸是笑巖老人過世了設在時遣僧來探
吾吾將甚話打發伊速道速道道得即不打
道不得即三十拄杖僧云道不得師舉杖曰

史一

十七

者杖不堪打一下當十下遂打三下僧把拄
杖一拽拽不去師云恰與你不得雖然爭之
不足讓之有餘禮拜著僧禮拜起師曰是賊
是淡僧擬開口師咄曰且如老僧與你們說
幾句淺近底佛法似乎不解據你們底意思
只要老僧說些深妙道理我又少鹽沒醬底
幸記起訓蒙童語念與你們聽了各散去乃
高聲唱云上大人丘乙己化三千七十士尔
小生八九子佳作仁可知良久云去
壬寅二月二日有在家居士數輩送友入山
祝髮晚叅師入堂據座舉拂子曰某等三人
發大菩提心特特遠來欲皈依老僧薙染作
個圓頂方袍僧相既要離塵脫俗反邪歸正
正是出類拔萃者也然此三人雖無妻室子
女總是伊離恩割愛底時節即此一會諸上

善人大家結伴送伊來山亦要訪尋知識決擇各自有一著生死大事未爲分外乃召諸善人曰若說起各人生死大事不但汝等急切在古亦然不見當初唐貞觀年間曾有個居士特往山中訪石頭大師見即問云不與萬法爲侶是什麼人石頭驀舒手按却伊口伊即領悟不露一辭又去參馬祖見即也問不與萬法爲侶是什麼人祖見伊已自務自任乃與進一步云待汝一口吸盡西江水即向你道士當下豁然乃曰從今後有男不婚有女不嫁大家團圓頭共說無生話去也且言馬大師與進一步更與伊進個什麼來蓋謂你雖然孤迥迥赤條條無依無倚固是個頂天立地底一個漢子不若口門再用放大些不大則西江水吸不及肚皮也再要放寬

卷一

十八

些不寬則西江水無以容你看馬大師形容得伊好個大人氣相汝等莫謂我們不能比得伊口門又窄肚皮也不甚寬豈似伊孤迥迥赤條條無依無倚去汝等果爾膽怯老僧如今與你們一丸安心藥喫汝等還曾聞毛吞巨海芥納須彌之說乎毛與芥是無情之物猶能吞能納又豈不開心包太虛量周沙界之說乎昔李渤刺史曾問歸宗曰聞貴教須彌納芥子則不疑芥子納須彌莫是妄談否宗曰聞秀才讀萬卷書是否曰是宗曰觀公身量如椰子大萬卷書著在何處還知麼只這個肉團紋路所通六根門頭種種塵境無不貫徹這一點虛處猶能包太虛周沙界況此須彌巨海乎但這個肉團孔竅纔有些些粘痰遮蔽了即平日六根門頭所攬底一

切塵緣等事毫無知覺便是昏天黑地作顛作狂去也且止是事你看老龐參馬祖後再見石頭頭云你自見老僧以來日用事作麼生士云若問日用事即無開口處乃呈偈曰日用事無別唯吾自偶諧頭頭非取捨處處

文一

十九

弗張乖朱紫誰爲號丘山絕點埃神通并妙用運水及搬柴若以傳大士夜夜抱佛眠之偈較之則天地懸殊反不如個在家居士也且問汝等總是在家居士作麼生是日用事莫是從早辰睡醒了便要穿衣穿衣了便要喫飯喫飯了便要屙屎放尿屙屎放尿了便要迎賓送客迎賓送客了便要抱子引孫抱子引孫了或要燒火掃地從燒火掃地了或也要運水搬柴既在這行戶且莫說是與不是可謂無別若要唯吾自偶諧須見天地與

我同根萬物與我一體始相應耳頭頭非取舍只是見色聞聲處如水中鹽味色裏膠青水中月鏡中像取不得捨不得不可得中者麼得處處弗張乖舉拂子曰喚著拂子即觸不喚著拂子即背便是乖張底意思朱紫誰爲號蓋言天地日月由人分別物物頭頭法爾如然丘山絕點埃若人識得心大地無寸土若論神通并妙用運水及搬柴你看這個老頭子得了他兩個悟頭便有多少自在多少受用賣弄道運水搬柴總是伊底神通妙用就如一百觔底擔子他擔了何等穩當第二個在家居士便不肯如此承當去如老僧這裏現前一衆道友個個俱是頂天立地底大丈夫漢口門又闊肚子也大只是不肯承當當初子湖大師從半夜時分驚叫云有賊

有賊驚得那叢林僧衆亂跳捉賊趕賊被子
湖驚搗住一僧緊緊抱住叫云捉得也捉得
也其僧被子湖抱住却慌憊了儘力急救云
我不是賊我不是賊子湖輕輕托開云是則
是個賊你只是不肯承當又不見芙蓉訓問
歸宗某自出家尚未識佛宗曰我向汝說汝
還信否曰和尚誠言何敢不信宗曰即汝便
是曰如何保任宗曰一臂在目空華亂墜大
衆若論這個把手勸人行不得唯人自肯乃
方親下座

晚泰上堂今晚不拏得拄杖來老僧恐你這
幾個一總嚇散了老僧便住不成山也且道
今日托物爲由承機而去者一節怕老僧拄
杖子二節又怕榔子響便躲閃開了又一則
如閒神野鬼二則如五千退席五千退席且

史一

千

置昔汾州無德禪師一日入堂謂衆曰老僧
昨夢祖彌與我索羹飯喫庫子爲我買些葷
牲以了其事黃昏時祭畢令庫子散其餘盤
俱無納者禪師就庫司飲嗽自若即寢息明
辰侵早禪和子束裝散去怨語曰酒肉和尚
豈堪依住耶唯慈明泉大道等七八輩在焉
禪師乃陞座曰不消老僧一陌紙錢幾塊肉
把這一隊閒神野鬼斷送去了也遂指住衆
云此衆無枝葉唯有諸真實下座老僧如今
不勞牽勛動骨傷神費力務去買紙錢刀肉
來退伊只用得一根拄杖并木榔子足矣雖
然老僧昨晚對伊道且將布袋口挽了趁你
們氣力攀來高高閣起罷如今又不然難道
老僧說法也欺汝等不濟而不說耶古人有
云皇天無二道聖人無兩心且如何是皇天

史一

主

之道聖人之心不聞法華所謂密雲彌布一雨普潤斯非法喻齊彰佛天無二道乎蓋聖與天只是一個無私而已豈有他乎老僧雖不敢擬聖與天且如前晚爲水雲等對真說話雖年老多忘一篇語中說差了三個字既曰將錯就錯觀汝等恰似將個棗了渾吞在肚裏了只不曾咬嚼一咬嚼耳雖不能如古人青州布衫麻三斤栢樹子乾屎橛死貓兒頭金剛圈栗棘蓬等又若鐵釘飯木札羹嚼不爛咬不破雖淡無滋味吞又吞不得吐又吐不得底語相同但肯相體我這三個字差處雖不禁咬嚼輒不可輕放過去了這是老僧底意思兄弟你們還知麼中峰大師有個偈子念你們聽了去罷逆之則怒順之歡天下人情沒兩般肯信順窮還逆至眼開休把

自心瞞去

上堂輒呼衆名畢曰俱在麼答在急索曰我屎急且去著

晚叅曰且如早晨老僧相喚底意思汝等會得也未且置是事我且問汝等連日作務勞苦不易汝等看做是自己底事耶別人底事耶衆俱答云是自己底事師曰幸爾你們不曾看做別人底事若看做別人底事老僧明日斷不要你們作務矣何故如此我蓋知汝等一個個都是拋家棄業離恩割愛父母丟在荒草裏猶不暇顧既出家來將要隨老僧學道速圖發明生死一著大事詎有閒工夫爲他人著忙耶喫了自己底飯打野裡去耶汝等會得這兩轉語麼會得便請歸家穩坐自在安閒若爾不會未免終日奔波外邊走

且如何是自在安閒人更說個比喻如叢林堂中安了五百單厨下只有一個安閒自在底燒火做飯也是伊淘米擇菜也是伊運水搬柴也是伊刷鍋洗碗也是伊鋪堂搬運莫不總是這一箇安閒底如六祖在黃梅舂碓

文一

二十二

雪峰在德山克飯頭馮山在百丈作典座法演在白雲做磨主總是且如何是波波外邊走底人正是如今孤迥迥紐著鼻子將個蒲團在僧堂坐着不放叅底如牛頭未見四祖馬師未遇南嶽俱胝未逢天龍等總是且如何得兩般合轍相應去却不如個在家俗漢子道個日用事無別乃至運水及搬柴不妨便合轍了也而今人只言窮理汝等却不存日用頭頭事物上體認向什麼處摸索老僧只恐你們錯用工夫故此着急且日用事又

文一

五

如何體認雖總不離根塵對偶纔有認着便落緣塵分別影事上了楞嚴謂如第二個月雖不曾離了月體要且不是真月只如離了緣塵分別又向何處體認縱不緣塵了了分明又恐落在識神設不明白了了又恐落在無明大難大難却憶南陽忠國師一日喚侍者三侍者三應諾國師曰將謂吾事負汝却是汝事負吾且如老僧早晨相喚底意思與國師喚侍者底意思何如饒汝等從朝至暮波波汲汲做來只是事負老僧還知麼頻呼小玉元無事只要檀郎認得聲咄一聲下座上堂舉南泉一日同歸宗麻谷去禮忠國師泉於路上畫一圓相云道得即去宗往裏坐谷作女人拜泉云恁麼則不去也二人爲伊挽之而回更不復去歸宗當時頗奈繩頭在

南泉手裏只得隱忍而退但云是甚麼心行
洎後南泉又同魯祖杉山歸宗四人辭馬祖
各住庵去泉又於分袂處插下拄杖云道得
也被這個礙道不得也被這個礙那時節却
被歸宗拽起拄杖儘力著著實實打了一拄
杖曰者王老師又說甚麼礙與不礙老僧今
日暢快何似歸宗當時暢快若作歸宗只可
盡法又留什麼人情縱無氣力底拄杖更打
伊一兩下亦不爲分外者王老師慣得其便
不打更待何時舉了云即今家中還有王老
師麼若有請來老僧今晚更要與伊一頓爲
甚如此豈不聞東村頭人家失了火西村頭
人家未免着忙雖然如是路逢劍客須呈劍
不是詩人莫獻詩下座

看經次有慧侍者獻鮮笋茶師云此乃是天

降下從地湧出耶者云偶爾烹得恭敬和尚
問曰你早晚聽老僧說話曉得否者云不曉
得師舉匙挑起笋牙云你如何却曉得這個
者云現見師接曰既曉得我要喫他即送入
口云恁麼靈明又道不曉得者無語而退

晚叅師云兄弟事不如此古之住持爲衆說
話直得哀請懇求不得已而應命又曰從來
善知識亦無法與人說直要汝等自信自肯
然後相應如今老僧恰似有佛法無着處要
與你們則不待哀請懇求趕着你們來說也

史一

二十四

雖然爭奈老僧道心不能久遠不得長與你
們說話不可輕忽不當做一件事且如我昨
日偶問一泥水匠人曰你看者竹子如此擾
亂爲當風搖竹子爲是竹子搖風彼云是風
搖竹子予云若無竹子你又向何處見風乎

彼即笑云是亦有理兄弟彼是一個工作世諦中人見說得有個道理便亦肯信更說個竹子無知風本無我所知在我而不在風竹便躊躇信不及矣正六祖所謂非風動非幡動仁者心動不其然乎雖然這個說話亦是

史一

王五

六祖當時應機建立之談未可以爲必然當知我心既屬於動而知非風幡動者并知非非風幡動者又屬誰乎不然又豈有兩個耶古人謂此心尚不得以有無名之況可以動靜名跡局之者乎古人有言喚作一物即不中更曰不是心不是佛不是物良有以也今直不聽動靜爲非心但聽爲心之影響耳要識心體麼譬如一顆大清淨摩尼寶珠內外光明瑩徹淨無瑕穢無所不燭上至佛祖聖賢菩提涅槃真如般若等

云

云

下至天上人

間地獄餓鬼等趣以至世出世間一切等法盡十方徧法界有情無情事事法法影子莫不都映在這寶珠中汝等還知麼還見麼除却內六根外六塵根塵不相偶時你又向何處見得這個影子乎縱饒外絕諸緣內守幽間猶是法塵分別靈明影子若爾矇然不知又是一個無明塊子若於此有個入處即內六根外六塵中六識三六一十八更加地水火風空見識七大徧週總成了二十五個圓通法門一一法門皆有菩薩已證入矣惟楞嚴教主勅文殊選擇圓通娑婆世界衆生當機唯耳根爲最今日二月十九正是觀音大士放身命底時節汝等若也要悟圓通今正是時須從這裏入遂鳴指一下云聞麼良久自答云聞又以指點空一下云不聞麼自答

云不聞乃曰聞性空時妙無比思修頓入三摩地無緣慈力赴羣機明月影臨千澗水

四月八日上堂靈光耿耿智體如如今古洞然聖凡靡間向上一著由來千聖不傳放下便休是衲僧尋常本事遂舉拂子云汝等衆

史一

主六

中還見這個麼若言不見除是汝等生來眼盲若言見山僧但向伊道個瞎若更有言除却這兩瞎請師別道山僧更還向伊道個瞎若於此未會須更聽山僧葛藤乃曰今辰四月八日正是我釋迦如來當時示生降誕之日捨身命處所以既從出家成道以來則有曰淨法界身本無出沒大悲願力示有去來又言法身無相藉法界以爲身心智無依等太虛而爲量所言法界者即四聖六凡是也上至諸佛下至一切含靈莫不總是我如來

一個根本法身更言法界有四所言事法界理法界事理無礙法界事事無礙法界該盡世間出世間法矣然總爾既是一個如來法身則何處更有個衆生可度也耶以有大悲願刀故示同人生死同人壽命同人好惡同人取捨同人哀樂同人是非於是中間遂有佛道可成有衆生可度然有衆生即有佛有佛即有衆生皆不出我一念靈知之心所以一念悟去即佛一念迷即衆生又一念善即天堂一念惡即地獄所謂心佛衆生三無差別即心即佛不其然乎山僧今日忽想起世間前後不識有多少路見不平之輩務要別尋一個人要與我老釋迦比勝負較優劣殊不知我釋迦如來是何等一個面目還知我釋迦如來脚跟立地處麼還曾夢見我釋迦

史一

主七

如來頂相麼故云舉手攀南斗迴身倚北辰
出頭天外看誰是我般人師言至此起身讚
偈云天上天下無如佛十方世界亦無比世
間所有我盡見一切無有如佛者遂急索曰
雖然如是雲門大師來也乃擲拂子下座

晚叅靜虛王茂士從萬曆庚子冬渡江遠來
訪老僧於荆溪龍池山中同衆藜羹藿飯不
親文字唯事蒲團竹椅以至廢寢忘餐期於
徹證而後已一連住了八個月日乃因家間
世故尋逼而去在山時每勸老僧爲衆開示
并與徒輩說法當時老僧堅執不肯應命不
是不肯應命但當時我思無可與伊說得雖
然如今始有些些可說正要與伊說却又不
在此矣兄弟你道老僧當時無得說是耶如
今有得說是耶汝等試道看有云和尚當時

畢竟該說師咄云還知如今說底即是當時
不說底麼還知當時不說底即是如今說底
麼曰恁麼則和尚有說無說俱不可思議耶
師打一棒曰汝何著相見老僧嘴動便謂說
法見嘴不動便謂不說法耶更打一棒曰珍

重

六月六日師因施主入山請爲大衆陞座說
法師強據座曰山僧從住持來半月一陞座
五日一小叅今日施主勉令登座爲衆說法
恰似節外生枝大不疾溜良久云咦尋常日

史二

宋八

午不打三更今日分明黑月當晝舉拂子召
大衆云會麼猛虎不喫伏肉不憶獵人未及
拔箭以割鮮正恁麼時當究不究烏又待夫
嘔屍爛而醢臭咄一聲下座
僧問如何是佛祖奇特事師曰蝦蟇捕大蟲

僧云恁麼則不爲奇特也師曰猫兒捉老鼠
僧禮拜起師振威一喝僧云和尚爲什麼放
某甲不過師急索曰老僧有事你且去

一日侍者圓地跪榻前懇曰某甲從出家學
道以來尚未有個入處望和尚方便使某日
用如何用心師曰汝若不會着衣喫飯屙屎
放尿須要老僧教汝老僧本分但只着衣喫
飯屙屎放尿隨緣度時而已別無甚神通方
便奇特巧妙處汝更有甚疑地曰只疑一句
偈云正恁麼時誰會得師曰你且去待別時
來與你說師一日見伊從方 去遂呼

某甲地即應諾走入門來師曰你去爲我喚
圓地來地踟躕曰某即是圓地師動容有問
曰你即是圓地我如何不認得你地復踟躕
無語師喝曰且去

史一

元

僧問如何是佛師云千峰雪色照人寒問如
何是法師云春水平江匝匝波問如何是僧
師云歸依似木人僧云學人不會師曰爭怪
得老僧乃叱曰禮拜了叅堂去僧禮畢纔行
師召曰闍黎僧回首師云虛生浪死漢去

持華嚴經僧至問學人久誦此經未諳四法
界旨師曰汝但從頭問來僧云如何是事法
界師豎起拳示之僧又問如何是理法界師
亦豎拳示之并問理事無礙法界泊事事無
礙法界俱以拳示之僧不省去問室中第一
座曰某甲久誦華嚴不明四法界旨來問堂
頭和尚凡四問四以拳示之何耶座云會麼
僧答不會座曰汝但從頭問來僧即問如何
是事法界座云即拳頭豈不爲所舉乎又問
如何是理法界座云即能舉又豈異於拳頭

乎又問如何是理事無礙法界座云即拳頭便是能所豈能所外別有一拳乎僧曰然則如何是事事無礙法界耶座云若言事事無礙豈輒豎拳豎指瞬目揚眉而已以至輓毬舞笏打地擎叉把釣呈撓張弓放箭畫圓相

作女人拜而四法界旨莫不該通攝盡又豈止在僧在俗是女是男燒香禮佛擊磬敲魚打鼓捶鐘吹螺奏樂迎賓待客抱子引孫梳頭洗臉喫飯穿衣搖綿織布績苧撚麻點沸調羹攢花簇錦抗土掘地種穀栽禾寫字讀書操戈放彈莫不咸承此力深契斯旨也其僧再拜退復至堂頭和尚處禮謝懺悔師云你去見何人來僧云某甲於和尚前未有入處蒙堂中第一座爲某甲開通一線師令侍者喚首座至責云汝何多事爲伊饒舌座云

和尚若嫌此等說以爲饒舌即華嚴楞嚴又何須讀師驀豎起拳云汝謂此是權耶實耶爲有耶爲無耶是多是少爲是爲非速道速道座擬議師即振威喝出

一日有客入山訪師從容語及禪門中事客

因歎息師云何也曰弟子曾閱傳燈錄當初大法鼎盛時前輩諸大老發明教外別傳之旨即激揚酬唱之語歷歷可觀洎至我明正德嘉靖間出個天奇老人并無聞笑巖二三老大似知有不肯草草只是未大發揚今時

大

三

少室但存規模體式虛行故事正是業識茫茫無本可據者也近年來有個杜撰長老倣效成風出自少室到處行棒行喝懸知少室今時無此機竅第恐是無根之草終成敗壞師云不然當初釋迦老子成道後號召弟子

人天百萬說法如雲如雨應機似電似雷你看伊幾十年中間曾見個什麼師法又遇那個作家來便乃如此汝豈不聞佛說諸經教中皆謂佛從無量劫來無一如來不從承事過乃至謂三千大千世界無有芥子許地不

史一

手一

是伊捨身命處既是積功累德宿乘願力而來方乃如是安知今日行棒行喝又非宿乘願力如此乎而今且不獨一人兩人到處要行棒行喝兼老僧雖居於深山窮谷過年以來也要行些棒喝且道老僧要行底棒喝是效伊杜撰長老行底是效吾師笑巖和尚行底是效德山黃檗臨濟大覺洎祖師如來行底若果從人學底即虛而不實終成敗壞所謂丈夫自有衝天志不向古人行處行然雖此事不可從人學亦須是棒頭有眼始堪行

耳唯古人行喝喝須徹骨所以馬祖一喝直得百丈三日耳聾古人行棒須要棒棒見血所以黃檗打臨濟大覺打興化便是樣子客曰爲什麼古人行棒務要棒棒俾伊見血今時行棒棒棒都在空裏師曰你且道打在空裏底棒亦有眼麼若無眼一棒打不著所在即禍生所以今時行棒與古時行棒甚異彼此只虛行故事耳有個比喻比如官廳前皂隸私受了犯人財賄棒棒只打在地上但只聽得響何曾打著個人不信試看棒頭上會有些血星兒麼

龍池幻有禪師語錄卷之一

音釋

瘥

楚辭切音

爬

蒲巴切音

椰

余遮切音邪

瘥

疾愈也

瘥

徒監切音

醯

夷夷切音

賄

也財帛總名

瘥

病液

醯

也酢末也

魚

圭

龍池幻有禪師語錄卷之二

史二

門人圓悟圓修等編

北錄

萬曆甲申歲師演法華妙典於秘魔岩寺時有萬融首座病眼四十日既愈一日仍來座

史二

下展本聽講經師方陞座見之言曰且喜萬

融首座病眼重開幻人有賴彼悚身起立云

不敢師曰且問汝即目前所覩境界與向

未病眼時同耶異耶對曰無異師曰然正古

人所謂三十年前見山是山見水是水及乎

中間有個入處則見山不是山見水不是水

老僧今日休歇得見山依舊是山見水依舊

是水是也師乃說經不已及下座有空安禪

者詣方丈叩曰前言古人見山是山云云之

旨某甲實未明了願老師方便一指曰禮拜

著者禮拜起師問曰會麼云不會師曰近前來安近前師豎起拂子云此是拂子打一
下復豎起云此還是拂子會麼云不會師乃
曰昔妙色國王欲求勝法恨不值佛帝釋遂
現藥叉形而爲說法乃曰我肚饑不能爲汝
說王遂呼廚吏作上膳奉之藥叉曰此非我
食人新血肉是我常食王思他人身肉俱非
我有遂將已所受子及所受妻皆與食之猶
未充足欲捨已身願乞先爲說法帝釋見王
爲法心切了無違拒遂捨藥叉形而現帝釋
本形一手托妻一手托子了無遺損爾果學
道欲圖個得力處亦須如此一迴始得者復
問學道人病苦到來如何排遣師曰今見吾
法門中人但得此此因緣福報便算了一生
修行事畢便爲止足更不圖進復不覺察是

之與非只爾昏昏把日子靚過去了殊不審
一旦大限到來八苦交煎之際始悔之噬臍
不及矣且爾我手足晏安之時平懷適意處
得力不得力他人不知要在各各自已揣摩
檢點昧心不得欺人不得休把光陰虛度了
每見有登華座踞方丈曾作人天標榜者拈
椎豎拂談禪論道說得如瓶瀉水相似大有
可觀近似了了纔有些少病苦到來便見排
遣不下以至臨危之際不言可知矣不知素
日談禪論道種種好處向甚處去也蓋此等
流出家未有原志復不曾遇得真正明師點
化所以不能到究竟徹頭處耳既未有工夫
實驗而且無個把持處則憑何以排遣病苦
乎故吾學道人先自要具眼具眼則易得其
師得其師要求啟悟反掌無難矣所以古人

史二

二

纔掉得個源頭到手便歸家穩坐自在安閒
縱橫無礙左右逢源所謂行亦禪坐亦禪語
默動靜體安然矣縱有病苦到來只若無事
人又奚假一毫之力用排遣哉故曰老僧自
有安閒法八苦交煎總不妨是也者再拜曰
某實同病苦但不解前謂源頭者何也師即
召空安安應諾師曰爲我喚空安來安曰更
喚某甲別無有也師云與汝說竟天晚珍重
萬曆甲申師在秘魔岩寺有王胡二善人入
山設齋備禮勉師陞座師乃曰若教幻人說
佛法無一字可語但問二善人每歲供送稻
糧與我僧喫將何所圖善人同聲應曰久聞
此山師德都是真實辦道者某等俗緣忙迫
未能學道唯減此口糧爲少助緣耳師回首
顧衆曰正可謂施主一粒米重若須彌山若

史二

三

然不辦道披毛帶角還信矣且如一粒米多
許大古人謂重若須彌者何蓋原蘇學士云
鋤禾日當午汗滴禾下土誰知盤中餐粒粒
皆辛苦也以今日觀之又翻成檀越心膏
血矣然吾惟患在今人不辦道耳且如我等
今日爲是捶鐘撾鼓集衆陞堂是辦道歟爲
是唱偈提科鋪文演義爲辦道歟又出口入
耳數墨循行是辦道歟披衣坐立束整威儀
爲辦道歟又敲魚擊磬誦經是辦道歟
迎齋獻供作梵持鈴爲辦道歟又書符發牒
掛榜揚幡是辦道歟醮星安土灑淨行香爲
辦道歟乃至禪堂止靜放參開單展鉢是辦
道歟打坐經行看經念佛爲辦道歟乃至廚
房炊齋備供煉醬調羹是辦道歟洗碗擇菜
運水搬柴爲辦道歟乃至庫司注記券疏因

果分明是辦道歟出入金帛取與米麵爲辦
道歟乃至方丈寢高堂居巨室是辦道歟登
華座拈麈尾爲辦道歟撫養老病誘挾後昆
是辦道歟量才授職察言辯色爲辦道歟姦
佞必除賢善必舉是辦道歟賞罰中節號令
密嚴爲辦道歟迎賓待客納衆招賢是辦道
歟尅己惠物下心一切爲辦道歟乃至靜室
穿破衲咬菜根是辦道歟打鐵七喫水齋爲
辦道歟閉門靜坐一物不爲是辦道歟墾土
掘地攝散除昏爲辦道歟諸大德即爾我許
多出家之流反不如古時一個俗漢子却謂
道日用事無別唯吾自偶諧頭頭非取捨處
處弗張乖朱紫誰爲號丘山絕點埃神通并
妙用運水及搬柴且看這俗老漢得個什麼
消息便敢開大口謂搬柴運水猶屬彼之神

通妙用而況於吾儕在袈裟下者反不及乎
雖然這老漢最善畫龍猶欠點眼幻人今日
試與指破使汝等易會去日用事無別切忌
眼花唯吾自偶諧到此也未頭頭非取捨更
欠什麼處處弗張乖瞞吾不得朱紫誰爲號

史二

只許你道丘山絕點埃自語相違神通并妙
用你是俗漢運水及搬柴合應如是且道這
個辦道說話在汝等諸人分上還曾有麼若
有須出來與幻人對衆通個消息若無切莫
因循造次各宜珍重尋思去乃下座

普照寺開示舉陶太史一日問師曰弟子未
有入處乞師指示浙音入與實同師以爲實
乃云檀越即今坐在虛空裏耶時靜虛居士
在傍以爲答錯了也師即曰將錯就錯何如
靜虛無語雖然據此一問無論錯與不錯良

史二

五

喻如人浴於大海患渴求救相似殊不知老
僧今日覓個出處不可得又何用入夏久乃
召曰兄弟欲會大道當會吾心唯吾心原同
太虛洞徹無礙左右逢源淨裸裸赤灑灑露
堂堂明歷歷無拘束莫可把又豈有內外中
間三處而俾之趨向背離容有出入之迹者
乎正所謂取不得捨不得不可得中者麼得
惟僧惟俗誰得誰失大約今時人學道有二
岐路是大病痛非此即彼不可不知第一路
不肯反躬扣已自信自悟只要向他善知識
口裏討分曉求解會病在依他作解障自悟
門第二路先任了自己一個見解確定以爲
主宰安頓在胸中了務要覓他善知識將個
圓木楔子恰好投入他者四方孔竅無論投
著投不著而不知正是個無明坑穽生死根

本蘊積日久永難拔除兄弟道無別體且觀此娑婆世上未悟之人純是一團情識意見所以同我者乃喜乃愛日親日近異我者乃違乃厭日遠日疎師復召曰兄弟果爾相信依教奉行將二岐路妄想境一一覷破迴光

返照而無量法門莫不圓滿具足總是不思議境界又烏用別求知識開示種種方便然後悟哉唯惠汝等從無始以來情塵意識積習濃厚了不能似大丈夫有決烈勇敢之志提得起放得下但只如半死不活底人提起

來恰似都捨不得放不下惟恐斷了命根相似故大慧禪師曰大段今時學道人多怕落空且如怕落空底還曾空得麼我笑巖和尚亦云只這怕落空底也須空却始所謂鯨吞海水盡露出珊瑚枝耳非是前輩老和尚好

專以空教人也祇緣學道人曾中一毫頭能所著不得一毫頭知見存不得不聞安楞嚴破句讀云知見立知即無明本知見無見斯即涅槃信夫纔有某些能所知見留於曾次便成膏肓之病終爲滯礙久之則不知不覺

不可得而治矣但祇見得一切人說話不合我一切人行事不如我一切知識說話行事俱不合我矣如此則莫謂今時善知識一切人以至上古善知識聖人佛菩薩再出頭來亦有所不合矣汝等珍重

史二

六

癸卯八月十五日普照寺開示陞座祝香云此一炷香不從天降豈逐地生雖假如來身分上藉來還向自己信心中拈出藝向爐中端爲供養本師釋迦世尊文殊普賢二大菩薩觀音大士護法韋馱西天東土歷代祖師

一切聖賢均沾供養次一炷香天不能蓋地
不能載熱向爐中端爲祝延今上皇帝聖躬
萬歲東宮後主國太夫人文武官僚功勳內
宰以至十方檀越咸增壽算又一炷香非金
非木非自非他用山僧信手拈來端爲供養

卷二

七

笑巖堂上傳曹溪正脈三十二世月心寶和
尚用酬法乳之恩兼太平堂上資秉教授承
亂雪峰宗祖二十七世樂安悅和尚乃至荆
山珂夢塘覺二大和尚以及天下諸善知識
并大法師一切高人普同供養就座云靈光
耿耿智體如如今古洞然聖凡塵間向上一
著由來千聖不傳放下便休是衲僧從初本
分以拂子豎起問衆云汝等即今還見這箇
麼若言不見除是汝等生來眼盲若言見又
是知見立知即無明本還知麼還會麼倘爾

不會更聽山僧向下葛藤良久云且言昔日
我釋迦如來出世本懷蓋爲一大事因緣唯
開示悟入佛之知見而已無論佛語蠢動含
靈皆有佛性即裴休丞相亦曰血氣之屬必
有知凡有知者必同體所謂真淨明妙虛微
靈通卓然而獨存者也始知者一點靈明不
昧之知在爾我莫不均稟共有爲什麼却又
有佛與衆生之分也蓋有佛即有衆生有衆
生便有佛既有衆生與佛之分所以便爲衆
生識見了則不得謂之佛知見矣試看世尊
初一日在尼拘律樹下打坐有二商客倩人
推車過了來問世尊曰曾見車過不世尊曰
不曾見曰還聞不二不曾聞曰曾別去不云
不曾別去曰曾瞌睡不云不曾瞌睡於是商
人作禮世尊讚歎願云當如世尊覺而不見

遂獻寶珠而去故古德云即此見聞非見聞
無餘聲色可呈君個中若會些些意體用無
妨分不分好箇分不分話汝等會得麼還聞
世尊將說法華先從兩眉中間放一道白毫
相光照見東方萬八千佛土靡不周徧於彼
此國土衆生一切境界皆悉令見所謂一光
東照智境全彰如永嘉大師曰境非智而不
了智非境而不生智生則了境而生境了則
智生而了智生而了了無所了了境而生生
無能生生無能生塵遺非對了無所了念滅
非知知滅對遺一向冥寂閒爾無奇妙性天
然其曰今言知者不須知知但知而已如此
則可謂佛之知見者亦不可謂佛之知見何
也可謂佛之知見者知見立知也不謂佛之
知見者能侗真如也到此之際各自著些精

史二

八

采討個分曉好正所謂具足凡夫法凡夫不
知具足聖人法聖人不會聖人若會即同凡
夫凡夫若知即是聖人耳忽憶當初有箇智
通和尚在歸宗處從夜半驚叫喚驚衆曰我
大悟也我大悟也歸宗令僧扯住問悟個什
麼却答曰尼姑天然是女人做試問大衆且
道這個是悟不是悟此事且置山僧今日陞
座本爲大衆敷揚法化宜先舉三歸五戒大
綱略增幾句註脚云汝等善信男女可當各
各合掌胡跪分明諦聽師召云善男女等汝
輩既已發心持齋決志修行冀脫生死苦輪
必先歸依三寶佛法僧是也所謂佛者我所
指歸清淨法身毘盧遮那佛身非指釋迦化
身者也蓋爾我雖在釋迦世尊教化中咸承
彼力即未獲親證親悟終爲隔絕蓋已知彼

史三

九

當此周末時在西域雙林樹下涅槃久矣既已滅度屬人歸依者但教法存耳教法既存必有歸旨歸旨所在即如來法身亘古亘今未嘗生滅吾所指歸依者此耳汝等不聞遮那妙體徧法界以爲身乎蓋言法身無相藉

法界以爲身者即四聖六凡皆合如來一體無二也夫四聖六凡爲十法界俱屬有情類中所攝然法身盡此則如來法又有不徧徧處也須知更有無情四法界即華嚴說理法界事法界理事無礙法界事事無礙法界是也然情與無情總屬如來法身爲一體者即今在爾我分上當又作麼生會合耶且如永嘉大師曰智非境而不生境非智而不了作麼生不合又豈有二體耶到此之際始知情與無情總屬如來法身當知爾我則通身都

在如來法身之中實無迴避處也則又當知離却如來法身即爾我這個身心且無棲泊處也信知是歸依佛即法即僧都在其間矣歸依法者即指心法非有別法可依歸也既知爾我這個身心在如來法身之中則又當知如來這箇法身又在爾我這一點靈竅心中矣所謂心包太虛量周沙界不其然乎又所謂心生則種種法生心滅則種種法滅除却心法則無別法可依歸也況慈悲喜捨等法又豈外是乎歸依僧者僧爲和合之義佛即法法即心心佛衆生三無差別又所謂即心即佛即境即心舉一而三言三即一者也如是則歸依佛竟歸依法竟歸依僧竟今屬八月十五日乃當今天下十三布政南北兩京選舉之辰如昔丹霞所謂即選舉亦何如

選佛耶所謂十方同聚會箇箇學無爲此是選佛場心空及地歸擲拂子咄一聲下座

上堂師云鄙人將謂今時佛法門頭沒有可商量人仔細檢點也有一箇半箇有僧出問誰是一個師曰即今如鬧市街頭十字路邊

史二

+

盤膝坐地哇哇叫化錢者是誰是半箇曰即今認住客塵煩惱確定以爲主宰者是或曰若說佛法原不曾許汝有商量處烏用汝顛言倒語有許多饒舌師曰我不恠你雖然說得儘是你儘做得個膽子手何也任他佛頭來魔頭來獅子頭象頭來牛頭馬頭人頭狗頭羊魚頭鵝頭鴨頭既到汝案頭上一一儘汝破除打發一邊去只恐汝把個死貓兒頭便不能破除得打發不開去於此打發得開去纔是好膽子手也或曰將那死貓兒頭來

史二

十二

著師乃笑曰果然不識有人於斯一似個無尾巴底大蟲且道順毛還勒得伊麼有人於斯一似個生鐵搦子有力者還拗得折伊麼果乃順勒伊不得拗折伊不得只是有一人搖頭不肯何也第恐將個臭鶻突布衫做了貼體衣至死不肯脫總有青州布衫堆滿世界也沒用處況今時善知識都只要抱不哭底孩兒不敢觸著伊動著伊只怕退了伊底道心又恐斷絕往來了不唯不我供養反被伊生謗毀作禍害便不奈何若是拚捨性命善知識則不然饒他是生鐵搦子須要誘引伊一舉舉到那半天裏沒割殺處了始撒手待伊自放下來務要跌折了他底又饒他是箇無尾巴太蟲先須掘個坑子隱覆却候待伊來陷入內務要使伊跳不出去直待伊計

窮力盡時且問他你還要活麼待伊領首時更曰且緩緩直須教伊命根斷如死灰了這臭鶻突布衫方得卸下始可謂我救得這死漢了也不然這畜生還蹣跚在雖然說得也好只可惜今時末法世中無這等一個知識正所謂賢聖隱伏遇而不遇也恠伊說不得呵呵

李孟白大夫問老師修行多少年方纔得悟師云貧道修行未久亦無悟處雖然貧道自持齋出家學道以來不過四十餘年前二十年止入得個信位于晝夜十二時中猶不知其饑飽雖寒暑亦莫辨後二十年但醒得一病痛不從外入俱是自己心中所發近日又增得箇歡喜處始知得人人肚饑都只是要飯喫然又恰如人從半夜睡醒了只顧東

史二

十二

摸西摸信手摸著了自己底鼻孔不覺失聲呵呵一笑

士大夫有問云今日望師開示師云若說開示則現前種種物色原不曾有一毫遮蔽處若論佛法在老僧則一字也無不見當初老釋迦出廣長舌相徧覆三千大千世界談經不過三百餘會說法亦止得四十九年又誰知得是止啼黃葉及乎沒後結殺於人天百萬衆前拈華時竟無一人會得獨有迦葉破顏微笑而已孰又知是空拳誑小兒哉而今衆大夫若要向貧道口裏討能有多少汁水請不如各各安分休去歇去倘休歇不下可將佛祖聖賢一則半則無義味底爛葛藤於晝夜十二時中咬嚼去參悟去果能聽信拳拳依教奉行十年二十年若不悟去老僧替

你下地獄你若只似矮子看戲半信不信不肯扣已而參只要向他善知識口裏討生死求決擇又貪著那一等瞎宗師開口向你說些有滋味底說話并有義路底言句管直保你到彌勒下生第二箇彌勒下生恐亦不能悟得莫恠老僧性燥不能一一爲汝等備悉得

史二

十三

孫淇澳太史一日問及九峰勸石霜首座謂休去歇去云云首座謂明一色邊事九峰不肯何也師云欺他道眼不明耳公謂此可以說得否師云可與愚者道不可與智者傳公謂學生也不曉得師云貧道如今又不然止可與上上根人達而不可與中下之機言矣公領之相與一笑

李對泉太宰六月六日辦齋請師至問云禪

師今日有以教我否師云貧道教何敢當然有嗒焉放下一著可相勸耳何也蓋爾我始由最初一念之欲未能放下所以攝入父母胞胎有此色質以來念念輪迴無有休息以至臨命終時依然不能放下儼如落湯螃蜞致手足顛倒忙亂無措噬臍不及矣果爾相信先須要自己識得破決得斷頓把目前萬聚紛紛一切生滅之念嗒焉一齊放下便覺得於心無事於事無心自然了了分明當下豁達一無障礙矣

又問夢中不能作主者何也師曰設夢中果能作主得則又不得謂之夢矣昔所謂至人無夢者正以此有所檢耳又吾禪門下所謂打成一片寤寐一如者亦以此耳公曰何也師曰是吾參禪人做工夫直須到這田地夢

中作得主正是打成一片寤寐一如之先驗也以至不二法門事理無礙惺寂雙流定慧等學是非一致物我同根萬物一體凡聖同源莫不一以貫之皆是打成一片事所謂若有一人發真歸源十方世界悉皆消殞若人識得心大地無寸土三界無別法唯是一心作縱橫無礙左右逢源且道又是第二著工夫實驗耶

又問古人因緣請示幾則令吾輩時時參究得否師曰若論古人易會方便則無如趙州但觀伊作沙彌童稚時初見南泉泉因臥次問沙彌自何來答曰從瑞像來曰還見瑞像麼答瑞像未覩祇見個臥如來泉不覺涌身起坐問汝是有主沙彌是無主沙彌答是有主沙彌曰今主在何處云仲冬嚴寒和尚尊

史二

十四

體萬福且看伊作沙彌時利辯如此以至年逾八十猶未罷叅故復庵和尚有頌云趙州八十猶行脚只爲心頭未悄然及至徧叅無一事始知虛費草鞋錢蓋伊作善知識接物應機垂手處其圓徧之妙迴與他師不同故住院後凡有僧到便問曾到此間麼答曾到州即云喫茶去又僧到便問曾到此間麼答不曾到州即云喫茶去居士還知趙州未嘗草草麼曰不知師云此可叅

史三

十五

又僧叅問如何是祖師西來意州云庭前栢樹子僧云和尚莫將境示人州云吾不曾將境示人僧云既不曾將境示人畢竟如何是祖師西來意州云庭前栢樹子居士會否曰不會師曰此可叅又僧叅問狗子有佛性否州云有僧云既有

佛性因甚又撞入這皮袋州云爲伊知而故犯又僧叅問狗子有佛性否州云無僧云蠢動含靈皆有佛性爲甚狗子獨無州云爲伊有業識在居士曉得麼曰不曉得師曰此可叅

又僧問趙州一物不將來時如何州云放下著僧云一物不曾將來更放下個什麼州云放不下則擔取去居士還曾放下麼太宰無語

有客問某等修行當何用工師提起數珠曰會麼客曰會得師反詰曰汝作麼生會客曰若恁掐著數珠念佛有什麼不會師曰未也客云若更有別說某便不會矣師舉數珠掐曰但恁麼一粒一粒撥過去又有客如前問師曰但著衣喫飯是汝修行

用工處客云某鈍根不會此理師曰即這著衣喫飯工夫亘古亘今未曾少變初無汝用意著力處無汝安排造作處無汝迴避處無汝輟泊處無汝思前算後處有什麼不會又有客如前問師反詰曰汝擬修行圖個什麼客云冀會道耳師曰果欲會道直須放下這要會道底念頭便是真用工處若此用工自當會道客云奈要會道這一念放不下何師曰去汝正鬧在

有客問某留心此道有年矣不悟何也師曰不然我有個比喻比如南北兩京之間有箇庶民發意擬詣北關面君既自不識所由兼乏指引出門却往南都走逾走逾遠轉急轉遲然南都之景像無差原非異國但反初心則究竟不是蓋爲打初發足處便背馳行錯

了而今請試檢點看果於世間功名富貴之
念輕微利欲貪圖之情澹薄正所謂狂心歇
處即菩提不然則如曰斑鳩樹上鳴意在麻
地裏終日行路何曾踏著一步終日喫飯何
曾咬著粒米是也然世出世間色空事理生

史二

十六

死得失好惡長短是非彼我情與無情等法
本是一貫行處雖如步步不同到後可言頭
頭不異耳不見大通和尚一日上堂云老僧
未行脚前見山是山見水是水中間得箇入
處見山不是山見水不是水洎至今日老僧
見山依舊是山見水依舊是水又僧問趙州
如何是道州云牆外底僧云不問這箇道州
曰你問那箇道僧云我問大道州曰大道透
長安是也

史二

十七

屢有客問道於師師或答或不答問嘗聞有

如來禪有祖師禪作麼生甄別師舒手班指
數曰余今年五十六歲矣客曰老師耳背那
傍有僧走過師驚扯住問今日是八月十五
否僧答云今日是十四明日是也師撒手對
客云唯這僧記得端的又有問祖意教意是

同是別師忽云好打好打客作色曰何只言
好打耶師豎起拳云不是拳頭定是巴掌客
揖之而去客有再扣之畢竟何以爲道也師
乃從容諭之曰道無方所無有形名指點伊
不得取舍伊不得是非伊不得向背伊不得
有無伊不得增減伊不得揀擇伊不得動靜
伊不得好惡伊不得逆順伊不得可否伊不
得進退伊不得語默伊不得思議伊不得垢
淨伊不得依倚伊不得營爲伊不得對待伊
不得偏黨伊不得閒忙伊不得前後伊不得

難易伊不得始終伊不得人我伊不得親疎
伊不得損益伊不得寤寐伊不得異同伊不
得男女伊不得老少伊不得得失伊不得新
故伊不得迷悟伊不得固必伊不得高低伊
不得貴賤伊不得果如是信得會得則無住
而非道也客又曰然則某意念不動時還是
道否師謦以手插向腰間摸得箇虱子擲向
地云阿啞阿啞跌殺我耶跌殺我耶便休
有客問西來大意師指古鏡云是這箇客曰
奈某不會何師云爲汝未曾用工磨得客曰
某作麼生用工即得師云即目前古鏡弊復
急索曰還我西來大意來客有省曰我會也
我會也師云會即不無試說來客乃指古鏡
曰某既會矣奚又止在是師領之
客有問某心緒萬端不能歸一何也師曰不

見永明壽禪師謂未達境唯心起種種分別
達境唯心已分別即不生客曰我會也師曰
怎生會客云三界無別法唯是一心作師曰
又何曾會且問如何是汝心客云無心曰如
何是境云無境師曰汝何不問我客即問如
何是心師曰汝還見境麼問如何是境師曰
汝還見心麼客歡喜禮拜起師但與振威一
喝客不覺吐舌乃退

僧問九峰勸石霜首座云云而九峰不肯何
也師舉拳示之曰爲伊不識這箇僧云識得

史三

丈

後如何師云石霜住持有分僧又曰聞毘陵
孫太史亦曾問此未知如何答伊師曰山僧
但答爲伊道眼未明耳僧云即如道眼明後
又作麼生師云則不見有休去歇去云云語
矣僧再擬開口師叱曰去汝不會我語

有客問今此四大幻身從何而有耶師答曰
從妄想有曰至百年後又從何去耶答如人
夢醒所作之夢事又從何去乎問此妄想從
何而生答從無有生曰無有妄想不得謂之
無有矣答妄想不出於無有此身則應常有
此身既非常有雖有而不爲有矣當知無有
不復更無雖無而豈爲無歟般若所爲不有
不無者以此也孰又知夫妄想不有無有亦
不有矣

史二

十九

師一日過鼓席見學者看書看教者即從容
諭之曰汝等看經書務先知其緩急道爲急
務達者爲先第一須用銷磨無量劫來種種
習氣對治一一病痛夫烘烘人我妄作母使
一毫芥蒂留於胃次是急又如喫飲食一一
須是消化得便是爾我真實受用其他資談

柄長識見博學強記及無礙辨才皆爲末事
可緩耳

師一日因諸士大夫請集於京西慈因談道
罷師因出袖中扇展之舉起問諸大夫曰請
問孔夫子當時還知有這箇麼衆俱默然唯
槐庭蔡大夫聳身叉手云此學生不敢言師
云這算不得務須說出乃云若謂孔夫子當
時實不知有此師接曰以我爲隱乎吾無隱
乎爾聾衆大夫咸舉首領之次日有湛然上
座至師所復徵曰設昨日士夫中有道老和
尚還知有這箇麼又作麼生師急索舉扇收
之縮袖對上座展兩手矚目視之移時直使
湛然無語臉上有熱色乃休
有謂官人祁奚度者日誦金剛般若最苦中
有間斷爲告師云殊不知纔舉念要誦時便

間斷了也又云要得念念無有間斷直須是恒誦不已不欲滿耳可也

客有侍會禪會道者師一日忽邂逅途中因舉蘇學士考琴操善參禪話詰之曰即如琴操所答湖中境云云且置之勿論如東坡云

史二

二十

門前冷落車馬稀老大嫁作商人婦何謂也客曰好一箇光景師乃云若恁麼會禪會道較之琴操一觸便悟遂削髮爲尼去遠之遠矣客却問趙州當初勘破臺山婆子何者是趙州勘破處師呵呵大笑曰何與今日彷彿有如此耶遂不語掉頭別去

師一日對客語及曹操與楊修讀曹娥碑話師因嘆曰大段今時人不及古人多矣即如這八箇字總是閒文沒要緊事古人尚放伊不過務要明了纔休如曹操云有智無智較

三十里便識得也昨鄙人亦有兩句沒要緊說話凡對平常人則不敢舉但對具高明識見兼侍會禪會道者每舉東坡點琴操曰門前冷落車馬稀老大嫁作商人婦這兩語有甚蘊奧一百箇便有九十九箇未知下落若曰即會得中什麼用都是閒言語夢葛藤會得會不得總與他没交涉鄙人且輕輕向伊道汝輩素日在背地裏密密底所做是什麼工夫也莫嫌不與汝說

史二

三

王墨池員外請師至慈因寺齋畢乃問云昔有僧問巴陵如何是道陵云如有眼人墮井又僧問老宿如何是道宿云五鳳樓前又僧問老宿如何是道宿云脚下泥深三尺師云吾不恁麼乃提數珠繞佛堂供桌走一轉云大段今時都要求會禪會道者多要求不要

會禪不要會道人似少然但不要會禪不要會道又烏用求雖然若論前輩明眼知識不同他要教人悟去恰似把得住底不見大慧令謙道者往張無垢處達書謙道者自謂我二十年來參禪未有箇入處此行又當荒廢意欲無行友人宗元者叱曰你途中便參不得禪耶你但去我與你同行至途中謙哀告曰我一生參禪殊無得力處今又途路奔波如何得相應去元告之曰但把你從前往諸方學底會底禪并圓悟與你說底大慧與你說底總不要理論拈放一邊途中有難行底事我都替你止有五件事替你不得須你自己擔當謙曰那五件元曰著衣喫飯屙屎放尿拖箇死屍在路上行謙遂豁然打破漆桶不覺手舞足蹈元曰你此番方可達書宜前

矣吾且歸元即回徑山如何如何墨池領之師又云現前衆大夫素與貧道盤桓聞蘇雲浦居士識見高明久于此道多與作者游敢有少小葛藤請教往者蘇東坡令琴操參禪語前段弗問即東坡道門前冷落車馬稀老大嫁作商人婦琴操何所感遂削髮爲尼士不契師又云大慧當初道我平生好罵人大喜玄沙勘靈雲道諦當甚諦當敢保老兄未徹在此言可謂壁立萬仞及後來與靈雲會話了却云你怎麼方始是徹他後頭却怎麼撒屎撒尿因請益圓悟悟云他後來怎麼地我也不理會得大慧歸到寮忽悟遂去告圓悟云大段玄沙作怪悟云且喜你知也云云居士以爲如何士云師道靈雲已徹否師云徹士云既徹得非有辜玄沙乎師云居士將

謂吾所云微異不徹耶士無語遂問世尊救產難事曰吾從賢聖法來未曾殺生乃令人傳語至其婦當下便產何也師云是乃公私兩利何難會之有士云吾輩以此爲難會久矣緣湛堂準曰設令人傳語未至先已產了

史二

主

又作麼生設令人傳語洎至不產又作麼生況雪竇又有頌云云師云此難乃湛堂雪竇公案非世尊公案也居士所以爲難者蓋緣多了這兩轉葛藤又要管伊生又要管伊不生所以難吾今但據世尊語以爲憑準不用這兩段葛藤直管教伊生不管伊不生了所以易然即使要用這兩段葛藤貧道判之亦易何也即使其婦緣人傳語至便生或傳語洎至不生莫不皆承世尊之力其或不然即使其婦便產也與世尊沒交涉便不產也

史二

主

與世尊沒交涉吾所以判云甚易甚易

上堂拈拂子示衆云今時初心晚學既在此門中又都要求箇入處何不且看保福問長慶云盤山道光境俱忘復是何物洞山道光境未忘復是何物據二老總未勦絕作麼生得勦絕去慶良久福云情知你向鬼窟裏作活計慶云汝作麼生保云兩手扶犁水過膝若於此會得許你有箇入處倘未會更看老僧這拂子逞神通去也一時踣跳上三十三天繞須彌山洎四天下走一轉下來依然還落在老僧手裏却曰土曠人稀相逢者少珍重

示衆先輩多謂我宗無語句亦無一法與人久在學地聞之脫有不信即如道信年十四禮僧粲曰願和尚慈悲乞與解脫法門粲云

誰縛汝曰無人縛璨曰何更求解脫乎信於言下大悟且看悟底是什麼別又與伊說個什麼法來而今還有一個半個牢拴腰帶緊峭草鞋忙忙底貴圖參求知識尋訪明師固是好事總是無繩自縛之流

上堂師云大段吾輩既擔箇學道之名必先於參訪遇得箇出格宗師明眼知識庶不辜我生平行脚又當要具參方眼自解作活計始得即如當初德山上堂曰問即有過不問又乖有僧出禮拜山便打僧曰某甲始禮拜爲什麼便打山曰待汝開口堪作什麼還知麼既來到這所在了須自有大方便有大作用有出身底活路始越得伊這圈續過去果無些些傷鋒犯手處便可謂跳得金剛圈吞得栗棘蓬過得荊棘林許汝天下橫行去纔

有些些沾粘犯手且漫漫張大口說大話在上堂師云但凡參方須具擇法眼目不要傳言送語問答之際須識來機出言務要斬截自然活潑潑地不見光孝慧覺至法眼處眼問近離甚處覺云趙州眼云曾聞趙州有栢樹子話是不覺云無眼云往來皆謂僧問如何是西來祖意州云庭前栢樹子上座何得道無覺云先師實無此語和尚莫謗先師好此是參方作得主把得住者然法眼當時失却一隻眼我若做法眼纔見慧覺先道無處便云始知上座在趙州住日尚淺所以不知便了又烏用許多葛藤云云此喚作賓看主太原孚上座參雪峰纔至法堂上顧視雪峰便下看知事至明日入方丈作禮云昨日觸忤和尚峰云知是般事便休此可謂主看賓

便是作得主把得住活鱖鱖地有決斷具大
眼目堪爲人師範者珍重

潘澹游居士共師對坐言及東坡訪佛印借
四大作禪床以致輸却腰間帶話師問居士
當初若作東坡又作麼生士云我若在那一

卷二

三

時自有方便師云連汝也不會士却問老師
若作東坡又作麼生師曰汝道我如今坐在
什麼處士無語

有僧問如何是西來意師云屋北鹿獨宿僧
云不會師云溪西雞齊啼

龍池幻有禪師語錄卷之二

音釋

搥 張灰切音 券 區願切音 拍 乞洛切音 恰
搥擊也 券勸契也 拍瓜刺也 瓜按
日芥蒂 上居拜切音 戒下當蓋切 勦子了
拍音帶與慈同蒂芥小銀也 勦切焦
絕也 上聲

龍池幻有禪師閒談晚話序

史三

凝菴居士唐鶴徵撰

幻有禪師一日出閒談晚話相示問曰若何
余答曰言言甘露字字醍醐也從前諸尊宿
言句令人參求未盡者一切拈出又益之以

史三

妙語諦義剖肝瀝膽滴滴見血昔人謂老婆
心切信哉吾知徒衆中其多有憬然悟恍然
覺如雷震而萬物皆蘇獅吼而百獸咸伏者
矣然施教者譬之甘雨有應時不應時承教
者譬之良藥有當機不當機不可強之齊也
何者一雨也揷苗則甘登稼則苦矣一藥也
熱病而宜寒病則否矣故有上等醍醐飲之
翻爲毒藥者非醍醐之不佳也飲之者非所
當飲也古之善于開示者每令各呈所見隨
高下而指示之應時而雨沾之遂暢應病而

藥服之斯行蓋能審其時節因緣云爾諸徒
衆中得無有聞之如人嚼蠟鑽之如鼠入角
者乎安能與憬然悟恍然覺者同其饒益也
然余聞佛以一音演說法衆生各各隨所解
普得受行獲其利或有恐畏或歡喜或生厭
離或斷疑禪師自有神力不共法余未之能
知也禪師固曰禹門院裏禪大似他鄉村中
箇太醫無多方藥頭止有一帖平胃散不管
他風癆鼓腸四百四病一切雜症總與他這
一味藥頭茶湯粥飯醬醋油鹽閒忙動靜行
住坐臥到處着些直待他年深月久自然諸
病悉痊依還舊日無病之人蓋人固有言下
大悟者亦有久之始悟者志不墮而功不輟
則今日沃石劄針之語安知非異日發局啟
緘之訣哉吾願諸徒衆慎毋深入寶山而空

手歸來又母使老和尚啼得血流而不如緘口可爾

萬曆壬子秋仲凝庵居士唐鶴徵書

幻有禪師閒談晚話二編序

予昔叅笑巖和尚於京師幻有兄侍焉無何予以病附餉舶南還而幻有兄侍和尚最久已而徧歷諸方歸老於龍池顧予衰耄臥疾深谷沾沾自濡不足幻有兄方慨然以建法

史三

二

幢立宗旨爲已任走使千里遺我閒談晚話二編徵言以弁昔人謂驅除雜語言而此編諄諄皆切要語閒談固如是耶得非因慈悲故有落草之談耶又德山云今夜不答話問話者三十棒茲乃終宵揮塵疊疊酬應忘倦是且與德山相去多少即謂德山答話如雷幻有不說一字亦可也巖師往矣門庭有人予何幸樂觀其盛

萬曆辛亥孟冬日古杭雲棲寺法弟殊宏和南書

史三

三

龍池幻有禪師語錄卷之三

門人圓悟圓修等編

閒談

上堂師陞座祝香次乃云山僧今日強陞此座出乎不意蓋爲我笑巖和尚有未了底公案乃舉起拂子云此是我笑巖和尚使不了剩下底者箇夜來踣跳上非非想天然後從四大部洲走一轉穿却釋迦老子鼻孔今日既落在老僧手中不免舉似過也要與諸人共知見麼若喚作拂子即觸不喚作拂子即背今時有一等杜撰禪和便云喚作拂子山僧即豎兩指云恁麼則成兩箇又有等禪和不喚作拂子恁麼則心外還有剩法只如山僧前者拈出數珠向彼云還見者箇麼彼云是數珠山僧云還是麼彼云畢竟是數珠然

而不惟我祖師門下有背觸俱非之旨即如教乘中亦未首肯在不聞金剛般若云衆生衆生者如來說非衆生是名衆生即謂數珠爲數珠者如來說非數珠是名數珠耳數珠早晚向汝道是數珠來如山僧說即世間一切法難言說相離名字相離心緣相更喚作箇什麼如雲門大師云佛之一字吾不喜聞故不得已而強名之曰道曰心曰佛早是方便爲接引之辭即一大時教亦是止啼黃葉耳大眾今日既相從老僧在此同甘澹泊即古人云大家相聚喫葷葷若喚作一葷葷入地獄如箭射諸人若會得者一轉語即可拗折拄杖高挂鉢囊歸家穩坐去又何用南天台北五臺橫挑拄杖倒躡草鞋又要行甚麼驢脚馬脚去左右顧視云下間定磬上說

法各自奔忙也不差大有一件好笑事冬天
著領夏袈裟下座

戊申臘八日上堂祝聖云此一炷香天不能
蓋地不能載爇向爐中端爲祝延今上皇帝
聖躬萬歲仰藉現前大功德主太常唐公十

史五

四

八年來護法之念殊深爲道之心彌切兼之
地僻遠近十方檀越均此報答就座云靈光
不昧萬古徽猷本體洞然自他靡間向上一
着由來千聖不傳若其曲順機宜未免入泥
入水乃舉起拂子云汝等諸人還會得者個
麼良久云本有之性要會有什麼難蓋謂今
時人好聞義理禪并老婆說想起當初忠國
師好說老婆禪山僧今日也不免效伊去且
如達磨大師自南天竺國特特航海而至此
方只說直指人心見性成佛但未委指那個

史三

五

心見那箇性成什麼佛試看伊初遇梁武帝
問如何是聖諦第一義磨云廓然無聖帝云
對朕者誰磨云不識如此看來達磨大師大
似善治眼底一箇太醫但能刮磨去人眼中
底翳病外不能有光明與人可惜武帝護病
不肯容達磨刮磨去得眼中翳病奈何使達
磨未免一場懨懨而退所以遂擲蘆過江主
魏在熊耳山前面壁九年待得個慧可大師
出來做了箇割煞且言慧可大師爲求法故
立雪齊腰乃至斷臂托呈後云我心未安乞
和尚安心磨云但將心來我爲汝安可云覓
心了不可得磨云我與汝安心竟當恁麼時
則未見更有箇指心說話兼有箇見性成佛
底影子然而在明眼人亦自見得也止是與
慧可大師印正得箇無所得心者裏便是直

指心體處蓋言爾我人人本有底心本來沒有形相十方求之終不可得如人迷方謂東爲西方實不轉只是湛然不動原與太虛同體本來不會生本來不會滅無方無圓無大無小不垢不淨不增不減無在無不在無是無不是無欠無餘徧一切處而非一切處汝等還要見親切心體麼只是如今現在者裏歷歷孤明惺惺不昧聽老僧說法者是故楞嚴經云空生大覺中如海一漚發有漏微塵國皆依空所生可見十方一切微塵國土皆出在太虛空中者太虛又出在大覺海中止似一漚泡耳又云大圓滿覺應跡西乾心包太虛量週沙界大槩此心與大覺原同一體馬祖所謂即心即佛者此也如何見得蓋謂認得此廣大心體了便是大覺世尊所謂心

六三

六

外無別佛佛外無別心古人謂心佛衆生三無差別何謂衆生蓋謂迷此廣大心體了不能認得故謂之衆生楞嚴云棄却四大海水唯認者一浮漚四大之體爲自身相六塵緣影爲自心相甘作衆生只在四生六道之中出此入彼生生死死無有休息之時故此心佛衆生只是一體而有三名耳所以衆生在迷中此心不會虧欠了些些即在大覺分中也未曾有增添了些些只此大覺佛不是修成得的佛若是修成底還有壞日者是本源自性天真佛即是法身佛不是報化佛故云報化非真佛亦非說法者有問但未委法身佛還會說法否師云即溪聲山色水鳥樹林終日放光說法音吼動地自是汝未曾聞耳又問但未委性者爲何師云真性心地藏無

頭亦無尾應緣而化物方便呼爲智所謂真智無知無所不知所言法身者非單指太虛無物而言即三千大千十方諸國土總是一箇大法身耳何也以般若云色即是空空即是色故從本以來色心不二以色性即智故

之三

色體無形說名智身以智性即色故說名法身徧一切處所現之色無有分際故云色大法身大凡是見色便是見心故永明壽禪師所謂未達境唯心起種種分別達境唯心已分別即不生蓋謂汝等平昔所見現前種種物景不是自己分內具底便有分別心起耳故云若人識得心大地無寸土然則難道大地之土無了不成蓋即色即心故又若有一人發真歸源十方世界悉皆消殞在老僧則不然若有一人發真歸源築著磕著天地日

月萬物性情森羅萬象草木昆蟲樓臺殿閣凡有色質形像無非是此心此心即佛耳故教中云若有一人成佛時普觀大地有情無情皆悉成佛信矣山僧如此說成佛但容易了只恐汝等信不及不肯承當耳汝等還知麼夜來釋迦佛成道天明箇箇食香糜脰毛生在眼額上試問諸人知不知下座

上堂師云古之天地日月猶今之天地日月古之萬物性情猶今之萬物性情天地日月固無變也萬物性情固無易也世既如此依然仍舊道至於今胡爲而獨變哉古人所謂人能弘道非道弘人操則存捨則亡然非道去人而人去道也正當恁麼時如何是道山僧所謂無心是道汝等人在日用中但得於心無事於事無心自然頭頭上現物物上

彰左右逢源縱橫自在拈來無不是用處莫思議所謂著衣喫飯也是道屙屎放尿也是道一動一靜一語一點在忙在閒無非是道瞬目揚眉也是道豎拳豎指也是道行棒行喝也是道舉椎舉拂也是道擎叉打地也是

史三

道搖鈴杵輓木毬也是道呈橈舞棹也是道張弓架箭也是道隔江招手也是道吹布毛看桃花聞擊竹也是道有一婆子供養老僧三十年每令二八女子送飯伊喫婆子一日囑令女子抱住云正恁麼時如何老僧云枯木倚寒巖三冬無煖氣女子歸舉似婆子婆云三十年來祇供養得個俗漢遂放火燒却菴也是道東坡一日問道于子由子由報以佛語曰本覺必明無明明覺居士欣然有得於孔子之言曰詩三百一言以蔽之曰思無

邪夫有思皆邪也無思則土木也吾何自得道其唯有思而無所思乎於是幅巾危坐終日不言明目直視而無所見攝心正念而無所覺於是得道也是道一日有尼問趙州如何是密密意州把尼臂捏一把尼云和尚還

有者箇在州云你還有者箇在也是道又僧

問趙州學人乍入叢林乞師指示州問你喫粥也未僧云已喫粥了州云洗鉢盂去也是

道有問答云牆外底也是道透長安底也是

道五鳳樓前底也是道乃至在家男女迎賓

史三

九

送客也是道抱子引孫也是道日應萬酬總是道績紵撚麻也是道紡紗織布也是道刷鍋洗碗也是道做飯燒茶也是道搬柴運水也是道凡有施爲動作不施爲動作總是道咳唾掉臂啗鼻子打噴嚏也是道東村頭張

婆婆與西村頭李阿媽倚門相罵也是道鄉裏小哇哇搓成泥彈子燒路頭也是道不聞法華經云乃至童子戲聚沙爲佛塔皆以成佛道古人以蛇虎爲鄰也是道鷗鳥見人飛去也是道不飛去也是道鴉子見人飛去不飛去總是道故龐居士云但自無心於萬物何妨萬物常圍繞鐵牛不怕獅子吼恰似木人見花鳥木人本體自無情花鳥逢人亦不驚心境如如只是何處菩提道不成久立珍重

小叅師云前者所言即心即佛昨又云無心是道兩種說話較來雖是古人先道過底本無分別然在老僧分上不會體帖得明白則未敢向諸人面前道出來大槩汝等本來不會苦心一迴雖爾聽得只作尋常容易放過

去了也怪伊不得在他古人三二十年除二時粥飯是雜用心工夫方得打成一片既到者箇田地則觸處洞然頭頭是道非離真別有立處以立處即真故更說箇見性成佛且何者爲性即無分別智是非但智之一字即見聞覺知無非總是性體教中等閒說見性聞性覺性以見即性性即見耳不可以見更見於見故楞嚴經中佛告阿難云若見是物則汝亦可見吾之見若同見者名爲見吾吾不見時何不見吾不見之處若見不見自然非彼不見之相若不見吾不見之處自然非物云何非汝性見聞覺知之義亦復如是以性體周徧滿法界故凡有所見即見性故金剛般若云凡所有相皆是虛妄若見諸相非相即見如來如來者即真如自性也汝等但

能於十二時中提得起放得下不作妄想之見不起分別之心即華嚴經云佛身充滿於法界普現一切群生前隨緣赴感靡不周而恒處此菩提座耳即當初東坡居士尚得道於子由云明目直視而無所見攝心正念而無所覺於是得道況吾輩爲離塵脫俗之流有何所爲而不會證得耶久立珍重

文三

十

小叅師云十方同聚會箇箇學無爲此是選佛場心空及第歸大槩汝等初未嘗辦得無求之念無未歇得妄想之心乍聞老僧說箇無心是道即心即佛則不易便信需用老僧重重勸誘方有入處所言學無爲者須是看他從上古人學底樣子昔者藥山打坐石頭見而問云你在者裏作麼山云一物也不爲頭云恁麼則閒坐耶山云閒坐則爲也又嚴

文三

十二

陽尊者問雲門一念不起時如何門曰須彌山又僧問趙州云一物不將來時如何州云放下著云既一物不將來更放下個什麼州云若放不下則擔取去又僧問雲門樹凋葉落時如何門云體露金風又馬祖問藥山近日見處如何山云皮膚脱落盡唯有一真實又見石頭頭云此之所見可謂協於心體布於四支且將三條篋束取肚皮隨處住山去山云某甲又是何人敢云住山頭云不然未有長行而不住未有長住而不行欲益無所益欲爲無所爲宜作舟航無久住此又臨濟問黃檗三三遭痛棒後見大愚得悟乃云原來黃檗佛法無多子大愚云者屎床鬼子纔問說有過無過又道佛法無多子見箇什麼臨濟向大愚脇下築三拳大槩直待證到心

空及第處爲了首纔是到家時節所言無心者若不得六塵境界現前要見吾心終不可得故云心由境現境由心彰凡是見境即是見心金剛經云應如是生清淨心不應住色生心不應住聲香味觸法生心應無所住而生其心但於六塵境上無取著念無分別心則得無方清淨故云色清淨故般若清淨般若清淨故法身清淨即昨日云理事無礙法界借桌子爲說者正要喻明即心即佛易曉故耳且言舉起桌子全體是一塊木頭舉起木頭通身是一張桌子以桌子外無木頭以木頭外無桌子以木頭喻理桌子喻事即事理無礙不差當此心外無佛佛外無心亦爾不但外之見色便是見心即內之五陰色外無心心外無色亦爾又不但在我一人獨占

了不成即而今現前人人各具一箇法界互攝互融俱不相妨礙又永明以一心爲宗萬法爲鏡以萬法照我一心以一心攝盡萬法信矣故永嘉大師云一月普現一切水一切水月一月攝是也珍重

小叅師云汝等但於十二時中第一要不起分別之念不作妄想執情則此心即是佛佛即是此心此心歷歷孤明惺惺不昧者是此心雖無形相亦不離形相即世間無一物不屬吾心以吾心之外無一物耳故謂此心即

史三

主

佛佛即此心故般若云一切智智清淨無二無二分無別無斷故即一切智一切種智在佛菩薩分上說唯佛能證一切種智故下一智字總在心分上說一云根本智一云無分別智一云真智所言真智者真智無知無知

則無所不知以無知在心以無所不知在佛以無知故無所不知故云無二無二分無別無斷故昔日馬祖所謂即心即佛者此也南泉又謂不是心不是佛不是物者爲何以山僧今日所言但指目前事事法法離言說相

史三

十三

離名字相離心緣相便休更不用說是心是佛亦不用說非心非佛不見楞嚴經中文殊所謂吾真文殊無是文殊無非文殊中間實無是非二相若云是則有二文殊矣若言非則即此文殊亦非矣你看臨濟大師則不同他二者之言上堂則云汝等諸人赤肉團上有一無位真人常從汝等面門出入初心未證據者切須看看有僧問如何は無位真人臨濟下禪床擒住見此僧眼目定動遂托開云無位真人是什麼是乾屎橛便休珍重

上堂師云當初臨濟大師晚叅示衆云老僧有時奪人不奪境有時奪境不奪人有時人境俱奪有時人境俱不奪當時有僧問如何是奪人不奪境大師便與伊下箇註脚云煦日發生鋪地錦蓋謂日初出時照見山青水綠柳暗花明朱紫玄黃森然滿目如成一片錦繡相似者是一團境界言嬰兒垂髮白如絲者者一句便是境勝奪人底說話又問如何是奪境不奪人大師云王令已行天下徧則率土之賓莫非王臣普天之下莫非王土使天下皆知有個王在則萬緣自然寢息將軍塞外絕煙塵者者一句見得有將軍一人威震塞外總有萬頃煙塵自然頓息無餘便是奪境不奪人也又問如何是人境俱奪大師云并汾絕信即并汾兩地覓音信尚不可

得要見其人豈可得乎即獨處一方落地亦不可得所以境界亦無又問如何是人境俱不奪大師云王登寶殿當恁麼時滿朝朱紫羅列現前人境俱完矣野老謳歌正是太平之世則其境像可知在老僧今日好說現成

史三

七

話如何是奪人不奪境即僧問趙州如何是西來意州云庭前栢樹子如何是奪境不奪人即趙州當初問臨濟如何是西來意濟云却值老僧洗脚趙州象頭作聽勢濟云汝更要第二杓惡水潑那州休去如何是人境俱奪不見藥山當時叅石頭云三乘十二分教某甲已粗知其旨更聞南方說箇直指人心見性成佛實未明了望和尚指示石頭云恁麼也不得不恁麼也不得恁麼不恁麼總不得如何是人境俱不奪如藥山又如前問馬

祖祖云我有時教伊揚眉瞬目有時不教伊揚眉瞬目有時教伊揚眉瞬目者是有時教伊揚眉瞬目者不是藥山即當下開悟遂禮拜祖云你見個什麼道理便禮拜山云某甲在石頭處如蚊子上鐵牛相似此即人境都

在其中矣老僧末後更有一轉語在如何是奪人不奪境乃豎起拂子云汝等還見者個麼如何是奪境不奪人老僧當初不明得者箇拂子叅了三十年那時節止有老僧在如何是人境俱奪自擲下拂子七八年以來見

史三

十五

自己了不可得況有拂子如何是人境俱不奪舉起拂子云老僧今日方纔得伊力便是全體作用纔喚作拂子不妨又是老僧纔喚作老僧不妨又是拂子畢竟喚作老僧是喚作拂子是若道拂子畢竟還他是拂子老僧

畢竟還伊是老僧便成了凡夫着相之執分別妄想之見若道老僧即是拂子拂子便是老僧又成了籠侗真如顛預佛性青黃不辯黑白不分當此之際可謂一毫頭上現寶王刹坐微塵裏轉大法輪汝等衆中還有會得者麼若會得趁早出來與老僧通箇消息若一總不會得且喚侍者收起者拂子異日還可指示他人久立珍重

晚參師云金剛般若云應如是生清淨心不應住色生心不應住聲香味觸法生心應無所住而生其心然其心有真如心有生滅心有清淨心有分別心雖有種種不同究竟總是一心原無二道只是所生處不同故有異耳且言世間一切萬法總不出色聲香味觸法上盡無餘矣果於此色聲香味觸法上無

住着相無貪染念則所生乃是清淨心清淨心即真如心倘於色相一法上有所住着則分別心不得不生一有分別便有美醜好惡即醜惡色相厭惡棄捨無所繫心若其美好色相上則起愛念一有愛念便有貪染取着繫念不忘若生滅念起真如心隔絕清淨心則不現前矣聲香味觸法亦復如是汝等但於十二時中即色聲香味觸法上不起一毫住着念頭其清淨心自然發現以心清淨故則色聲香味觸法清淨以色聲香味觸法清淨故則般若清淨以般若清淨故則法身清淨一法身清淨故則多法身清淨以多法身清淨故恒河沙法身清淨一恒河沙法身清淨故百恒河沙法身清淨以百恒河沙法身清淨故則千恒河沙法身清淨以千恒河沙

法身清淨故則萬恒河沙法身清淨以萬恒河沙法身清淨故則億恒河沙法身清淨以億恒河沙法身清淨故則百千萬億恒河沙法身清淨以百千萬億恒河沙法身清淨故則不可說恒河沙法身清淨以不可說恒河

史三

十六

沙法身清淨故則不可說不可說恒河沙法身清淨以不可說不可說恒河沙法身清淨以無方恒河沙法身清淨故則無邊刹海自他不隔於毫端十世古今始終不離於當念師豎起拳頭云還見者個麼智水湛然滿浴此無垢人汝等且住更有篇散說話與你們說了去你們不論在家出家既然拋開了各自有箇家業來在者裏相從老僧坐禪聽法時光易過莫作等閒不覺又過了十日半月到來了我昨

史三

十七

日雖與你們說個即心即佛無心是道見汝等似有如無全然不肯着一毫意念只教老僧終日與你們口吧吧底說也沒有了日也只要你們領會得體解得便不辜負老僧果然不着意不體會老僧總有佛法亦無心情說亦無一字可說矣若是汝等果然猛着精彩在蒲團上做一回工夫直得白醖出於口邊青草生於舌上千聖喚不回頭百鳥都無尋處形同枯木心若死灰智閑遠水孤峰性寂寒潭皎月然後眼如耳耳如鼻鼻如口口如心如冷灰裏荳爆相似大死一回甦醒起方纔合得無心是道即心即佛體貼相應不會而自會不解而自解不假一毫勉強那時節使老僧說佛法愈說愈有佛法不知從何處來可惜汝等到那一時只是不要聽不欲

聞了故云丈夫自有冲天志不向古人行處
行又肯向人口裏討分曉求決擇在老僧到
那時方纔不怪得你不然不見當初石霜遷
化後衆議舉堂中第一座接續住持獨有九
峰處侍者不肯云待某甲勘過會得先師意
則可九峰對衆問云且如先師道休去歇去
一念萬年去寒灰枯木去一條白練去古廟
裏香爐去明什麼邊事首座云明一色邊事
九峰云恁麼即未會先師意在首座云粧香
來我若未會先師意香煙起處我脫去不得
首座當時便坐脫九峰撫首座背云坐脫立
亡即不無會先師意未在大槩斯事貴明道
眼爲本十年前老僧有云首座當時見九峰
問明什麼邊事只消輕輕豎起拳頭云止明
得者個事任伊九峰有無窮伎倆也只得舍

史三

七六

胡而退少他住持不得汝等豈可飽食終日
無所用心耶珍重

晚叅師舉昔日有僧問馬祖云離四句絕百
非請師直指西來意四句者何是有句無句
非有非無句非非有非非無句因者四句便
生出種種百非句來了四句既離百非自絕
大槩西來意總不出此四句外故僧以此來
問祖祖云我今日無心情與汝說得但問取
堂中智藏去藏云何不問和尚僧云和尚教
我來問藏云我今日頭疼不能爲汝說問取
海兄去海云我到者裏也不會僧回舉似馬
祖祖云藏頭白海頭黑便了汝等還知西來
意麼若道他答伊我見伊父子三人不曾承
當答個什麼若道他不曾答雁過久矣若老
僧則不然何務要當當做成了箇兒賣鴨蛋

去我若做馬大師待者僧來問我但輕輕向他道汝見老僧眉毛還在眼上麼他若再道個什麼但召他近前來待來時與他驚臉一搥云我只道你是個人不料汝是個野狐精不唯使者僧別有個生機亦弗致令黑漆墨

史三

十九

地去老僧如此判斷衆中有會得者麼良久云若有人會得點取一甌茶來與老僧喫了歇去

上堂師云靈光耿耿智體如如今古洞然聖凡靡間若論即心即佛更無少法會逃化外玄機要知即事即理焉有一物度越環中妙旨若彼若此咸登般若慈航是實是權共到菩提覺岸何智愚之有隔異纖悉之不周凡在法筵惟當領鑒良久云咦一聲將下座有問龐公云但願空諸所有慎勿實諸所無何

耶師云以世人見有爲有故云但願空諸世人情孰以有爲有耳不是併去其所有之物故若併去其所有之物則以無爲無矣既以無爲無過緣則不應有若以有爲有離緣則不應無所以有既不有則無無也故云但願空諸所有慎勿實諸所無耳有問黃檗和尚云此心即法此法即心心外無法法外無心心自無心亦無無心者如何師云汝欲識心自合見法若能見法自合識心我故所謂無心是道者以此故也有問鱗甲羽毛普現色身三昧一切放下須知有向上一着子在師云汝還見老僧眉毛麼直饒汝見得老僧眉毛汝自己眉毛尚未照顧得在有問華嚴童子身中入正定壯年身中從定出壯年身中入正定老年身中從定出乃至東方世界入

正定西方世界從定出南方世界入正定北方世界從定出如何師云我故所謂汝等但於十二時中不生分別之念不作妄想之情盡虛空大地總是一真法界既屬一真法界世間更有何差別境現前爲對爲敵所謂法界一相便是如來平等法身依此法身說名本覺又云那伽常在定無有不定時纔見有對待境現前心生便是出定所在然方亦無定所故楞嚴云東看則西南觀成北所以云東方世界入正定西方世界從定出南方世界入正定北方世界從定出云云凡屬對待法中皆如此例即如善財繞妙高峰七日不得見德雲比丘忽一日向別峰相見亦是出定義下座云叅

之三

二二

何是世間無生師云以生即無生無生即生故如中論云世間眼見劫初穀不生何以故離劫初穀今穀不可得若離劫初穀有今穀者則應有生而實不爾是故曰不生又世間諸法原不從自性生亦不從他性生亦不從共性生亦不從無因性生是故云無生耳大槩本無今有祇可說生不可說不生本有今無祇可說滅不可說不滅若本有今亦有便可說不生亦可說不滅若本無今亦無亦可說不生亦可說不滅耳故云知世皆無生乃是見世間也

史三

三

僧問文殊問庵提遮女曰生以何爲義女曰生以不生爲生義殊曰如何是生以不生爲生義女曰若能明知地水火風四緣未嘗自得有所和合而能隨其所宜是爲生義

殊曰死以何爲義女曰死以不死死死爲死義
殊曰如何是死以不死死爲死義女曰若能
明知地水火風四緣未嘗自得有所離散而
能隨其所宜是爲死義女曰明知生是不生
之理爲什麼被生死之所流轉殊曰其力未
克若問老僧但答生義死義二種如龍樹所
謂諸法不自生亦不從他生不共不無因是
故知無生又諸法不自死亦不從他死不並
不無因是故知無死兼如彼彼不相到各各
不相知生不知死死不知生因不知果果不
知因業不知報報不知業又如河中水湍流
競奔逝各各不相知諸法亦如是前不知後
後不知前而已亦如進山主答修山主云者
個是監院房那箇是典座房同若曰明知牛
是不生之理爲什麼被生死之所流轉即如

文殊云其力未克老僧實未知也

龍池幻有禪師語錄卷之三

音釋

剩食證切音刮古滑切音然乃珍切音忍
乘長也舌刮削顛上謨官切音瞞下
煦香句切音灼亦顛許干切音軒顛預
大面居代切音概概大率也

史三

五三



清刻龍藏佛說法變相圖

龍池幻有禪師語錄卷之四

史四

門人圓悟圓修等編

閒談

臘月三十日上堂舉雪峰在德山作飯頭一

日飯遲德山托鉢向法堂上從東過西從西

史四

過東雪峰云者老和尚鐘未鳴鼓未響托鉢

向什麼處去德山托鉢歸方丈雪峰舉似巖

頭頭云大小德山不會末後句德山聞得令

人喚巖頭至云你不肯老僧那巖頭密啟其

意明日德山上堂果與尋常不同巖頭出撫

掌呵呵云且喜者老漢會末後句天下人沒

奈伊何雖然如是祇活得三年師頌云德嶠

當時無侍者自持鉢去要渠知儂家自是無

分曉猶向巖頭問是非末後句更休題密啟

其意罕人知不是驚山成道罷直至而今未

解頤老僧今日正當年盡月盡亦有個末後
句云歲事盡從今夜畢來春應屆歲朝知下
座

已酉朔旦上堂云三陽開泰萬物生輝天下
太平人間樂業所謂道年新月新日又新現
前佛法一時新豎起拂子云汝等各各直須
認取者一着要緊遍地作金容易事百年難
遇歲朝春良久咦一聲云新年頭佛法不可
多說便下座

新正七日上堂云老僧今日特陞此座蓋謂
芙蓉太毓禪師道場諸善知識專爲老僧設
齋愧老僧出家礪行於他方三十有八年來
別未成得些些事僅得個心地法門不免布
施大眾此非我一人獨得者即今現前若有
一人欠少些些老僧情愿管包補且如臨濟

大師當時道有一無位真人常從汝等面門
出入初心未證據者切須看看據老僧判若
說是無位真人不用說出入但言無內無外
原與太虛同體無大無小無方無圓無生無
滅無短無長無高無下無欠無餘說到此但
云老僧今日昏憤便下座

次日上堂云有昨日底公案未完老僧昨者
大似鄉裏一老婆子穿却三尺三寸一條大
布裩通身水溼了一步也走不得大意老僧
初心見大眾以佛法難會務要與大眾直說
分明殊不知此本來礙口說不得第一恐成
了實法第二恐成了冬瓜印子以故難言未
有割煞且如雲門大師道乾坤之內宇宙之
間中有一寶秘在形山此四句儘可穿鑿理
會有形生於無形無形則托於有形者若曰

拈燈籠來佛殿裡將山門來燈籠上又向那
裡摸索去既說是個真人一真一切真無內
無外無有寬親說箇無位即如東西南北四
維上下何有向背且道者個真人坐在有上
坐在無上坐在空上坐在色上坐在生上坐
在死上坐在是上坐在非上坐在彼上坐在
此上坐在好上坐在惡上坐在美上坐在醜
上坐在香上坐在臭上坐在苦上坐在甜上
坐在酸上坐在辣上坐在長上坐在短上坐
在去上坐在來上坐在定上坐在不定上坐
在大上坐在小上汝等切莫將者個無位真
人認做了臨濟大師底亦莫看做了是老僧
底臨濟大師分明向你說汝等人人有個無
位真人我且問汝等各人者個赤肉團也還
有一點點空竅也無若有一點點空竅時比

史四

三

如此太虛空還有兩樣也無汝等各各檢點
看揣摩看果然與此個真人相應有個影響
與老僧通個消息若一總無得不如各自歇
去珍重

上堂師云昨日有求授記成佛底上前來老
僧想起你們要授記便不得滿你們底心須
待彌勒佛出世時始得相應若彌勒佛已前
無你們成佛處不如我老僧現今證據你們
成佛恰易又不但爲彼在家善信男女亦爲
現前大衆各各俱要證據成佛去權作個安
樂小歇場地汝等各各切心諦聽汝等暫把
胃中種種妄想一齊放下檢點六根諸塵勞
緣唯見聞二種爲勝於日用二六時中眼見
種種色相耳聞種種音聲切忌無生分別異
念不起妄想執情時即見色聞聲之性當下

便爲無分別智此無分別智便是汝等真如自心此心即是佛是什麼佛是本源自性天真佛此天真佛外無別有佛亦無別有心所有者但分別心妄想心惟此二心最可忌者故華嚴經云一切衆生具有如來智慧德相但以妄想執着而不證得者又但不生分別心纔生着便爲外物所轉故楞嚴云若能轉物即同如來故云迷人被物轉智人能轉物唯證據此佛時如何是佛境界但在異時言下座

上堂師云古人所謂道無方行者莫能至又中觀云觀方知彼去去者不至方信矣不其然哉蓋吾人心一而已大端語方則不容以有道云道則不容以有方以道即方而方即道然其勢固不能兩容豈復並舉而兼得之

耶試按時人妄計有東西南北四維上下如金剛經佛問須菩提云東方虛空可思量不須菩提言勿也世尊南西北方四維上下虛空亦復不可思量以其妄計非真故云不可思量以真實有故乃可思量其實無故不可思量然其實不可以有無必故若以爲有無限際可得若以爲無現見有東西南北四維上下若欲盡其限際如法華壽量品喻以三千大千世界磨以爲墨過東方千佛國土乃下一點又過千佛國土復下一點又過千佛國土復下一點如是乃至下盡三千大千世界塵墨復將點過國土點着點不着者復盡磨爲塵墨再過東方千佛國土乃下一點又過千佛國土復下一點如是乃至下盡如前國土塵墨還知其限際不然以東方限際如

此乃至南西北方四維上下虛空亦復如是
無有限際以虛空如是故至我此心亦復如
是廣大無有限際以我此心如是故乃至如
來法身亦復如是廣大無有限際彌滿清淨
中不容他故華嚴經云佛身充滿於法界普
現一切羣生前隨緣赴感靡不週而恒處此
菩提座昔日有箇座主引一行者入殿禮佛
行者因唾佛身座主呵責云不可唾佛行者
却曰將個無佛處與我唾來傍有俗士云怎
麼底倒不怎麼不怎麼底恰怎麼師云我與

伊做箇解交噉戌魯戌魯娑訶便下座

上堂師舉昔日有一耆宿上堂云老僧三十
年已前見山是山見水是水中間得個入處
見山則不是山見水則不是水老僧今日休
歇得見山依舊是山見水依舊是水師乃云

我見金剛經云須菩提若善男子善女人以
三千大千世界碎爲微塵於意云何是微塵
衆寧爲多不須菩提言甚多世尊何以故若
是微塵衆實有者佛即不說是微塵衆所以
者何佛說微塵衆即非微塵衆是名微塵衆
世尊如來所說三千大千世界即非世界是
名世界何以故若世界實有者即是一合相
如來說一合相即非一合相是名一合相須
菩提一合相者即是不可說但凡夫之人貪
着其事若有未解者個因緣者但看向下底
註脚意自分明珍重便下座

上堂師舉起拂子云老僧今日借取者拂子
一時說法直得三世諸佛立地聽汝等現前
各各俱信得及麼倘你信得須知諸佛當初
未嘗有衆生可度不聞般若云若有衆生爲

如來度者如來即有我人衆生壽者四相四相宛爾如何度得衆生如是始信衆生度盡恒沙佛諸佛何曾度一人老僧今日若不爲汝等證明便成了虛語我此拂子說法即是華嚴云塵說刹說衆生說三世十方一切佛

說熾然說無間說即塵說刹說衆生說三世十方一切佛說熾然說無間說便是拂子說

如何是三世諸佛立地聽三世者三際時也若已併息萬緣迴光返照收視返聽回觀自性則得靈音屬耳迦陵仙音徧十方界即是

文四

過去佛若當下便得併息諸念萬緣放下迴光返照獲聞靈音屬耳迦陵仙音徧十方界便是現前佛若未得併息諸緣妄念未曾休歇得靈音屬耳迦陵仙音弗能相應者便是未來佛此豈不是衆生因緣度盡恒沙佛諸

佛何曾度一人耶又老僧昔年指風搖竹子問匠人云爲是風搖竹子竹子搖風匠人云還是風搖竹子豈竹子能搖風乎老僧云若無竹子你向何處又見風乎匠人云便是老僧曰不聞性空真風性風真空清淨本然周徧法界乎止止不須說我法妙難思珍重便下座

文四

七

上堂師云浮山遠錄公云夫天地間誠有易生之物使一日曝之而十日寒之亦未見有能生者然天地間易生物無如菖蒲草并蘆葦最易生易長者設當暄暖了一日倒陰寒却十日則亦不見有生機矣比今之無上妙道實昭昭在於心目之間何難見之有既在心目間則合觸處洞然現前明白自然頭頭上現物物上彰故云至道無難唯嫌揀擇而

已要須知心目之外還有落地也無請大衆
試檢點看若檢點不出須知還是黑瞳瞳地
說甚坐立可待況有一日信而十日疑之者
又則有朝勤夕怠者如此則豈獨目前難見
余恐終身而不得見之矣惜乎汝等堂堂爲
出世丈夫反不如當初一在俗妓女不見東
坡居士一日與琴操游西湖云我今日做個
長老你作個禪和子試與你叅禪何如操云
使得東坡乃問曰如何是湖中境操云落霞
與孤鶩齊飛秋水共長天一色又問如何是
境中人操云裙拖六幅湘江水髻挽巫山一
段雲又問如何是人中意操云隨他楊學士
驚殺鮑叅軍乃云如此究竟如何東坡因點
曰門前冷落車馬稀老大嫁作商人婦琴操
歸遂削髮爲尼若此一撥便轉可謂之丈夫

否乎我見今時人儘力要會門前冷落車馬
稀老大嫁作商人婦猶不可得者師乃豎起
拂子云汝等還見者個麼明朝更有新條在
惱亂春風卒未休下座

上堂師云今日陞座爲昨者公案未完既云

去

無上妙道昭昭然在於心目間者即如東坡

八

與琴操叅禪事又豈在心目之外耶且答東
坡問湖中境境中人人中意之說豈是琴操
分外事乎泊後東坡點琴操云門前冷落車
馬稀老大嫁作商人婦二句語老僧從南往
北從北還南數年以來驗人多矣問着一百
個有九十九個會不得昨日復拈起問衆中
雖有一箇半箇似乎會得終未透徹不可老
僧意老僧忍之不已不免今日與汝等說破
去蓋此兩句語不出褒貶二字點他而已遂

使琴操慚惶無地以故削髮耳有甚難會處然在東坡分上既見伊有如此本領如此識見不得不褒獎伊道門前冷落車馬稀也難得人到者偈所在此不爲過褒也又既見伊但爲貪戀了者兩件事割不斷捨不得以此貶他不爲過貶也然而無上妙道既不出汝等諸人心目間又何用老僧重重開示一一指呈耶但要汝等試檢點心目之外更有落地處也無若真實檢點不出莫說要見無上妙道不難且老僧如今也有個末後句不免舉似大眾知道遂擲拂子不受禮拜竟趨方丈

史四

九

上堂師云老僧出家三十八年來不爲別事祇要明得人人本有個個不無者一着子且如釋迦當時出世談經三百餘會說法四十

九年將臨涅槃文殊請留住世再轉法輪世尊曰文殊將謂我四十九年曾說法耶你如何又請我再轉法輪也止爲者一著子及拈花示衆時人天百萬中竟無會得者獨迦葉一人破顏微笑可見要領會者一着也難得其人繼後有二十八祖達磨從南天竺國特航海來至此方只說直指人心見性成佛但未見有指心見性成佛底說話若校他釋迦曾說法謂不曾說法可信即達磨直指人心見性成佛之說也可信若言釋迦佛曾說謂不曾說信不及即達磨之說亦有信不及處因見永嘉云心不是有心不是無心不非有心不非無云云并僧問馬祖離四句絕百非請師指示西來意便見馬祖智藏懷海父子三人亦不易說并見金剛經云應如是生

清淨心不應住色生心不應住聲香味觸法
生心應無所住而生其心信矣若如六祖解
息風幡之爭云非風動非幡動乃仁者心動
蓋言佛祖出世總是一期應機之說原無實
法與人故云但有言說俱無實義若言動既
屬於吾心則不動處不屬吾心矣故楞嚴云
若有一人發真歸源十方世界悉皆消殞并
若人識得心大地無寸土便見此中無跡可
指難道十方世界并大地土都從何處去了
龐居士又云但願空諸所有慎勿實諸所無
是也蓋言認得心性時可說不思議只是不
見世間有餘物矣故龍樹偈云因緣所生法
我說即是空亦名爲假名亦名中道義未曾
有一法不從因緣生是故一切法無不是空
者若此看來如何又恠得達磨不說耶要信

此心無跡可指無相可着既無指處則無有
不是處信矣若要見性甚易在眼曰見性在
耳曰聞性在鼻曰嗅性在舌曰嘗性在身曰
觸性在意曰法性只在尋常日用間無內無
外非近非遙不曾生不曾滅無減無增本來
具足不動不搖只要合得他古德所謂靈光
獨耀迥脫根塵體露真常不拘文字心性無
染本自圓成但離妄緣即如如佛珍重下座
二月一日上堂云開了年輕輕把正月一月
過去又是二月一日矣汝等參禪不得力無
効驗何不看他前代古人五祖和尚一日云
我這裏禪似個什麼如人家會作賊有一兒
子一日云我爺老後我却如何養家須學個
事業始得遂白其爺爺云好得一夜引至巨
室穿窬入宅開櫃乃教兒子入其中取衣帛

兒纔入櫃爺便閉却復鎖了故於廳上扣打令其家驚覺乃先尋穿窬而出其家人即時起來點火燭之知有賊但已去了其賊兒在櫃中私自語曰我爺何故如此正悶悶中却得一計作鼠啣聲其家遣使婢點燈開櫃櫃

纔開賊兒聳身吹滅燈推倒婢走出其家人趕至中路賊兒忽見一井乃推巨石投井中其人却於井中覓賊兒直走歸家問爺爺云你休說你怎生得出兒具說上件意爺云你怎麼儘做得者是一種做得去底伶俐禪尚有一種蠢蠢做不去底癡禪一總與你們說知去往者齊之國氏大富宋之向氏大貧自宋之齊請其術國氏告之曰吾善爲盜始吾爲盜也一年而給二年而足三年大壞自此以往施及州閭向氏大喜喻其爲盜之言而

不喻其爲盜之道遂踰垣鑿室手目所及亡不探也未及時以賊獲罪沒其先居之財向氏以國氏之謬已也往而怨之國氏曰若爲盜若何向氏言其狀國氏曰嘻若失爲盜之道至此乎今將告若矣吾聞天有時地有利吾盜天地之時利雲雨之滂潤山澤之產育以生吾禾殖吾稼築吾垣建吾舍陸盜禽獸水盜魚鱉亡非盜也夫禾稼土木禽獸魚鼈皆天之所生豈吾之所有然吾盜天而亡殃夫金玉珍寶穀帛財貨人之所聚豈天之所與若盜之而獲罪孰怨哉向氏大惑以爲國氏之重罔已也過東郭先生問焉東郭先生曰若一身庸非盜乎盜陰陽之和以成若生載若形況外物而非盜哉誠然天地萬物不相離也認而有之皆惑也若把世間萬物果

然識不破看不透不得不被其惑國氏之盜公道也故亡殃若之盜私心也故得罪有公私者亦盜也這是常常在繩墨上不犯規矩禮法底亡公私者亦盜也這是如白晝攫金底但見其金不見其人者公公私私天地之德知天地之德者孰爲盜耶孰爲不盜耶老僧恐以世間法與出世間法俱不免爲盜并喻其爲盜之言而不喻其爲盜之道故併說之耳珍重

上堂師云竭盡去也直得三世諸佛口挂壁

史四

上

上山僧今日于一毫端上現寶王刹乃至十方諸佛國土瓊樓寶閣金碧莊嚴交輝映徹以至法界崢嶸汝等爲什麼都不見得山僧今日坐微塵裏轉大法輪以至塵說刹說衆生說三世十方一切佛說熾然說無間說汝

等爲什麼都不聞得汝等既都不見不聞者蓋是汝等參禪學道途路中未得力故乃豎起拂子云汝等若向者裏荐得悟得認得真了時即喚者個作拂子也得喚作拂子也得即將一微塵現出十方佛國土也得攝十方佛國土於一微塵中也得正所謂把住放行全在我收來散去更由誰若未能荐得悟得見得不真時休說要將塵勞爲佛事變大地作黃金即喚者個作拂子也不得不喚作拂子也不得如何老僧今日喚作拂子即得爲我不作拂子用故如何不喚作拂子亦得爲我却作拂子用故雖然我有時喚作拂子便作拂子用不喚作拂子便不作拂子用又有時喚作拂子也作拂子用不喚作拂子也作拂子用有時不喚作拂子也不作拂子用

史四

十三

即喚作拂子也不作拂子用故又舉起拂子云且道正當恁麼時是作拂子用是不作拂子用咄一聲云是法非思量分別之所能解且截斷葛藤下座

上堂師云汝等兄弟須信自心是佛佛是自心做除自心外別更無有成佛者且心無形相非青紅白黑朱紫玄黃除朱紫玄黃青紅黑白外別無有心心非音聲語言除音聲語言外別無有心心非馨香臭穢但馨香臭穢外無別有心心非酸甜苦辣但酸甜苦辣外無別有心心非細滑粗澁寒煖痛痒但寒煖痛痒細滑粗澁外無別有心心非是好惡長短濶狹但長短濶狹是非好惡外無別有心但心若起一念惡殺人害人故殺一切有命之物者即此報身後定墮地獄道去況實

犯者而不墮落耶若起一竊盜人財寶貨物念者即當墮餓鬼道若有起邪淫心不息者即當墮落畜生道中是不謬者此是六道中下三惡報也上三善報者若人歸依三寶受持五戒不殺不盜不邪淫不妄語不飲酒食肉者此報身後定獲如意人身不失若人不殺不盜不邪淫不誑不妄不兩舌不惡罵不貪不癡但嗔心所重不斷者則墮修羅道中若有不殺不盜不邪淫不誑不妄不兩舌不惡罵不貪不癡不嗔不癡如此一類純行十善此報身後徑生天道所謂六道者也若有不起意念永絕貪嗔癡者如是一類則超出三界見苦斷集證滅修道則證聲聞四阿羅漢果若有修十二因緣無明緣行緣識識緣名色名色緣六入六入緣觸觸緣受緣愛愛

緣取緣有有緣生生緣老死憂悲苦惱者則證辟支佛果若有修六度布施持戒忍辱精進禪定智慧兼之萬行者則證大乘菩薩千地等覺之果若有修四無量心大慈大悲大喜大捨者則證涅槃常樂我淨妙覺之果故華嚴經云若人欲了知三世一切佛應觀法界性一切惟心造所以此四聖六凡莫不皆由此耳故云現在衆生此世此生須自度西來大意即心即佛莫他求珍重下座

上堂師云無上法王有大陀羅尼門名爲圓

十四

十五

覺師豎起拂子云汝等會得者個麼此即是幻知幻即離不作方便離幻即覺亦無漸次所以此中流出一切清淨真如菩提涅槃汝等欲得清淨真如菩提涅槃現前相應得力麼汝等各各但於日用間居一切時不起妄

念時則得盡虛空徧法界微塵刹土彌滿清淨中不容他以一身清淨故則多身清淨多身清淨故乃至十方世界清淨故也於諸妄心亦不息滅者上來法界既爾清淨則頭頭爾法法爾無不總是真如之體況妄想情慮不鎔化爲真如耶又何須息滅哉住妄想境不加了知者若起一了知之念於菩提覺體便不相應所言覺義者謂心體離念離念相者等虛空界無所不徧法界一相即是如來平等法身依此法身說名菩提本覺者又何假了知之念耶於無了知不辯真實者汝等於十二時中總是真常寂滅之樂又奚暇辨夫真實不真實耶當初大慧禪師於四節之下各綴一語居一切時不起妄念曰荷葉團團團似鏡師云咄於諸妄心亦不息滅曰菱

角尖尖尖似錐師云咄住妄想境不加了知
曰風吹柳絮毛毬走師云咄於無了知不辯
真實曰雨打梨花蛺蝶飛師云咄以大慧若
無斯語余亦不贊之以咄云汝等現前還見
得圓覺之體麼鵲子已飛雲外去癡人猶向
月邊尋久立珍重

上堂師舉大慧一日云我平生好罵人因看
玄沙語錄大喜他勘靈雲道諦當甚諦當敢
保老兄未徹在可謂壁立萬仞後來與靈雲
說話了你恁麼方始是徹却恁麼撒屎撒尿
却問圓悟如何悟笑云他後頭却恁麼地我
也理會不得遂下來歸到寮方知玄沙大段
作恠遂舉似圓悟悟笑云且喜你知晦堂云
今時諸方多是無此藥頭大慧云切忌外人
聞此齷齪言師云且道誰是外人又誰是裏頭

人我已知已聞還算得是外邊人麼如老僧
所判即削髮除鬚之儻持齋把素在繩墨上
終日把本修行只是不解者一着子也算不
得是家裏人今有人於此也不持齋不奉佛
懷中抱子脚後膝裏却理會得者一着子便

史四

十六

算伊不得是門外漢何也不聞古佛云若人
生百歲不善諸佛機未若生一日而得決了
之蓋當初會佛法無分老幼正所謂有智不
待年高無智百歲徒勞今時會佛法則不論
內外故也別有所謂佛語者昔日阿難客於
寺中聞童子誦此偈曰若人生百歲不善水
潦鶴未若生一日而得決了之阿難恠而召
童子乃正之曰是不善諸佛機童子因告本
師師曰是阿難老昏矣當以我語爲是師因
慨曰如吾昨勸某道者汝往習舊本可棄當

史四

十七

持佛經修行般若爲正業不然即以此譬水
潦鶴之類切至若某處有某側皆森然水潦
鶴之類滿目縱橫矣可不太息凡在六十二
見中者即爲外道故也若能一念知非反邪
歸正便是菩提覺岸所言我執不能無動輒
是煩惱者殊不知煩惱屬客塵不是本有底
種種境界現前但是自心所召然汝一身豈
有兩個主人公哉何不如般若生清淨心耶
不應住色生心不應住聲香味觸法生心應
無所住而生其心若果如此但見有清淨心
則不見有煩惱心煩惱心生時則不見有清
淨心矣果於十二時中見色聞聲之際不生
分別心不作妄想見直下便是無分別智當
處即是真如自性佛切莫謂不生分別念不
作妄想心類他卧輪說卧輪有伎倆能斷百

思想對境心不起菩提日日長是個止病若
恁麼會即六祖大師說慧能無伎倆不斷百
思想對境心數起菩提作麼長又成了任病
矣須知佛祖聖賢說法總是應病與藥原無
實法與人又華嚴云一切衆生具有如來智
慧德相但以妄想執着而不證得汝等果然
信得及沒有執着時古人所謂恁麼也得不
恁麼也得恁麼不恁麼總得若有一毫執着
則信不及矣既信不及則恁麼也不得不恁
麼也不得恁麼不恁麼總不得又豈不聞心
生則種種法生心滅則種種法滅法生則種
種心生法滅則種種心滅耶且截斷葛藤下
座

二月十九日上堂師云今日是大悲菩薩成
道日原知菩薩從聞思修入三摩地初於聞

史四

十八

中入流亡所所入既寂動靜二相了然不生
者既於三慧觀中返聞自性時聲塵當下解
脫根境不偶圓通本體洞貫十方廓徹無礙
聖凡一體何曾分別故菩薩不起三摩地定
發大悲心憐憫一切未脫苦輪衆生普門品
云妙音觀世音梵音海潮音勝彼世間音是
故須常念念念勿生疑觀世音淨聖於苦惱
死厄能爲作依怙具一切功德慈眼視衆生
福聚海無量是故應頂禮然於諸苦所因貪
欲爲本即水火等七難是也若滅貪欲無所
依止然捨此根塵不偶六根互用大悲圓通
法門則一切生死苦厄又何由解脫哉師舉
起拂子敲空云汝等還聞麼衆默然師云老
僧如何却聞又將拂子柄擊案桌云汝等還
聞麼衆亦默然師云老僧如何不聞乃曰觀

音妙智力能救世間苦具足神通力廣修智
方便下座
二月二十九日上堂師云老僧一向以來與
汝等說話祇說得個如來禪一名義理禪一
名老婆禪但未嘗提起向上底一等說話今
日與你們畧通一線去昔日瀉山和尚一日
示衆云老僧百年後往山前檀越家作一頭
水牯牛去左脇下書五字瀉山僧某甲當恁
麼時若喚作瀉山僧却是水牯牛若喚作
水牯牛却是瀉山僧且道汝等喚個什麼
即得當時有僧出云和尚若恁麼某甲相隨
去也山云汝若去切須啣取一莖草來在汝
等且道是什麼意思也須要會得好在今日
老僧則不然須知雲月是同溪山各異何用
待至百年即今有人喚老僧是牛師即作牛

鳴一聲若有人喚老僧作馬師即作馬鳴一聲正恁麼時喚牛是喚馬是喚老僧是即如牛馬事且置怎奈老僧何況又是華嚴道場八十一卷經文單在今日老僧亦當從頭敷演過如是我聞一時佛在摩竭提國阿蘭若法菩提場中乃至一切衆生具有如來智慧德相但以妄想執着而不證得高聲曰前文竟下座

臘月朔日上堂云古人道三世諸佛不知有鯨奴白牯却知有三世諸佛不知有者以彼從來未曾噉酒鯨奴白牯却知有者爲伊啟首原無讀書衆兄弟汝等若恁麼會得須知老僧已兩手分付汝等了也若恁麼不會切忌他時異日不得胡統亂統去八十翁翁入場屋不是小兒戲佛法不是細事知有不知

有汝等珍重各各務要會取個分曉去下座臘盡日上堂曰老僧生年屬己酉從隔歲戊申已過了六十花甲一轉矣今春啟首至此又是三百六十五日四分日之一分自初正月一日始日日起來只是着衣喫飯屙屎放尿過了竟無個事與衆兄弟商量得茲既到了年盡月盡夜頭亦想不起個說話可說止有兩句說話噯歲事盡從今夜畢明朝生意從新起擲拂子下座

晚話

上堂師云不憶當初釋迦老子也知有這個時節一日在靈山會上於人天百萬衆前拈起一莖合歡梧桐花示衆時幸喜有迦葉尊者出來微笑了一笑做得個解交不然直饒是老釋迦也未免納敗缺有分今日在老僧

則不然先納了敗缺然後舉似始得何也今時又不同那一時多矣試舉看遂堅起拂子云汝等衆中有會得這個麼若會得這個了須知還有那一個未會在若更會得那一個了遂擲下拂子豎起拳頭云老僧手何似驢

蹄良久乃下座

上堂師云若論這一着子今時難得其人若老僧一總不說如冰壺夜靜水洩不通更若老僧略通一線則有多門方便又成路布葛藤蓋從上佛祖辜負處且置而不言只不欲

主

王

辜負了達磨大師自南天竺國特特航海而來至此方當初只說直指人心見性成佛若據二祖神光斷臂後乞安心時達磨云將心來爲汝安二祖曰覓心了不可得磨云爲汝安心竟若人於此領會得便休無事不畢更

若未會須用傍通一線始得如古人云三界無別法唯是一心作于是即知目前山河大地明暗色空草木昆蟲人畜等物事事法法無非總屬吾心故云唯吾心外無一法可得是也何得如此以萬物非吾心則不可知以吾心非萬物則不可見于是當知吾心即是萬物萬物總屬吾心所以凡是見物即見吾心是也如金剛般若云凡所有相皆是虛妄若見諸相非相即見如來謂何也馬祖云即心即佛又謂何也心佛衆生三無差別又謂何也即如馬祖曰非心非佛又作麼生南泉道不是心不是佛不是物又作麼生南嶽大師云喚作一物即不中臨濟大師云汝等赤肉團上有一無位真人常在汝等面門出入初心未證據者切須看看六祖大師又云我

有一物無頭無尾無名無相又作麼生若論如此種種說話不同了不如向前道一個不會恰好且截斷葛藤下座

上堂師云老僧從十八歲學道至此四十四年以來始會得達磨西來直指人心見性成佛底一着子今日特特挑在棒頭上賣與諸人要買底趁早買要會底趁早會過了此時恐只要待彌勒下生始得且如何是心除我自知外無別有心除我自心外無別有知如此知不爲不明且如何是性除我自性外無別有見除我自見外無別有性如此見不爲不徹若要明心見性但會盡此兩轉語管保自得矣更有兩轉戒語一總說與汝等切不得以知爲知知即無知又不得以無知爲無知無知即知切不得以無見爲無見無見

即見又不得以見爲見見即無見由楞嚴所忌知見立知即無明本知見無見斯即涅槃珍重會去

上堂師云禹門院裏禪大似他鄉村中個太醫無多方藥頭止有一帖平胃散不管他瘋

史四

主

勞臟隔四百四病一切內外科雜症總與他這一味藥頭不管伊茶湯裏也着上些粥飯裏也着上些水裏也着上些米裏也着上些油鹽醬醋裏也着上些蔬菜麵食裏也着上些閒忙動靜處也着上些行住坐卧處也着上些但肯餐采底一任伊餐采但肯咬嚼底一任伊咬嚼直待伊年深日久了眉鬚墮落底自然長出眉鬚來髮毛脫掉底自然長出髮毛來破皮底自然收口肉爛底自然生膚黃胖底血色自然如舊骨瘦底肌膚自然潤

史四

主

澤跼攀者手足自然舒伸只要教他依還復
初一如舊時人耳世間不肯服藥底止有兩
種有一種最可憐生喻如老鼠入牛角要鑽
也鑽不入要咬又咬不動只得股忍而退果
若是個獅子兒不免要奮其全威吒呀哮吼
一聲時直得羣狐喪膽百獸魂飛獨行獨步
隨方自在放曠遊行也惟伊不得喝一聲下
座

安千日華嚴禪期上堂祝香云此一瓣香不
從天降豈逐地生用山僧信手拈來熱向爐
中端爲供養千花臺上百寶光中千百億化
身釋迦牟尼佛大悲觀世音菩薩大智文殊
師利菩薩大行普賢菩薩等次一瓣香端爲
供養笑巖堂上傳曹溪正脉三十二世月心
寶大和尚用酬法乳以至荆山珂夢塘覺樂

菴悅和尚次一瓣香端爲報祝今辰當齋施
主質齋湯老先生大檀越祿位榮遷官高極
品上同許氏太老夫人福如東海滔滔壽比
南山鬱鬱以及十方諸大檀越均爲報祝就
座云靈光獨耀迴脫根塵今古洞然聖凡靡
間遂舉起拂子云汝等還知有這個事麼當
恁麼時錯過也不知千日禪期始於今日華
嚴法寶八十一卷經文總未提起一字且把
目前事試檢點理論一理論看即往時靈雲
道三十年來尋劍客幾迴葉落又抽枝自從
一見桃花後直至而今更不疑當時有個玄
沙備禪師聞云諦當甚諦當敢保老兄未徹
在後來會見靈雲說話了却云你恁麼方始
是徹徹與未徹且置之勿論試問現前大衆
道若靈雲當初果然見這桃花也未若真實

未見這桃花時又何曾得悟道來更若謂畢竟眼裏見這桃花了又爭得悟道去山僧今日路見不平只得勉強爲伊頌出曰堪羨靈雲初悟道徹未徹已見玄沙古今物我曾無間所以碧桃還放花這四句偈汝等直下便會去即今日便是古時若一總不理會得即古時依然還同今日既到了這個時節更說個什麼可謂啼得血流無用處不如緘口過殘春嘆到了他時異日有個人夢見也未可知下座

上堂師云所言法界性體其綿密如光之與音圓滿具足湛然常住周徹無礙淨徧滿故清淨不動平等如如含容廣大無欠無餘所以云淨法界身本無出沒大悲願力示有去來我如來所乘四洪誓願力故誓度一切有

情雖同人生死去來其實不爾非似他世人無明未破於生死去來有礙而不自在故也然而去來無礙於彼有異唯所乘法界性體彼此無殊如法界性體圓具有十四聖六凡是也疏喻同十圓鏡子第一圓鏡中光音徧

三四

三五

布於九圓鏡中九圓鏡中光音總攝在第一圓鏡中其鏡中光互相攝入大小相容一多無礙其圓融又如一月普現一切水一切水月一月攝是也思而可知矣以其四聖六凡同一根本無得無失故耳故華嚴首先倡云一切衆生具有如來智慧德相但以妄想執着而不證得者於是知如來無分人我相有優劣見也故圓覺首又告文殊云一切如來本起因地皆依圓照清淨覺相永斷無明方成佛道蓋知爾我既乘此父母色質以來爲

無明封固未破不得不起妄想不得不生執着要識無明麼且看如來告文殊曰善男子云何無明一切衆生從無始來種種顛倒猶如迷人四方易處妄認四大爲自身相六塵緣影爲自心相譬彼病目見空中華及第二月善男子空實無華病者妄執由妄執故非唯惑此虛空自性亦復迷彼實華生處由此妄有輪轉生死故名無明又善男子此無明者非實有體如夢中人夢時非無及至於醒了無所得既識此無明已於生死事當下便了即識此法界性體莫不圓滿具足矣老僧今見汝等也正是個墮酒糟漢一般如我昨所說物不遷題旨中云世相本空俱無自性之說何曾理論一檢點來若世相有個自性於他本空則不合矣倘本空亦有個自性於

他世相固亦有妨殊不體世相無自性故當體是個本空本空亦無自性故通身是個世相於是則知世相既不可得即本空亦何可存吾所謂十方無壁落四面亦無門但得安身處天空放白雲下座

上堂師云老僧今日索性拚個肚裏痛徹底掀翻一總與你們說破了去罷上至十方三世一切諸如來中至過去現在未來一切諸菩薩羅漢聖僧等下至三世十方一切諸衆生輩所秉者總是這一個靈知唯這箇靈知從本已來原無自性無內無外無有中間見如不見聞如不聞覺如不覺知如不知所以云如夢如幻如泡如影盡十方世界都盧是一個靈知即這十方世界從本已來初亦原無自性亦無內外中間如夢如幻如泡如影

即這靈知便是個十方世界所以云知即無知無知即知總是一個無別有第二個靈知也乃至中間無針剗罅縫處不是這靈知流行運用底所在故肇法師云道遠乎哉觸事而真聖遠乎哉體之即神汝等果然信得極認得這靈知是一個了且看我老僧今日若見東風來時老僧便向東邊倒若見西風來時老僧便向西邊倒若見從四方八面來時老僧但隨處倒總不見恁麼來時老僧且喚侍者點取一甌茶來我喫了歇去老僧今日史記沒有閒工夫只管與你們扯葛藤無有了時也若有人問爲什麼見東風來却向東邊倒見西風來却向西邊倒耶老僧向云我爲恐東風來吹閃我這邊腰不得不向東邊倒又爲恐西風來吹閃我這邊腰不得不向西邊

倒但恁麼說話了做個合煞退去下座上堂師云盡十方世界是一箇靈知這個說話但肯相信乃至上智下愚皆會得只是欠如老僧打初從琉璃燈下認得這個源頭何如當初水老和尚云自從一喫馬師踏直至如今笑不休是也便可隨機權變應用無方說有一物也得古人所謂有物先天地是也說無一物也得所謂無形本寂寥說不生者能生生所謂能爲萬象主說不化者能化化所謂不逐四時凋是也只是認得這本體了於生死之際方可說得本來不曾生本來不曾滅始可說無得無失無去無來耳楞嚴所謂若能轉物即同如來又金剛般若曰凡所有相皆是虛妄若見諸相非相即見如來皆方便門又修多羅曰非離真別有立處立處

即真所以古人拏义打地豎指豎拳吹布毛
滾毬子拈椎舉拂栢樹子麻三斤須彌山乾
屎橛昔人俱爲死却偷心不起妄想分別無
有執着始得悟入故華嚴云一切衆生具有
如來智慧德相但以妄想執着而不證得者
此也以其盡十方世界總是一個靈知了無
有個是與不是當下豁爾了悟擴而充之凝
焉廓寂湛然不動寂滅現前清淨圓通了然
無礙矣到此之際若要更起個念頭用知這
個本體又^{史四}如何起得來以其通身是這靈知^{史五}
了不聞永嘉大師云起知知於知後知若生
時前知早已滅二知既不並但得前知滅滅
處爲知境能所皆非真所以云今言知者不
須知知但知而已可見這個靈知止是一個
耳余故所謂除自知外無別有心除自心外

無別有知者亦止是要明這知體本來是一
個無有第二個知體可指以其無可指故所
以云無有不是者故謂盡十方世界總是一
個靈知更沒有第二個靈知可指者此是無
生旨唯其知境可指知體不可指所謂靈知
者也且截斷葛藤下座

上堂師云諸大德汝等世間人都將謂這靈
明不昧之知錯認以爲正見而不知正是汝
等無明業識妄想顛倒之見爲生死根本者
此也豈識夫真知無知真見無見真聞無聞
真覺無覺歟故我如來不得已將這世間見
聞覺知事物喻之如夢如幻如泡如影如露
如電者以此故也即楞嚴謂陀那微細識習
氣成瀑流真非真恐迷我常不開演亦爲此
故也汝等果信得極以此之故當下劃然了

即現前更有什麼是之與非迷之與悟真與假智與愚得與失閒與忙動與靜去與來無善惡之可論量無生死之可安排只可隨緣着衣喫飯依分度時永嘉所謂了了見無一物亦無人亦無物大千沙界海中漚一切聖賢如電拂是也下座

小叅師云要識這個靈知須有方便當知更有知與無知之分無知可指知不可指何也可指者爲有色相故不可指者爲無形影耳又知與無知雖異其實本來一體以俱無自性故所以云知即無知無知即知然亦無知可指知不可指何故以知即無知無知即知耳又知境可指靈知不可指何也不聞永嘉大師云起知知於知後知若生時前知早已滅但得前知滅滅處爲知境於是知靈知止

是一個無別有第二個靈知也所以謂知境可指靈知不可指矣若其靈知可指應有兩個又若靈知設可指亦不得謂之靈又靈知若可指善財當時叅德雲比丘何故不只在妙高峰頂見却要他日在別峰相見也法華何云言思不可示分別不能解耶老子尚云知者不言言者不知且言之尚不得况可指乎所以云知境可指靈知不可指耳

龍池幻有禪師語錄卷之四

音釋

噬五巧切與敵同齧骨也 賊茲郎切音賊藏也納賄曰賊 蛟吉協切音 顛顛也黎黑也 瘋方馮切音風頭瘋病 隔音隔塞也 跼渠玉切音局曲也 變閭員切戀平聲係也凡物牽連繫者皆曰變

名

三十

龍池幻有禪師語錄卷之五

史五

門人圓悟圓修等編

晚話

小叅師云老僧昨日言無知可指知不可指并知境可指靈知不可指兩轉語者老僧要

汝等容易入門故借伊作個敲門瓦子耳豈

可算得真實語汝等但肯相信認得這盡十

方世界總是一個靈知語已通身入在者個

靈知裏邊了便可忘能所絕是非無得失又

何分彼此耶又有什麼可指處有什麼不可

指處又有什麼是處有什麼不是處以其無

有個是處可指故無有不是者故云非離真

別有個立處以立處即真耳又以究竟無所

得故以從來未嘗有失所以云彼亦一是非

此亦一是非耶老僧昨故云若見風從東來

時便向東邊倒若見風從西來時便向西邊倒若見風從四方八面來時老僧但隨處倒但見不恁麼來時只喚侍者點一甌茶來我喫了歇去有甚閒工夫只管向汝等扯葛藤無有了時耶

上堂師云今晨所當庚戌五月念一日是老僧六十二年始生母難之晨正當恁麼時老僧尚未獲生縱有父母未生前一段本來面目既未有此身眼耳鼻舌六根未具時誰能見得且如此身既有六根已具又如何見得故金剛般若云若以色見我以音聲求我是人行邪道不能見如來所以又云凡所有相皆是虛妄若見諸相非相即見如來以如來即本來耳嘗憶我釋迦老子末後談經在法華會上時乃向人天百萬衆前遂唱道我爲

一大事因緣故出現於世即開示悟入佛之知見是也故如來以開示悟入佛之知見令二乘諸聲聞弟子個個獲證咸得授記成佛如來到此一生出世功業畢矣顧我老僧到了今日若據世間知見死期不遠未曾成得一毫功業祇認得個本來一著子即如來知見是以如來知見即出世間知見衆生知見即世間知見然世間出世間豈有二體以衆生業識知見不如其本爲以形證非真故妄認以有爲有以無爲無乃至以色是色以空是空以事物爲事物以非事物爲非事物以知爲知以不知爲不知以見爲見以不見爲不見以世間的常知常見一毫也移改不得故有不同耳所以如來知見豈有一毫差處止是如其本來耳故如來云凡所有相皆是

虛妄

云

是以即知見之體祇是一個若知

見設有二體即知應有反知見應有反見以知無別知故謂之心知見無別見故謂之性見以心知性見俱不容有反者無妄故也以世間知見是妄非真耳所以出世間知見事法法與世間知見各各相反不同者殊未知自有方便不以形證故也所以云知無別知故不可以知爲知知即無知以心知故不可以無知爲無知無知即真知耳又以見無別見故不可以見爲見見即無見以性見故不可以無見爲無見無見即真見耳且問汝等果於此處悟佛知見以心外無知知外無心又見外無性性外無見見得真決得斷生死當下便了佛知見從此得矣即可謂不以生爲生生即無生亦不可以無生爲無生無

生即生豈不了了信乎珍重

慧轂輪上座因師祝壽次呈偈云浩劫長空
共此身應真六十二齡春單傳直指無餘事
說法當生道不生師伸手接得更索云還有
第二首呈似麼輪云若要第二首也不難師

曰即今就要若沒有連這一首也還你收起
即云汝將謂當生道不生是歇首處耶殊不知
你纔到得這裏老僧却又不在此駐脚矣
豈不聞纔恁麼便不恁麼也汝還知法門廣
大有無窮變化麼輪云也和尚有多方變
化但某甲不能盡得奈何師云汝却不會但
其間有個中心柱子不曾搖動汝今後再來
問話須帶一莖拄杖子來老僧無他說由汝
人還是舊時人由汝知見還是舊日知見一
毫不許動老僧但要把住不教汝向舊時行

處行汝若纔擬議便與三十拄杖不擬議亦
與三十拄杖擬議不擬議亦與三十拄杖汝
若當下便會得即契老僧痛棒有分若會不
得且放汝出去異日有個會處再來相見珍
重

上堂師云汝等現前衆兄弟老僧這裏不問
你久修晚進務先各各要正其知見爲急知
見若正要了生死脫輪迴誠喻如反掌無難
坐立可待矣大槩不落斷常有無聲聞二乘
偏執見了更有什麼商量處纔有僧問如何
是佛之知見史五但向道老僧在汝脚下見彼纔
擬議便與三十拄杖可謂性快不然總是草
裏輓有甚麼了期喝一聲下座

七月一日諸徒上方丈問訊作禮師即拽拄
杖上堂曰衆兄弟始有大覺然後知大夢倘

有多口底出來道直下便是個大夢老僧好與三十拄杖更有第二個出來道若說直下恰不可作夢會老僧也好與三十拄杖却有第三個出來道殊未知覺與夢無容汝有分析處老僧今日也好與三十拄杖且留三十拄杖待打那一個人驀豎起拄杖云看棒老僧邇來性急但有礙路底在眼前攔頭便與一拄杖即拽杖走入佛殿禮佛去隨後有徒請問覺與夢合作一個看得麼在和尚如何判斷師曰老僧但不以夢爲夢夢即非夢亦不以覺爲覺覺即不覺只恁麼儻侗去免得金剛般若道一切有爲法如夢幻泡影如露亦如電應作如是觀也徒云我會也我會也師回身把住云猴愁樓搜頭狗走抖擻口作麼生會徒無語師即驀頭與一拄杖云再犯

卷三

三

不容

上堂師云大法之興初未嘗瞞人唯在乎人宿有靈根種子觸著便自會得如迦葉尊者纔見世尊拈花便微笑若達磨至魏面壁九年只待得個可大師出來乞安心始得瞥地如臨濟在黃檗會下三問西來的的意三喫痛棒後到大愚處爲伊道個黃檗恁麼老婆爲你便歇却求心老僧昨爲汝等指個知外無心心外無知見外無性性外無見等話至半載以來尚未會得諦當直饒便會得領略得祇成得個知解禪要得脚跟點地了生脫死實未能得在若要教汝等向棒喝下尋著落摸影響且未有時節因緣此怪老僧不得莫言不道也各自思量做個活計使得珍重上堂師云衆兄弟若論此事擬之則差強言

則隔試問途人個是何物有再詰之者乃舉手拂拂

上堂僧問知不可作無知且無知亦不可喚做知使知與無知不得爲儼侗可乎師曰以知爲知是非常計常以無知爲無知是非斷計斷此乃惑者之見耳道人所見不如此設知不可做無知惟所知者是何物又無知不可作知者其知無知者爲誰乎所以云知即無知無知即知矣僧曰物固無知喚知爲物其可乎呼物爲知亦不可師曰殊未識知因物有物對知生知生物乃生物去知亦去耳故謂知即無知無知即知僧曰然知有去來乎師曰知無去來因物有去來耳僧曰然物有去來乎師曰物無去來因人見有去來耳僧曰人若無見謂世間無物可乎師曰汝謂

史元

六

世間若無物謂人有見可乎其僧乃曰我會也我會之情與無情共一體不其然乎師曰善能分別諸法相於第一義而不動又何曾會於是僧爲懺然再拜而退

上堂師云老僧生平無他得祇認得達磨西來一著子蓋知彼自南天竺國便知此東上人著相泥於文字多不能見性以故彼特特來纔相見梁武帝帝便問如何是聖諦第一義磨云廓然無聖曰對朕者誰磨云不識此時梁武帝將謂是達磨不識尚不知非眼珠子被達磨刺去了不自覺得乃問誌公此是何人誌公云此是觀音大士傳佛心宗者武帝使人追取誌公云莫說使一人兩人去追縱使合國人去追他亦不返矣誌公可謂知人大蓋此方人不見性都似他趙昌善畫牡

丹一日真見牡丹不識遂問人又如葉公子
善畫龍一日見真龍不識驚恐無避處武帝
是歟汝等現前大衆還認得達磨麼汝等真
實要見性須得噴嚏亦打一個瞌睡也要打
一個然後好爬起來道誰知自性本來清淨

史三

七

誰知自性本來湛然誰知自性本來寂滅誰
知自性本來不動誰知自性本來具足誰知
自性本來圓滿誰知自性本來綿密誰知自
性本來周緻誰知自性本來無礙誰知自性
本來無染誰知自性本來法身誰知自性本
來般若誰知自性本來解脫誰知自性本來
靈明誰知自性本來擴充誰知自性本來圓
通誰知自性本來自在誰知自性本來安閑
誰知自性本來圓明誰知自性本來洞徹誰
知自性本來方圓誰知自性本來週遍誰知

自性本來無欠誰知自性本來無餘誰知自
性本來圓妙誰知自性本來平等纔說平等
便知佛與衆生平等生死與涅槃平等煩惱
與菩提平等真如與生滅平等智慧與愚癡
平等塵勞與解脫平等色與空平等有與無
平等左與右平等重與輕平等善與惡平等
高與下平等來與去平等寵與細平等凡與
聖平等生與滅平等夢與覺平等動與靜平
等閒與忙平等以至事事法法俱平等了即
知上無佛道可成下無衆生可度也無悟也
無迷也無彼也無此無好無惡無高無低無
長無短無人無我無是非無得無失無進
無退無上無下無生無死無在無不在以此
無故達磨對武帝所以云廓然無聖耳既到
此地始知釋迦老子纔初生降誕之時週行

七步目顧四方云天上天下惟我獨尊且試問現前大眾如此說話還會得也未果若信得見得了幸以智水湛然滿浴此無垢人下座

上堂師云老僧晚年無心情沒神思與上根

七五

利器人說佛法忽撞著一隊沒氣象底煨火

懶禪和召向前來曰且與汝等說些現成葛

藤去衆兄弟若真實據老僧見處則不勞汝

等要做工夫亦不用汝等要看話頭只教汝

等先要破無明汝等殊不知纔舉念要看話

頭要做工夫時早已屬無明了也只如汝等

也不要做工夫也不要看話頭時亦屬無明

若識得無明破矣直得蔦地裏醒轉來時但

覺得目前是個什麼境界是個什麼時候直

得想不起來時便是好消息但得無明既破

後且試看目前是何境象則何曾又有個是處亦何曾又有個不是處來又何曾有個見處又何曾有個不見處又何曾有個聞處亦何曾有個不聞處來又何曾有個知處亦何曾有個不知處又何曾有個覺處亦何曾有個不覺處來又豈有個可爲處亦豈有個不可爲處又豈有個行得處亦豈有個行不得處又豈有個忍得處亦豈有個忍不得處又豈有個可虧處亦豈有個不可虧處又豈有個可容處亦豈有個不可容處若如此信得了既無可與不可手之舞之足之蹈之拈來了無不是用處莫思議一切施爲動作無不可者如是轉漉漉活潑潑若見東風來便轉向

七五

九

西行若見西風來便轉向東行南風來往北行北風來往南行有甚拘礙處咄一聲汝等

沒福切忌眼花看脚下退去

上堂師云昔有老宿曰老僧三十年前見山是山見水是水中間得個入處則見山不是山見水不是水老僧今日見山依舊是山見水依舊是水禹門則不然老僧在四十年前見山是山見水是水偶爾中間見山不是山見水不是水始得個入處既得個入處了而今見山依舊是山見水依舊是水汝等衆中還有會得者麼咦眼見如盲口說如啞咄一聲下座

上堂師云衆兄弟汝等若果圖見性務須先要破無明無明若未破要見性則不能得又若要得般若智現前務須要先見性若未曾見性要般若智現前則難又若要了生死得解脫務先得大智慧現前始得大智慧若不

現前要了生死得解脫則何有日子又若要明大道務先要了生死得解脫若不先了生死得解脫則於大道終莫能明今夫大道既明則於生死解脫不得不了然生死解脫既了已大智慧不得不現前然大智慧既已現前則無斯需頃刻時不見性矣既已見性更要破無明何有摸索處故永嘉大師曰無明實性即佛性幻化空身即法身法身覺了無一物本源自性天真佛五陰浮雲空去來三毒水泡虛出沒雖然如是了得須知更有向上一著子在今日無心情不暇說盡俟異日再與商量珍重去

上堂師云山澆澆水澆澆四天王昨夜忽被無明逐算盤子打過了八萬四千九百九十九零九遍衆兄弟爲什麼累我厨下火頭至到

如今睡不足下座云叅

上堂師舉起信云從生滅門即入真如門者所謂推求五陰色之與心六塵境界畢竟無念以心無形相十方求之終不可得如人迷故謂東爲西認南作北及至省時方實不轉

史五

十

衆生亦爾以無明迷故謂心爲念心實不動若能觀察知心無起即得隨順入真如門所忌打初頭不曾遇得那一種邪魔外道惡氣薰習染入在骨髓裏了便好一被伊沾著縱使費盡娘生氣力不能剷去得伊底惡氣消只是無可奈何故楞嚴經有二種生死根本一者無始生死根本則汝今者與諸衆生用攀緣心爲自性者二者無始菩提涅槃元清淨體則汝今者識精元明能生諸緣緣所遺者由諸衆生遺此本明雖終日行而不自覺

史五

十二

枉入諸趣其利害在何處只是從打初頭妄想錯認堅執住了不自知非故耳要得脫灑須是把從前所受這些惡水盡情傾掉了如舊時人把好說話也然後戒伊道不用生分別念不起妄想心但著衣喫飯屙屎放尿任運過時要行便行要坐便坐若果恁麼也無生死可了也無佛道可成也無妄想可除也無是非可辯也不知誰是自己也不知誰是他人也不知誰是在家也不知誰是出家也不知誰是道中也不知誰不是道中若此則終日閒閒走到東見鄰家做飯却往前轅一把火走過西見鄰家砌牆便往前著一杅泥正所謂隨順世緣無罣礙涅槃生死總空花是也珍重

上堂師云也大奇也大奇地轉天迴斗柄移

山門昨夜與燈籠關茗帚糞箕俱失儀急努力莫思議地獄天宮總皺眉直得一身冷汗出翻轉話頭都不知喝一聲下座

室中示閻谷印上座語作禮畢師召廣印印應諾師云汝認得廣印否印曰某甲不敢認師云汝還有第二個廣印否印曰第二個却無師云汝年多少印曰四十四矣曾參多許年禪來云已歷二十年矣師云汝既知得是一個廣印參了二十年來到如今馳求心還不肯休息更要待到幾時休息去耶汝既已信是一個廣印了須知此目前燈火也是廣印即香爐也是廣印筋瓶也是廣印香盒也是廣印即硯子書冊本也是廣印桌子几凳也是廣印茗帚糞箕也是廣印門窗戶扇并照屏衣服床幃等件無非是廣印即外洎山河大

地明暗色空竹木禽獸有情無情等項并風雲雷雨日月星辰凡所見所聞所知所覺無非總是廣印除了所見所不及并所聞所覺不到處便不是廣印汝嘗聞天地與我同根萬物與我一體之說信乎又聞若人識得心大地無寸土信乎印前答曰信則極信奈何生滅念緣無由解脫奈何師云你且退去休息一休息明日再與你商量去

師一日上堂曰你也叨叨我也叨叨自晉陵歸過了七十二條橋有人問如何是祖師西

史五

十三

來意老僧向前高聲曰描若會不得再來問老僧畫個死字與你去遂下座

小參師云金剛般若云凡所有相皆是虛妄若見諸相非相即見如來尋常時人常讀常誦但不解究此道理遂成虛說而已然汝等

昨日我若先不曾爲說此身并一切萬法總屬因緣所成底原無自性蓋自性即是我執之根本根本不破要不生虛妄不認著外相以爲實有誠爲難得然則如何又見得如來耶以已身心并一切萬法屬因緣無自性故

卷五

十三

始見得目前法法非真以非真故不著相以不著相故不取以不取故不捨由不取不捨故爲真諦耳肇公云真智照真諦未嘗取所知智不取所知真智何由知以無知便是無分別智以無分別智現前則無內無外事事法法總是一個清淨法身佛以法身清淨無礙即般若大智慧現前大智慧現前無著即解脫以解脫寂滅即法身真常寂滅之樂得矣久立珍重

上堂咄昨夜無端做夢向糞掃堆頭遇得個

人夜靜唧噥語今朝楊八郎三十年不見晝長蘆蔔香從朝至暮只管東顧西顧三日風四日雨要卜明朝天氣未知晴不晴不受禮拜下座徑趨方丈倒身卧

李吳二優婆塞請益般若心經中五蘊皆空之旨師云佛指五蘊者即此個身心是也又名五陰者何以太陽當晝時爲物遮蔽太陽陰地處這五個影子總表虛而不實故耳蓋此身初不由爾我自性而生亦不由他父母之性而生亦不由自性他性共生亦不從無因而生何則若從自性生則不待父母精血結構生既假因緣結構生即知此中無我相矣若從他父母性生性既屬於父母則於吾性何有既無我相人相亦無須知彼中無人相矣又若從自性并他父母性共生者自性

是一并他父母則有三性矣反吾身中既無三性可得則知非自他性共生以共生則有二過相違自生他生故知中無衆生相矣又若無因生者無因則無果既有生合有常體有常體則應常生由不出父母因緣所生故知中無壽者相矣顧此身中無我人衆生壽者四相則此身雖在中何有耶故云色不異空空不異色佛爲身子先已破人空慧故唯蘊空法執猶存故告之如此若色自以爲色空自以爲空於中則有我人衆生壽者四相矣由色不自色因空乃色空不自空由色故空故云色不異空空不異色耳又色果是色遇緣則不應空空果是空遇緣則不應色由色空既屬因緣所成則知色非色空非空明矣然而離色則無以見空離空則何以見色

史五

十四

故又云色即是空空即是色耳此名法空慧上來人法二執既除何苦厄而不度脫大智慧既爾現前是即修行甚深般若孰不得名觀自在哉受想行識亦復如是者以前色法屬四大不離此受想行識心法故也以色法四大既空受想行識心法亦空以此身心二法兩俱空故無明始破得以無明破故始說色心不二空有同源者矣然而色心不二空有同源故於是則知性相一本心佛衆生二無差別是以衆生即五陰得解脫心離五陰無般若佛異五陰無法身以故即性之相說名法身即相之性所謂般若非性非相良爲解脫者矣故龍樹所謂因緣所生法我說即是無亦爲是假名亦是中道義未曾有一法不從因緣生是故一切法無不是空者而已

史五

十五

舉此蘊空一法即內之根身外之器界情與無情世出世間十法界俱該之矣果如此判當下所有豈不盡屬無生法哉故云諸法不自生亦不從他生不共不無因是故知無生葛藤已竟

上堂舉拂子云汝等會得者個麼若會得者個了汝等即對境時又何勞動念當無緣時亦安用生心即有境界無境界豈吾等心中分外事耶所以任吾忙也得閒也得動也得靜也得生也得卧也得出入也得不出入也得遇豐盈便受用些也得遇貧寒便淡薄些也得苦也得樂也得生也得死也得迷也得悟也得病也得不病也得任他說我是也得任他說我非也得讚歎我也得毀辱我也得利我也得損我也得呼我作牛也得喚我作

馬也得喚吾做奴也得喚吾做郎也得說吾好也得說吾歹也得忌我長也得忌我短也得總不出我如如一念之中矣如如之外吾不能入矣忽有報曰有客至相謁師急速唱曰哩蓮華蓮華落下座

通識沙彌請益永嘉奢摩地恰恰用心時恰恰無心用四句偈語師云略言四句總不出正用心時無心可用不妨無心用處正是用心而已庶使詳而釋之恰恰二字正是心不外緣切於本分位中用心時是初句也又切

史五

十六

於本分位中實無心可用是次句也又無心用處正切於本分位中事是三句也又但常自檢點得切於本分位中實無有用力處是四句也若據懶融禪師所註曲談名相勞直說無繁重今說無心處不與有心殊四句語

表裏極爲暗合但今人果於恰恰二字切於本分位中用力時實無心可用爲以本分位中之故正如以水投水則不見有水之用以火赴火則不見有火之用以空合空則不見有空之用矣又如人凡用力持則莫先於手以手自爲無可施設爲以本分故則不須執捉既不須執捉則無手之用矣且如心若外緣則爲不本分處喻手能執捉種種器械等物則有手之用矣又如以空投之於室則有室之用投之於器則有器之用又如以火投之於寒則能熱投之於生則能熟投之於濕則能乾便有火之用矣又如以水投之於燥則能潤投之於聚則能流投之於火則能息便有水之用矣蓋吾心於本分位中實無有可爲處然於不本分位上既逐於外則靡所

十五

十七

不爲者由此致耳故華嚴偈云若人欲了知三世一切佛應觀法界性一切唯心造據法界有十法界四聖六凡是也如此則世出世間法善惡因緣果報等悉該之矣然於本分不本分實吾儕心性本徑路頭不可不究也不可不知也故云認得心性時可說不思議即達磨大師自西乾航海而至此土只說直指人心見性成佛由心本無爲性本無作不是教人要安排造作而始得者只緣人人本具個個不無不用借人氣力故無他蓋從無始積劫以來被昏沉汨沒在六道輪迴生死海中終年終月終日終時念念馳逐塵勞雜亂妄想中未曾休歇暫肯迴光返照得一照耳但吾心切於本分位中不向外緣於法法亦不緣於吾心矣心法既不相緣即當處便

是解脫境智自然俱寂則得法界平等清淨
不動真如自心境界現前如爾輩還曾覩見
麼若到者裏說什麼內之根身外之器界情
與無情自共合之爲一體矣始可謂攬長河
爲酥酪變大地作黃金更可謂若人識得心
大地無寸土耳果如此用心則不辜汝來問
珍重

臘八日光祿大夫徹如吳公設供上堂曰夜
來釋迦佛成道天明個個食香糜今朝直不
是昨日試問諸人知不知震威一喝云者釋
迦老子慣要取小便宜自私自利得少爲足
何不再礙一時待他東方太陽出時令他光
明照四天下使大地人門開戶啟人人得見
個個共知有何不可即到此地亦不爲遲務
須要鑒在機先一著子正儒門所謂見莫見

乎隱顯莫顯乎微纔覩明星出時便自見得
悟得了也試問現前大眾正恁麼時太陽當
晝日輪在天頂心頭上爲什麼汝等個個坐
在黑瞳瞳處咦只爲分明極反令所見遲下
座云諸大德須知今日所設香糜非是當初
牧女遺下底蓋係光祿大夫徹如吳公大功
德主信心中流出來也仰勞大眾同音念個
晝吉祥夜吉祥晝夜六時恒吉祥一切時中
吉祥者

通照沙彌請益法華經中是法住法位世間
相常住偈語老僧曰即舉世間眼見金木水
火土五行之法略釋可矣如劫初金色屬黃
其性唯堅校之于今金其相其性皆變而不
同便爲不住法位今古既已有殊便屬之無
常法矣法且無常豈能久住世哉以今金校

劫初之金其色其性未嘗有一毫變異故云
是法住法位世間相常住耳又如劫初木性
唯直其外枝葉唯青唯綠其內色本白即校
之于今木其性其相一無有異豈不能久住
世哉水火土相性等亦如是校釋然而有生
滅法即屬之無常無生滅法即屬之常即如
五穀種子等雖生生不已以其色相古今無
有變異以生即無生又以古今相續未嘗斷
故而色相亦無有異所以爲不滅耳然無常
離常別有無常者以有異故是真無常矣以
無常離常無無常故由是不異常亦離無常
無真常矣於是知常即無常無常即常故如
來云諸佛兩足尊知法常無性佛種從緣起
是故說一乘是法住法位世間相常住於道
場知已導師方便說有二乘三乘法耳

有客會師不契以書達之云云不已其訖曰
古云一言重于九鼎其和尚之言也夫敢不
三薰三沐稽首而受之容請大教先怖愚衷
幸亮師以書復之曰未得書先已信與居士
眉毛斯結得書讀之始知居士一足尚在門
外奈何又來書云普天之下道無不在請問
向何處分門內又向何處分門外耶師復曰
幸居士從信門入又書云信爲道源功德母
信能長養諸善根已得之矣已得之矣異日
面問六祖無念爲宗如何師曰不以念爲念
念即無念六祖無念原於此問老師有念否
答有因公問須用起念答曰若無問時如何
答念無覓處曰某平時多念奈何師曰若以
無念爲無念無念亦是念公之多念由茲生
問世間滿目萬續紛擾在悟底人未悟底人

分上如何分別師曰貧道無閒工夫曰老師在何處著忙耶師默然不應良久又問色空不二如何師曰如吾所謂世相本空俱無自性以世相無自性故當體即是本空以本空亦無自性故通身是個世相公會得否客曰

史五

二十

曉得師曰公若曉得我已說竟矣然問既無根答處亦何曾究竟別更有問色空不二如何理會師又答曰不以色爲色色即非色所以云色不異空不以空爲空空即非空所以云空不異色耳然離色則何以見空故曰色即是空且去空則令色無以顯故曰空即是色矣蓋色空本來一體因人妄計有色有空世人殊未知色空都盧是我一個真心即真心名原無自性如此則了矣亦無覓處咄一聲曰纔說到者裡汝等休瞌睡去

或有非師前刻中應無所住而生其心之生字作醒字看最好謂是看錯了者師聞之曰可以一笑余蓋無他第恐今人住著色聲香味觸法上生心動念故爾非是特地改他大乘經義也若今人果于色聲香味觸法上無一毫住著念時即當下觸目無非總是清淨景象現前矣又烏用生心動念余恐而生生字例前生字作一樣看耳故所謂此生字作醒字看最好也試問大德于此處還會醒得一醒也未倘爾未曾夢得請莫向背地裏說瞎話無益不中用自生障礙欺人自欺纔要非彼先察其已三思再斯可行可止

史五

三

嘉湖圓觀圓覺圓始圓妙四人來參至晚室中師問盡十方世界是一個靈知汝諸人還會得麼觀云會得師云既會得就該悟了觀

無語又問如何是有爲法如何是無爲法觀云緣生即有爲了緣生無性即無爲師云老僧則不然以有爲爲有爲是有爲法不以有爲爲有爲是無爲法豈不是生即無生無生即生也又云飯籬裡有一人餓殺大海裡有一人渴殺有這等人麼觀云眼前皆是侍者進茶次覺云和尚喫茶不知冷熱師云你倒道著師又問如何是般若旨觀云般若即智慧智慧即真空乃至菩提涅槃一法千名應緣立號豈有二理哉師云因甚不會生即無生有爲即無爲耶觀云生即無生教某甲會個什麼師云還未究竟觀云亦不必究竟師云汝全身擔荷去也觀禮三拜覺亦作女人拜而出觀呈偈云無生豈有意開口薦面啐笑殺須菩提天花都很藉覺呈偈云一切法

無生皆依幻所立幻本無幻因誰起復誰滅始問常不輕菩薩見性否師云見然爾有悟即得識他始云有悟門否師云見即性性即見你作麼生見始無語師乃舉龐公云難難難十石油麻樹上攤婆云易易易百草頭上祖師意靈昭女作個解交云也不難也不易饑來喫飯困來睡於此便會得有甚悟與不悟始云若然則無佛無衆生亦無善無惡耶師云汝且截斷兩頭語再問看始禮拜師云不要磕破老僧額角始云難難難自他不隔

史五

三

一毫端覺云易易易千聖何曾認得渠始云也不難也不易直得南北不分東西不辯師喝云教汝截斷兩頭得個入處如何又扯葛藤始云教某無下手處師云去始竟出呈偈云夜夜上床眠朝朝還下地板響喫粥了隨

衆禮佛去圓觀問昔有僧問耆宿如何是佛
宿云新婦騎驢阿家牽如此語中具三玄三
要否師云不具此中若具三玄三要汝何便
不會得觀云未審如何語始具得三玄三要
師云阿家牽驢新婦騎圓妙問天地一指萬
物一馬何謂耶師云亦可作大小相容一多
無礙會若在張三便是張三底天地以天地
中亦具著張三若在李四便是李四底天地
在天地中亦該著李四以萬物例此可知所
以謂天地一指也萬物一馬也

無擇某上座至叅禮拜起師問汝從何來某
曰從天台來師云汝叅過何人來云特來禮
拜和尚師云禮拜求何事云更無餘事師曰
也不爲分外云應當得底師曰汝且歇息歇
息再與汝商量至晚入室禮畢師曰汝還知

卷五

三五

非麼云知非更有一個師曰汝不知纔發一
念要向這邊來時早錯了也云不發一念時
亦錯師曰爲我這邊無佛法向汝道故云也
知和尚無法與人師喝一聲云喝得我魄散
魂消師叱之曰這磨嘴種子有什麼了時竟
倒其藤拂帚柄連打數十下不已某再拜云
請和尚息怒師氣急曰汝還知達磨當時曾
帶個什麼物到此來云知和尚底大用師叱
出去某擬之師曰伶俐漢一撥便轉某始出
某至明晨入云今日禮拜了和尚還轉天台
去師曰汝若迴光返照時色色現成頭頭具
足更不欠少些些某走出云只肯和尚收不
肯和尚放師喚侍者取一册性住釋與伊云
駁語韻語各與一册
師一日上堂授戒雲集衆師喚圓悟闍黎上

前來悟出上前師曰汝從戊申年離此至浙江諸方叅訪已歷已酉庚戌三載來矣遂整起拂子云且如浙江諸方還有這個麼悟上前突然一喝師曰好一喝只是汝不知落處悟又連喝兩喝師曰再試喝一喝看悟退身出法堂休去師付戒畢下座歸方丈悟上方丈禮三拜云方纔失錯觸忤和尚徑出師喚侍者云適來只合還他一喝今且放他過去教書記寫個帖子著他充補西堂位次却悟遲遲默而禮謝竟弗辭

年三十晚諸徒上方丈辭歲師即走入法堂以手格之曰汝等且住待我覓個站足之處好受你們底禮拜吾聞古人云非是離了真如之地別有個立處以立處即真如之地耳我需要覓個無真如處纔好站立乃繞法堂

世五

三四

旋走使衆徒繞處亂拜遂止之曰我若站住了要受你們底禮拜又是認真著相處設爾不然是則老僧似沒有立地處矣且在汝等切不得便恁麼放過去了始不負又過去個三十晚也

歲朝上堂拈香云此一瓣香祝延今上皇帝聖躬萬歲萬歲萬歲云云師曰年年辭舊節歲歲賀新年說與現前衆兄弟纔入新正便不然山僧且無第二語第一今年好種田急著力莫啾煎四季飯米總不欠鼻孔都來少半邊嘆新年頭幸無事各人喫了飯大家圍爐檢點去下座入佛殿禮佛

上堂師云衆兄弟若其真實要作個本色道人須是牢籠不肯住呼喚不回頭方可直得上無佛道可成下無衆生可度向高高山頂

立深深海底行轉轉活潑潑底在這邊無妨在那邊不礙循時使得十二時不被十二時之所管轄如此則方得自由於那事始有相親分若不恁麼便不相應也有時向糞掃堆頭拈起一莖草作丈六金身用有時把丈

丈五

丈五

六金身作一莖草用任老僧行亦得住亦得坐亦得卧亦得無不可者咄遂竖起拂子曰還見者個麼唯此一事實餘二則非真擲拂子乃下座

師晚年觸事而應道無不在偶緣惠智二徒參差爭競三載以來紛紛莫能解息者三告彼公廨主政莫可決師呼二徒至其前舉古因緣從容論之曰具足凡夫法凡夫不知具足聖人法聖人不會聖人若會即同凡夫凡夫若知即是聖人因會而頌之曰所謂具足

凡夫法凡夫不知者嫉智非智癡不知癡但能自反知癡不癡然而則爲智矣所以云不怕無明起惟恐覺照遲者豈非凡夫若知即是聖人歟所謂具足聖人法聖人不會者智不自智自智非智若能自反不以巧爲巧大巧若拙不以智爲智大智如愚故所以和光混俗與世同波者豈非是聖人若會即同凡夫也大約聖凡一本愚智同源若悟其旨當下可以息紛二徒因之悟入再拜而進矣

浙江則菴儀九如觀同覺玄璣吳居士來參禮畢師曰老僧晚年氣衰力弱不能多語汝等但不要繁瑣我也不教汝等要做工夫也不教汝等要看話頭但教汝等不要認著識神作主事了迴觀三千大千世界乃至中間無有少法可得與汝等爲冤爲讐爲敵爲對

只是汝等不自悟耳汝等倘信得極當下便
悟得自心了反觀目前山河大地何有寸土
哉若果如此則此生即是無生無生便是生
耳此知即是無知無知便是知矣但試肯恁
麼直下會去若不悟老僧把頭與你們做尿

三三

三六

證去

有客舉僧問雲門如何是諸佛出身處門云
東山水上行老師如何會師曰無孔笛没人
解吹客曰今學人試問和尚得否師曰得客
云如何是諸佛出身處師曰西河火裏坐此
乃從上沒絃琴汝還解彈否云學人不能師
曰幸爾弗得欺侮老僧去
有僧問世相本空俱無自性旨何謂也師曰
余初無他由從本已來色心不二空有同源
中得個入處非有異旨也以世相無自性故

當體即是本空以本空亦無自性故通身是
個世相以世相本空從來一體非有二道故
也故云色不異空空不異色耳若除世相外
別有個本空除本空外別有個世相者便屬
異道矣以世相外無別本空以本空外無別
世相故故云色即是空空即是色耳今時人
不悟者無他只是錯認著識神做了個主宰
不得悟耳正所謂喚奴作郎認賊為子以致
生死未了者此也豈知從本以來色心不二
者以色性即知故說名智身以知性即色故
說名法身者是也然豈離吾心外別有個色
相即離色相外更別有個自心耶故云知即
無知無知即知又豈是兩個耶然生與無生
亦止是一個耳其語訛只在無明未破所以
為顛倒不悟處且截斷葛藤

三五

三六

末後偈并語

生既不生滅亦不滅觸處死然本來空寂
昔本無來今亦無去唯此一靈湛然常住
彼見無常是苦我以寂滅爲樂只者自在安
閒豈爲生死所縛

從他地轉天翻誰動者些寥廓直得越古超
今我更無他冥冥

智也哉非智也哉以吾知之不可盡故詎世
間無知得爲盡哉以世間無知既不可盡特
可爲決去其知哉唯世間無知以吾知爲病
務欲分爲兩個盡力決去而不知終不可決
設爾可決則知不爲知即無知亦復不得名
無知矣以無知爲對吾知有故果無知若此
則烏得移名曰智哉殊未會吾知乃無知之
本無知乃吾知之本本來一體竟不可分別

故云知即無知無知即知矣然而豈得知自
爲知無知自爲無知也哉倘如此識破病根
孰不得名爲智也哉

然有知我生生不已將謂有生已者而不知
乃有無生者存然既有無生生終不已然無
生實無無生者安知有生者在既有生者在
安又得無無生者由是無生者亦復得不無
之於是知生生終不可了今夫有懼死者而
且不懼生者何蓋由彼知生而未悟夫無生
由彼懼死而未悟夫未嘗死耳果得一悟夫

豈

天

未嘗生而未嘗死要須個假寐之人今余夢
客安得又遇個假寐主人相與重說一夢哉

入塔語

盡十方世界是個無縫塔又向何所在覓入
處出處因人妄計有出有入耳今日不管是

張三底骨襯也不管是李四底骨襯也不管
是徐五底謝八底舉拄杖指塔門敲曰總爲
我拈來都放在這裏安置忽憶釋迦老子云
我觀三千大千世界乃至中間無有如芥子
許地不是我捨身命處喫將此深心奉塵刹
是則名爲報佛恩

龍池幻有禪師語錄卷之五

音釋

杓虛嚴切音 碎五割切音薛 攤他丹切音
蒼蘇屬 語相呵拒也 攤攤開也
麻居監切音 襯初觀切音 襯近身衣 噴延
解公麻也 也取名於觀近尸也 噴知
呼曰噴

三五

三九

龍池幻有禪師語錄卷之六

史六

門人圓悟圓修等編

舉古

舉九峰勸石霜首座休去歇去云云明什麼邊事乃至首座脫去師云惜哉可謂食到嘴

史六

邊不解喫恰被個九峰傍不肯撥却是可忍耶幸自往日畜得個脫身計子乃曰裝香來我若不會先師意香烟起處脫去不得若將一幅布遮却走開去了不然即百衆人前甘自忍饑將臉孔着在何處可奈九峰又放伊不過毒心務要送伊上路使彼轉來不得道坐脫立亡即不無會先師意未任師舉拂子左右顧視問衆中有會先師意者麼良久曰即覓個坐脫立亡人也不得爭奈老僧生不在當時若作首座見九峰舉休去歇去以至

明什麼邊事但只消輕輕豎起拳頭道止明得這箇饒他九峰縱有無窮伎倆也使不得未免一場懣懣隱忍而退雖然如是衆兄弟老僧今日也是路見不平直饒如此判斷去還救得當時首座活麼擲拂子云路遙知馬力日久見人心下座

舉仰山問僧甚處來僧云幽州山云我恰要幽州信幽州米作麼價僧云某甲無端從他市橋上過踏折他橋梁

師云仰山可謂有頭無尾打初既與他索幽州信見說踏折他橋梁只恐連累及伊恰似閃開一邊去了再不見伊側聲何也幸後得保寧勇走出來代伊云放你三十棒做個解交不然却是一場懣懣不免遭人齒頰

舉王常侍與臨濟至僧堂乃問這一堂僧還看經也無濟云不看經還習禪也無濟云不習禪侍云經又不看禪又不習究竟作什麼濟云總教成佛作祖去侍云金屑雖貴落眼成翳濟云我將謂你是個俗漢

史六

二

師云臨濟若無後語門風幾被伊抹却然看王常侍勘米和尚也算是家裏人

舉婺州新建禪師一生不畜沙彌有座主云上座年尊何不討箇沙彌侍奉州云若有眼暗耳聾口瘞底爲我討一個來主無對

師云若只要這三個沙彌某甲從來畜得俱全爭奈上座年深隔別了縱有也奉侍不及奈何纔有僧出擬開口問師便與一擲云退去纔不聞縱有也奉侍不及

舉筠州末山尼了然因灌溪到問如何是末

山尼云不露頂溪云如何是末山尼云非男女相溪乃喝云何不變去尼云不是神不是鬼變個什麼

師云觀這尼子兩種答話前後有旨只被灌溪喝曰何不變去便伏手伏脚展轉不

得乃云乃云可見未離本色難得超脫若是向某甲道何不變去便還他劈臉一擲直令灌溪眼裏流星迸出認我不得可不光前絕後

史六

三

舉關南道吾和尚每執木劒橫在肩上作舞僧問手中劒甚處得來吾遂擲於地僧却置吾手中吾云甚處得來僧無對吾云容汝三日下取一轉語僧亦無對吾乃拈劒肩上升舞云恁麼始得

師云元來木劒也好殺人何也不見這僧

曾遭道吾一劍其限奚止三日直至而今
未見伊透氣信矣這僧若是作家纔見伊
擲劍在地便拈起置肩上也作舞一出待
道吾反問你這劍從何處得來但擲於地
掉轉頭來擺手便行有何不可

舉僧問靈雲佛未出世時如何雲豎起拂子
僧云出世後如何雲亦豎起拂子僧不肯後
到雪峰峰問甚處來僧云靈雲來峰云有何
言句僧舉前話峰云你肯他麼僧云不肯峰
云你問我與你道僧云佛未出世時如何峰
豎起拂子僧云出世後如何峰放下拂子僧
禮拜峰便打僧後到立沙舉前話沙問你怎
生會僧云不會沙云我與你作個譬喻如人
賣一片園東西四至結契總了也中心有個
樹子猶屬我在

師云可惜者僧休言不認得那兩個拂子
即自己一個不肯尚不解使若解使直須
使教到底管教有棒也打不着伊以不解
使故更休論佛出世不出世即者三個老
和尚也不曾識得可謂遇而不遇者矣

舉洪州米領和尚垂語云莫過於此時有僧
問未審是什麼莫過於此州云不出是其僧
後問長慶為什麼不出是慶云汝擬喚作什
麼

師云若恁麼教人却似沾粘費力不若百

矣

丈上堂見大眾纔集以拄杖趁散復召云
大眾衆回首乃曰是什麼若於此會得何
等輕快何等省力

舉三聖示衆云我逢人即出出即不爲人便
下座興化云我即不然逢人即不出出即便

爲人

師云這兩個水牯牛只好將來一串穿却不然便要各自分疆立界去也然不識逢底又是甚人所爲底又是甚人也好將來一串穿却直教伊爲也沒得爲說也說不

出去

舉仁王評禪師問首山如何是佛法大意山便喝評便禮拜山拈棒評云和尚勿世界那山擲下棒云明眼人難瞞評云草賊大敗舉三交嵩禪師問僧甚處來僧云潞府嵩云潞府米作麼價僧云和尚試道看嵩云不解作客勞煩主人庫下喫茶去

舉石門蘊聰禪師到太陽和尚處陽問近離甚處門云襄州陽云作麼生是不隔底句門云和尚住持不易陽云且坐喫茶門便衆

史六

五

去侍者問和尚適來新到祇對和尚住持不易和尚爲甚教且坐喫茶陽云我獻他新羅附子他酬我舶上茴香你自去問他有語在侍者請契茶問師意旨如何門云真金不博

鎗

師云這二三因緣皆會得主賓之句便見應酬交接處自然各適其宜兩不相傷凡在叅學不可不知也

舉仰山問僧近離甚處僧云廬山山云曾到五老峰麼僧云不曾到山云闍黎不曾遊山師云你看這兩家作賓則始終賓作主則始終主各具殺活之機俱有出身之路休言未見伊交鋒犯手處有個輸贏正所謂路逢劍客須呈劍不是詩人不語詩若謂這僧休去便見者非也

舉仰山問僧近離甚處僧云向南師云便好與二十棒山拈拄杖云彼中還說這個麼僧云不說山云不說這個還說那個麼僧云不說山召大德叅堂去僧便去師云也不差山復召僧應諾師云將謂將謂山云近前來僧近前山便打師云元來元來

師一日與客對坐語及仰山因大瀉問大地衆生業識茫茫無本可據子作麼生知他有之與無山云某甲有驗處時有一僧從面前過山召云闍黎其僧回首山云和尚者個便是業識茫茫無本可據瀉山云此是獅子一滴乳迸散六斛驢乳因言至此忽有行僧亦從面前走過師喚之再三不應悄悄掐米了向厨去矣師隨後令侍者喚此僧來面責云喚你不應何也僧云和尚蓋不知下情堂中

史六

六

客人坐了要飯喫爐上水滾了立等米下鍋豈有餘工幹別事耶師轉面對客笑云此便是業識茫茫有本可據者乃曰去我不置你在驢乳亦足矣舉鼓山示衆云鼓山門下不得咳嗽時有僧便咳嗽一聲山云作麼僧云傷寒山云傷寒即得

師云觀鼓山却似說真方賣假藥底太醫雖是一期將錯就錯見機而作由是則知伊後來法道終不能行若是個明經太醫不管伊有病無病都與他一帖平胃散喫庶恩無浪費令不徒張行矣故遭琅邪覺曰雷聲甚大雨點全無不有愧乎舉陳尊宿因秀才相看云會二十四家書宿以拄杖空中點一點云會麼秀才罔措宿云

骨最後慧可禮拜了依位而立磨曰汝得吾髓或曰達磨大師來此土走一迴既去却把一身皮肉骨髓盡情折散都分付與人矣獨留個心肝五臟恰似捨不得幻有云殊不知打初來見梁武帝時早挖出矣即如梁武帝問如何是聖諦第一義大師曰廓然無聖這赤心片片汝等還見麼又問對朕者誰磨云不識此果是大師不識耶梁武帝不識耶武帝當時便識得達磨務要逞神通踏蘆作麼舉善住天子而白文殊可共俱往如來之所咨受未聞亦同此時如法問難文殊云爾莫分別取着如來天子云如來今在何所令我莫着文殊云祇在目前天子云若如是者我何不見文殊云爾若一切不見是名真見如來天子云若見在前云何戒我莫取着如來

文殊云爾今見前何有天子云有虛空界文殊云如來者虛空界是故虛空界者即是如來此中無有一物可分別者

師云金剛般若又道如來者即諸法如義如來者無所從來亦無所去故名如來此却謂虛空界是又謂如來法身不墮諸數安得如來之義乃有多體是知多體非如來身然一體亦非如來身一多既非而無非如來者僧乃問然則如何是如來耶師即拊掌唱曰哩蓮花蓮花落便休

舉世尊因自恣日文殊三處過夏迦葉欲白椎擯去纔拈椎乃見百千萬億文殊迦葉盡其神力推不能舉世尊遂問迦葉汝擬擯那個文殊迦葉無對

師云文殊當時大殺神通迦葉奈何局於

淨水主事云不識觸淨淨水也不肯受謙下
床拈起淨瓶云這箇是觸是淨主事無語謙
乃撲破淨瓶

師云明謙兩眼放光爍破四天下會人何
多奈無一人酬價何也總不如撲破這淨
瓶

舉雪峰領二百衆到浮江和尚處問寄院過
夏得也無江將拄杖畫地一下云着不得即
道峰無語

師云但雪峰當時只消輕輕道也知和尚
慈悲復召大衆任意取挂搭直教浮江當
褊衫賣布袴也推不開去

舉西域異見王問波羅提曰何者是佛答曰
見性是佛王曰師見性否答曰我見佛性王
曰性在何處答曰性在作用王曰是何作用

文六

我今不見答曰今見作用王自不見王曰於
我有否答曰王若作用無有不是王若不用
體自難見王曰若當用時幾處出現當爲我
說波羅提即說偈曰在胎爲身處世名人在
眼曰見在耳曰聞在鼻辨香在舌談論在手
執捉在足運奔徧現俱該沙界收攝在一微
塵識者知是佛性不識喚作精魂王聞偈已
心即開悟師云愈病不假驢駝藥知音何用
別彈琴

舉達磨於此土化緣既畢欲返西竺命門人

史六

九

曰盍各言所得乎道副曰如我所見不執文
字不離文字而爲道用磨曰汝得吾皮尼總
持曰我今所解如慶喜見阿閼佛國一見更
不再見磨曰汝得吾肉道育曰四大本空五
蘊非有而我見處無一法可得磨曰汝得吾

八

骨最後慧可禮拜了依位而立磨曰汝得吾髓或曰達磨大師來此土走一迴既去却把一身皮肉骨髓盡情折散都分付與人矣獨留個心肝五臟恰似捨不得幻有云殊不知打初來見梁武帝時早挖出矣即如梁武帝問如何是聖諦第一義大師曰廓然無聖這赤心片片汝等還見麼又問對朕者誰磨云不識此果是大師不識耶梁武帝不識耶武帝當時便識得達磨務要逞神通踏蘆作麼舉善住天子而白文殊可共俱往如來之所咨受未聞亦同此時如法問難文殊云爾莫分別取着如來天子云如來今在何所令我莫着文殊云祇在目前天子云若如是者我何不見文殊云爾若一切不見是名真見如來天子云若見在前云何戒我莫取着如來

文殊云爾今見前何有天子云有虛空界文殊云如來者虛空界是故虛空界者即是如來此中無有一物可分別者

師云金剛般若又道如來者即諸法如義如來者無所從來亦無所去故名如來此却謂虛空界是又謂如來法身不墮諸數安得如來之義乃有多體是知多體非如來身然一體亦非如來身一多既非而無非如來者僧乃問然則如何是如來耶師即拊掌唱曰哩蓮花蓮花落便休

舉世尊因自恣日文殊三處過夏迦葉欲白椎擯去纔拈椎乃見百千萬億文殊迦葉盡其神力推不能舉世尊遂問迦葉汝擬擯那個文殊迦葉無對

師云文殊當時太殺神通迦葉奈何局於

智短若作迦葉應把黃面老子先須擯却
何也豈不聞來說是非者便是是非人

舉趙州從諗禪師問南泉離四句絕百非請
師道泉便下座歸方丈州云這老漢尋常口
吧吧地今日被我一問直得無言可對侍者
云莫道和尚無語好州便與一擗云這一擗
合是王老師吃

師云若恁麼意似未圓何不再與一擗云
這一擗合是從諗吃好

舉因紫璘供奉擬註思益經忠國師乃問大
德凡註經須會佛意始得供奉云若不會佛
意爭解註得國師令侍者盛一椀水着七粒
米在水中椀面安一隻筍乃問這個是什麼
義供奉無語國師云老僧意尚不會豈況佛
意爭能註得經

史六

十一

師云莫謂紫璘供奉不識此意即如佛來
也不解國師所設是何意耶偶然幻有一
見便會得元來總是一個非難意

舉肅宗問忠國師如何是十身調御師乃起
立曰會麼曰不會師曰與老僧過淨瓶來趙
州侍者一日報云大王來也趙州即合掌曰
大王萬福侍者云未到在趙州曰又道來也
師舉畢即喚侍者分付云你去爲我覓兩
個土工帶取鋤頭鋤子來山門前挖個坑
子者云作麼師曰爲我將這兩個老和尚
做一坑埋却會麼者云不會師以手合掌
曰老僧罪過

舉僧問徑山欽如何是道師云山上有鯉魚
水底有蓬塵此等之語不唯超脫新奇抑且
爲啟悟標格見道法幢者也適有僧問幻有

如何是道但以成言答曰理無曲斷車不橫推便了又論什麼巧拙

舉僧問破竈墮如何是脩善行人墮曰捻槍帶甲問如何是作惡行人墮曰修禪入定僧曰某甲淺機請師直指師着語曰這麼懵懂墮曰汝問我惡惡不從善汝問我善善不從惡良久曰會麼云不會師着語曰却校些子墮曰惡人無善念善人無惡心所以道善惡如浮雲俱無起滅處僧於言下大悟師着語曰入地獄如箭

舉二十四祖師子尊者因罽賓國王秉劍於前云師得蘊空不祖云已得蘊空王云既得蘊空離生死不祖云已離生死王云既離生死就師乞頭得不祖云身非我有豈況於頭王便斬之白乳涌高數尺王臂自墮

史六

十二

師云你看罽賓國王豈不審細豈不義勇既拔劍了却也罷休不得祇是師子尊者還不丈夫還不性快直要教罽賓國王站立等待多時了以致兩臂皆爲墮落何不再礙一時待教國王兩臂先墮了要斬也斬不成免致後輩兒孫紛紛議論不息亦好事若作師子纔聞問師得蘊空不但云要頭便斬將去問什麼蘊空不蘊空偶語至此忽打噴嚏云某甲今日話多了又冒風矣

舉寶誌和尚云終日拈香擇火不知身是道場玄沙云真個道場昭覺勤云終日拈香擇火不知拈香擇火

師云老僧晚年無餘事終日祇是拈香擇火

舉南岳慧思和尚因誌公令人傳語云何不
下山教化衆生目視雲漢作麼思云三世諸
佛被我一口吞盡何處更有衆生可教化

師云若作誌公更須令人傳語謝大師度

生已畢

史

主

舉僧問歸宗如何是佛宗曰我向汝道汝還
信否僧云和尚誠言何敢不信宗曰即汝便
是僧云如何保任宗曰一翳在目空花亂墜
又子湖嘗於中夜僧堂前叫云有賊有賊大
衆俱被驚有一僧從僧堂內出被子湖把住
曰捉得也捉得也其僧急出救云不是某甲
不是某甲子湖輕輕托開曰是即是只是你
不肯承當師舉了曰你看這兩個老和尚捺
硬教人曲垂方便宛如按牛頭喫草相似雖
然這二僧若果肯承當得則佛與衆生有甚

分別處山僧如今即不然若有僧來問如何
是佛山僧反問伊你還識衆生麼若言識山
僧但曰如水投水若言不識山僧更曰似空
合空良久云即如山僧今日捺硬比前二老
和尚還有優劣麼汝等有暇時試檢點看莫
言不曾道破珍重

舉世尊在靈山會上拈花示衆是時衆皆默
然唯迦葉尊者破顏微笑世尊云吾有正法
眼藏涅槃妙心實相無相微妙法門不立文
字教外別傳付囑摩訶迦葉

師云迦葉尊者雖向世尊拈花處領略得
猶是鈍漢已落在有傳有受了也纔有傳
受便知有限故世尊座下人天百萬祇得
迦葉一人有已而今天下叢林尚乃烘烘
烈烈仍至腰包杖策南天台北五臺參求

知識訪慕明師負決烈之志務要究取單傳直指之道每見其難何也蓋只緣汝輩祇是依草附木向他有傳有受處覓轉見其難不能會得而未肯發個丈夫志氣別立生涯且向那世尊未拈花已前薦得這

去

去

一着從古以來也未曾有人傳也未曾有人受也未曾有人得也未曾有人不得既然如此還有個信驗處麼我試問汝輩打初從父母胞胎出來有此一個肉丸子堪堪長大了便知饑知飽知寒知熱有手便會執捉運用有足便會奔馳蹈舞有口便解喫飯說話有眼便能看人看物有耳便解音響有鼻便識香臭解入息出息乃至會局會尿幾多種種神通妙用盡情都與汝輩說破了我止留得者向上一着子未

與汝輩道在且待下次上座着珍重

舉世尊一日示隨色摩尼珠問五方天王此珠而作何色時五方天王互說異色世尊復藏珠入袖却擡手云此珠作何色天王云佛手中無珠何處有色世尊嘆云汝何迷倒之甚吾將世珠示之便各強說有青黃赤白吾將真珠示之便總不知時五方天王悉皆悟道

師云咄這黃面老子拈東捉西說真說假誘惑人未有了日然五方天王獨不向世

去

去

尊纔示珠處便悟道仁者見之謂之仁智者見之謂之智去直要待世尊將珠入袖了擡起手來纔悟去這鈍漢元來也祇悟得個鬼窟裡底若曰真悟未敢相保舉洞山聰代舜老夫答問古鏡未磨時如何

聽云此去漢陽不遠曰磨後如何聽云黃鶴樓前鸚鵡洲

師云老僧則不然有問古鏡未磨時如何曰有眼如盲磨後如何曰對境還迷且道洞山與老漢所答還有諍訛處麼有僧纔出擬舉老僧便喝云瞎瞎

舉古人道盡十方世界是沙門一隻眼且置之勿論即如古今乃聖乃賢及爾我一切高低人物在這個眼裏不在這個眼裏汝等各爲我一檢點看若有人檢點得諦當了我許汝更具一隻眼若檢點不決汝等不過總是循行數目底瞎漢穿衣喫飯底常流莫怪老僧造口業

舉古人謂具足凡夫法凡夫不知具足聖人法聖人不會聖人若會即同凡夫凡夫若知

即是聖人

師云老僧即不然凡夫具足聖人法凡夫不知聖人具足凡夫法聖人不會聖人若會則不有聖人凡夫若知則凡夫何在即如老僧如此折倒還有甄別麼喝一聲云路逢達道人莫將語默對下座

舉靈峰一日召備頭陀何不徧參去玄沙云達磨不來東土二祖不往西天師云大衆且道這兩個老漢還曾相遇也無若道不曾相遇則教外別傳之旨阿誰授受也老僧不然達磨既來東土二祖却往西天佛法本來周徧幾人相繼綿綿

舉棗山仁師上堂未至禪床謂衆曰不負平生眼目致個問訊來還有麼方乃陞堂坐時有僧出禮拜山曰不負我且從大衆何也便

歸方丈翌日有別僧請辯前語意旨如何山
曰齋時有飯與汝喫夜後有床與汝眠一向
煎迫我作什麼僧禮拜山曰苦苦僧曰請師
直指山乃垂足曰舒縮一任老僧

師曰疎山老漢可謂慈悲太殺爭奈不遇
其人忽聞門外狗咬聲師急索曰快開門
看有甚祖師來也倘是中下之機且緩緩
開門我今勞倦歇去

舉僧問翠微如何是大乘微云車索如何是
小乘微云錢貫問如何是清平家風微云一
斗麵作三個蒸餅問如何是禪答胡獼上樹
尾連顛問如何是有漏微云笊籬如何是無
漏微云木杓問覲面相呈時如何微云分付
與典座

師云若恁麼說話且道還有佛法商量也

五六

十七

無若道有則烏張三黑李四牛挺尾巴驢
搖耳朶雞啼犬吠鵲噪鴉鳴皆可商量若
道無則啼得血流無用處不如緘口過殘
春

拈古

僧問寶壽萬里無片雲時如何壽云青天也
須喫棒

師云寶壽則知盡法不管無民且如青天
果有喫棒分麼纔有僧走過師召闍黎僧
應諾師曰放汝三十棒只恁麼亦過矣

僧問首山虛心以何爲體山云老僧在汝脚
底僧曰和尚爲什麼在學人脚底山云知汝
是個瞎漢

師云不唯眼瞎兼又蠻憨然與三十棒校
此語瞎孰優

僧問三角謙和尚如何是佛謙云速禮三拜

師云好個悟頭爭奈此僧信未及何老僧不然待問如何是佛但曰即汝便是恁麼答還肯信麼信則歸家穩坐不信則任汝瞎撞去若造化好偶然撞着亦不可知

舉世尊纔生下一手指天一手指地周行七步目顧四方云天上天下唯我獨尊雲門偈云我當時若見一棒打殺與狗子契却圖天下太平

師云雲門當時可謂超卓極力矣觀此語何異掉棒打月雖未曾搆得月體造語抑且驚人然雖如是也祇具得一隻眼

錢唐鎮使在界上爲鎮將時問僧其或相契即留止宿一日因二僧至遂問近離甚處云江西馬大師處云馬師有甚方便僧云道即

心即佛便被揖出又有二僧到亦如前問僧云非心非佛亦被揖出不得止宿

師云這鎮使可謂兵權在手也只好勘驗一個半個行軍衲僧鼻孔未搆着在若有個衲僧但向伊云山僧特謁鎮使不求止宿敢乞相契耳待鎮將纔擬啟口拂袖便行使伊知我衲僧向上一路自別

睦州陳尊宿一日喚僧云大德僧回首州云擔板漢

師云老睦州着甚麼死惡不知者僧擔板

史六

大

來已三生六十劫矣管教你這一番喚他不回頭在

賓頭盧尊者因阿育王問承聞尊者親見佛來是不尊者以手策起眉毛良久云會麼王云不會者云阿耨達池龍王曾請佛齋吾是

時亦預其數

師云此個因緣前輩拈頌甚衆統要中有七八家文多不錄總似某甲則不然若作育王纔見以手策起眉毛但曰描看伊作麼生放下手來

矣

九

昔有座主念彌陀名號次小師遂喚和尚及其同顧小師不對如是數四座主叱之小師云和尚幾年喚他即得某甲纔喚便乃發惡師云這座主終日嘴喃喃地念得無個合殺却被個小師輕輕一觸直得冰消瓦解睦州示衆云裂開也在我捏聚也在我時有僧問如何是裂開州云三九二十七菩提涅槃真如解脫即心是佛我且與麼道你又作麼生僧云某甲不與麼道州云蓋子撲落地櫟子成七片

師云有誰逼拶你用如此着忙作麼

百靈和尚一日路次見龐居士乃問昔日南嶽得力句曾舉向人麼士云曾舉來靈曰舉向甚人士以手自指云龐公靈云直是妙德空生也讚之不及士却問百靈得力句是誰得知靈便戴笠子而去士云善爲道路靈一去更不回首

師云你看這兩個僧俗偶於路途覩面相逢直是作家不同尋常令人可觀可想然爭奈百靈獨被老龐的背一推推轉去了再也翻不過身來何

龐居士因賣竹漉籬下橋喫撲女子靈照一見亦去爺邊倒士云你作什麼女云見爺倒地某甲扶起

師云這女子無一毫用處祇堪靠父母喫

飯一生可惜熱大父親也只扶持伊不起
佛陀波利尊者游臺山到忻州見一老人問
向甚麼處去者云臺山禮文殊去老人云大
德見文殊還識不尊者無對

師云若作尊者但向前以手把住曰識不

矣

二十

識且置我問你是什麼人待伊說是張三
便與伊三拜若道是李四却還他一捆托

開云來說是非者定是是非人

僧問香嚴如何是道嚴云枯木裏龍吟僧云
不會嚴云觸體裏眼睛後有問石霜如何是
枯木裏龍吟霜云猶帶喜在如何是觸體裏
眼睛霜云猶帶識在又有問曹山如何是枯
木裏龍吟山云血脉不斷問如何是觸體裏
眼睛山云乾不盡問未審還有得聞者麼山
云盡大地未有一個不聞問未審龍吟是何

章句山云也不知是何章句聞者皆喪

別有神鼎

昭覺徑
山諸語

師云我見後來這一隊老凍儂都被伊兩
句語脉轉去不得自由山僧不然有僧問
如何是道但曰黃鶯樹上啼會麼云不會

更曰春去百花飛還會麼云不會更曰莫

待斷猿聲絕處不孤悽去也孤悽

福州雙峰和尚因仰山問師弟近日見處如
何峰云據某甲見處實無一法可當情仰云
汝解猶在境峰云某甲只如此師兄又如何

史六

三

仰云汝豈無能知無一法可當情者為山聞
云寂子一句疑殺天下人 為山詰云前箭
猶輕後箭深無限平人被陸沉 續東禪岳
云解弄不須霜刃劍延齡何必九還丹
師云我到你不到你要我不要只消這兩

句拈來恰好

霍山大禪佛景通禪師因到仰山前乃翹一足云西天二十八祖亦如是唐土六祖亦如是和尚亦如是某甲亦如是仰山下禪床打四藤條

師云仰山打四藤條也不是賞伊也不是罰伊只要教大禪佛疑着去呵呵大笑曰果然

元康和尚因謁石樓樓纔見便收足坐康云得與麼威儀周足樓云汝適來見什麼康云無端被人領過樓云是與麼始爲真見康云苦哉賺却幾人來樓便起身康云見即見已動即不動樓云盡力道不出定也康拊掌三下南泉願云天下人斷者兩個是非不得若斷得與他同參

師云老南泉不識好惡者兩個老和尚已似泥人與土人打關不休汝又驀頭加一瓢水做個解交令人轉見不堪雖然如伊三點不無優劣

舉僧問道吾無神通菩薩爲什麼踪跡難尋吾云同道者方知僧云和尚還知麼吾云不知僧云爲甚不知吾云去汝不會我語

師云老僧雖有些些神通只是沒有使處既使矣敢保也無踪跡可尋時有僧却問曰如何是和尚底神通師云恰爲汝尋着了也僧云和尚若爲相弄也師劈脊與一棒曰分明舉似諸方

保福在疾問僧我與你相識年深有何名方妙藥相救僧云藥方甚有聞說和尚不解忌口

師云始知保福初無異疾祇有些些口病耳若非這僧深知伊病源任至而今亦無人醫得伊口故雪竇顯云更用第二個人醫恐難爲和尚也

德山垂示云我先祖見處即不然這裏無佛無祖達磨是老臊胡釋迦是乾屎橛文殊普賢是擔屎漢等覺妙覺是破執凡夫菩提涅槃是繫驢橛十二分教是神鬼簿是拭瘡疣紙四果三賢初心十地是守古塚鬼自救不了雲門偈云讚佛讚祖須是德山老人始得琅邪覺云諸方若與麼會入地獄如箭射只如雲門與麼道也是入地獄如箭射

師云只如雲門琅邪二師所語所見若水火不合要且瞞幻有不得試問即今還有肯同商略者麼咦天共白雲曉水和明月

案

圭

流

玄沙一日見鼓山來乃作圓相示之山云人出這個不得沙云情知汝向驢胎馬腹裏作活計山云和尚又作麼生沙云人人出這個不得山云和尚與麼道却得某甲爲甚道不得沙云我得汝不得

師云玄沙未作圓相前有個長處人所未知既作圓相是其所短直令鼓山墮在此中至今還未出得致令玄沙自己亦未出得舉拂子召衆曰你看這兩個水牯牛旣同在這個圈續爲甚却道又有個得又有個不得不可不知也

玄沙上堂衆集遂將拄杖一時趁散却迴向侍者云我今日作得一解驗入地獄如箭射者云喜得和尚再復人身

師云玄沙雖是大有作略乘殺活劍驅遣自由將大衆一時嚇退也只虎頭蛇尾兩管鼻孔却被個小小侍者一把撐住了至今氣息不通

韶山見白頭因至乃云莫是多口白頭因麼因云不敢山云有多少口因云徧身是山云大小二事向甚處局因云向韶山口裏局山云有韶山口即得無韶山口向甚處局因無語山便打

師云這白頭因也只空白頭了況徒有多口之名被韶山問得猶趁狗逼牆相似若是個獅子兒掉轉頭來哮吼一聲饒他性命苟存直令伊大小二便平空裏嚇出使得時有僧出問曰設韶山問師有韶山口即得無韶山口向甚處局師又作麼生語

史六

古

未畢被師連打數掌叫喊曰打到幾時住師攝手云若似你這樣見解打殺也不爲分外正所謂有意氣時增意氣不風流處也風流

雪峰因僧辭問甚處去僧云禮拜徑山和尚去峰云徑山問你此間佛法如何你作麼生道僧云待問即道峰便打却回問鏡清云這僧過在甚處便喫棒清云問得徑山徹困也峰云徑山在浙中因甚問得徹困清云不見道遠問近對峰便休

師云一般米麵由人變造不同富足貧寒孰肯那長補短正可謂末後太過最初不足師舉拂子召衆云此間還有同甘苦識好惡具擇法眼衲僧麼夷一堂風冷淡千古意分明

龍池幻有禪師語錄卷之六

音釋

頰 吉協切音 舶 簿陌切音 白 挖 馬刮切音
莫面旁也 船 海中大船 幹 挽挖也
懣 懂 動切音 董 心亂也 獨 上杜谷切
奚切音 揀 于求切音 由 獨 下
觸 體 頂也 疣 贅也 結 肉也

三五

龍池幻有禪師語錄卷之七

史七

門人圓悟圓修等編

徵古

丹霞一日訪忠國師值睡次乃問侍者耽源

云國師在不者云在即在祇是不見客霞云

太深遠生者云莫道上座佛眼也覩不見霞

云龍生龍子鳳生鳳兒國師睡起侍者舉似

師乃打二十棒趯出丹霞聞之乃云不謬爲

南陽國師師云且休言侍者謂在即在祇

是不見客爲落節語即如丹霞云太深遠

生向這裏作麼生下得一轉語救取侍者

倘未知下落也恠丹霞不得護道龍生龍

子鳳生鳳兒去也

石鞏一日問西堂汝解捉得虛空麼堂云解

捉得曰作麼生捉堂以手撮空鞏曰作麼生

恁麼捉虛空堂曰師兄作麼生捉鞏把西堂

鼻孔拽忍痛云太殺拽人鼻孔直得脫去鞏

云直須恁麼捉虛空始得師徵云只如西

堂當時還識得鼻孔也未既識得如何却

又云直得脫去且如要脫去底端的是鼻

孔是虛空耶試檢點看

亮長老問北蘭讓禪師伏承師兄畫得先師

真暫請瞻禮讓以手擘眉開示之亮便禮拜

讓云莫禮莫禮亮云師兄錯也某甲不禮師

兄讓云汝禮先師真亮云因什麼教某甲莫

禮讓云何曾錯師云看這兩個長老又何

曾將錯就錯一個到底錯一個到底不錯

且檢點那個是錯那個是不錯

舉百丈一日普請鑊地次忽有一僧聞飯鼓

鳴舉起鑊頭大笑便歸丈云俊哉此是觀音

入理之門丈歸院乃喚其僧問適來見什麼道理便恁麼對云適來只聞鼓聲動歸喫飯去來丈乃笑又瀉山一日在法堂坐庫子擊木魚火頭擲却火抄拊掌大笑瀉云衆中也有恁麼人喚來問作麼生火頭云某甲不喫

史

二

粥肚饑所以喜歡瀉乃點頭 師舉罷召衆

云這兩僧歡喜處甚同其間還有得失麼不信但看這兩個老和尚笑處并點頭處一似賞伊一似罰伊汝等試檢點看不得草草放過

舉鏡清叅龍牙問如何是祖師意牙云與我過蒲團來清過蒲團牙接得便打清云打即任打要且無祖師意又叅臨濟問如何是祖師意濟云與我過禪板來清過禪板濟接得便打清云打即任打要且無祖師意後鏡清

出世有問和尚當初叅二尊宿肯伊不肯伊清云肯即深肯要且無祖師意 師云觀鏡清前後語祖師意無差且道伊會意處還同麼若道同他却恁麼語若道不同他却恁麼語有人檢辯得許伊具一隻眼

舉陳操尚書一日齋僧次躬行餅僧展手接陳乃縮手僧無語師曰只得吞聲飲氣陳曰果然異日問僧曰有個事與上座商量得麼僧曰合取狗口師曰冷灰裏荳爆了也陳自擱曰操罪過僧曰知過必改師曰依然黑茫

史

三

茫地陳曰恁麼即乞上座口吃飯 師云大衆且道乞上座口吃飯是賞伊是罰伊又且道尚書是我家裏人不是我家裏人趙州因問一婆子什麼處去婆云偷趙州笋去州云忽遇趙州又作麼生婆連打兩掌州

休去 師徵云且道這婆子掌是有意思掌
是沒意思掌又且道趙州休去還肯伊不
肯伊

西堂智藏曾燒殺一僧一日現身索命藏云
你還死也無對云死也藏云你既死覓命者
是誰便乃不見 師云且道這僧現身索命
是真要命是不真要命又智藏恁麼語是
果還伊命也是不還伊命也

舉有僧到曹溪因守衣鉢僧提起衣云此是
大庾嶺頭提不起底僧云爲什麼在上座手
裏僧無對 師徵云如今人皆信知此衣當
時在大庾嶺頭果然提不起即今還有信
知這僧提起却放不下麼

肅宗帝一日問忠國師云師在曹溪得何法
忠云陛下還見空中一片雲麼帝云見忠云

丁釘着懸挂着 師徵曰且道肅宗帝當時
便會得也未若不會得爭得便恁麼休去
又若會得又爭肯恁麼不措一辭

菴婆提女問文殊云明知生是不生之法爲
什麼却被生死之所流轉文殊云其力未充
有進山主問修山主明知生是不生之法
爲什麼却被生死之所流轉修云筭畢竟成
竹去如今作筏使得麼進云汝向後自悟去
在修云某甲所見祇如此上座意旨如何進
云這個是監院房那個是典座房修乃禮謝
師云我還要問明知生是不生之法爲什
麼被生死之所流轉在

世尊將諸聖衆往第六天說大集經勅他方
此土人間天上一切猥惡鬼神悉皆集會受
佛付囑擁護正法設有不赴者四天門王飛

熱鉄輪追之令集既集會已無有不順佛勅者各發弘誓擁護正法唯有一魔王謂世尊云瞿曇我待一切衆生成佛盡衆生界空無有衆生名字我乃發菩提心 師徵云且道這個魔王是皈依佛語是不皈依佛語

鎮州第二世保壽和尚開堂日三聖乃推出僧壽便打聖云恁麼爲人非但瞎却這僧眼瞎却鎮州一城人眼去在壽便歸方丈師云據這公案恰似路見不平未免遭人齒頰統要中紛紛評論有十五人俱是當世明眼宗匠若約正知正見判斷處三分中但有其一耳不可不知

鎮州大悲和尚因僧問除上去下請師便道州云我開口即錯僧云與麼則真是學人師也州云今日向弟子手中死 師云且道這

冬

五

語是錯不錯

吉州資福和尚示衆云隔江見資福刹竿便回去脚跟下也好與三十棒豈況過江來時有僧纔出州云不堪共語 師徵云且道這兩種因緣那箇用得親親底堪與今時撥眼不親則自救不了

首山省念禪師問僧與麼來者是什麼人僧云問者是阿誰山云老僧僧便喝山云向你道是老僧又惡發作麼僧又喝山云恰遇棒不在手僧云草賊大敗山云今日又似得便宜又似落便宜 師云作麼生是得便宜處又作麼生是落便宜處

烏石靈觀禪師曹山行脚時問如何是毘盧法身主觀云不道曹舉似洞山山云好箇話頭只欠進語何不更去問爲甚不道曹乃去

進語觀云若言我不道即啞却我口若言我道即禿却我舌曹歸舉似洞山山深肯之

師云洞山深肯即休作麼生是毘盧法身

主若有會得者即老觀也肯你具一隻眼
香巖智閑禪師示衆云如人在于尺懸崖口
銜樹枝手無所攀脚無所踏忽有人問西來
意不對則違他所問若對又喪身失命當恁
麼時作麼生即是有虎頭上座云上樹即不
問未上樹請和尚道巖呵呵大笑 師云香
巖只知盡法不管無民可謂觀前不觀後
者也若不得虎頭上座出來這人被香巖
幾乎懸殺在樹枝復呵呵大笑云還有知
這笑落處麼

雪峰一日喚僧近前來僧近前峰云去僧珍
重便去 師云更有一僧雪峰喚彼來便來

史七

六

遣彼去亦去但曰勘破了也徵曰且道前
僧親見雪峰後僧親見雪峰有人定當得
也具一隻眼

僧問雪峰乞指示峰但云是什麼僧於言下
大悟 師舉畢召衆徵曰且道這僧大悟去
悟底是什麼

雪峰示衆云盡大地是個解脫門把手拽不
入時一僧出云和尚恠某甲不得一僧云用
入作麼峰便打 師云即如二僧俱也會到
這裏因甚有喫棒有不喫棒者請說在什
麼處不可不知又不喫棒者姑置勿論即
如喫棒者在裏邊不在裏邊若在裏邊自
合不喫棒若不在裏邊亦不應喫棒
保福因僧侍立乃云你得與麼龐心僧云甚
處是某甲龐心處福拈一塊土度與云拋向

門外着僧拋了却來云甚處是某甲覓心福
云我見你築着磬着所以道覓心 師云可
惜這僧保福爲你無事生事恁麼老婆恰
如個雙盲乞兒置他在飯籬裏坐了猶只
是舒兩手向人乞之不暇而未解取食可
謂覓心者也且而今還有不覓心者麼保
福云切忌莫築着磬着

雲居懷岳禪師因僧問明鏡當臺時如何居
云不鑒照僧云爲甚不鑒照居云胡來胡現
漢來漢現僧云大好不鑒照居便打 師云

只如這僧喫棒是胡來胡現漢來漢現喫
棒也是不會得喫棒也然此僧會得肯恁
麼道不會得肯恁麼道

舉石頭問大顛那個是汝心顛云言語者是
頭便喝出經旬日顛復問前者既不是除此

外何者是心頭云除却揚眉瞬目將心來顛
云無心可得將來頭云元來有心何言無心
無心盡同謗顛於言下有省 師云古德多
謂今人但認得個昭昭靈靈便以爲真却
以揚眉瞬目喫飯穿衣屙屎送尿語言動
止莫不總是這個且如古德垂訓焉肯誤
人然則卽昭昭靈靈與揚眉瞬目其誦訛
利害畢竟作麼生揀別試請於閒暇時各
自檢點尋思看

舉洞山上堂云有一人在千人萬人中不肯

一人不向一人你道此人具何面目雲居膺
出曰某甲叅堂去 師曰大眾且道雲居謂
叅堂去是何面目

舉僧問洞山時時勤拂拭爲什麼不得他衣
鉢未審什麼人合得山云不入門者曰不入

門者還得也無山云雖然如此不得不與他却又云直道本來無一物猶未合得他衣鉢汝道什麼人合得這裏合下得一轉語且道下得什麼語時有一僧下九十六轉語並不契末後一轉始慚山意山曰闍黎何不早慙麼道別有一僧密聽祇不聞末後一轉遂請益其僧僧不肯說如是三年相從終不爲舉一日因疾其僧曰某三年請舉前話不蒙慈悲善取不得惡取去遂持刀白曰若不爲某舉卽殺上座去也其僧悚然曰闍黎且待我爲你舉乃曰直饒將來亦無處着其僧禮謝師云其僧禮謝且休大約從來以得失商量多卽今還有沒商量者麼雖然恁麼且道六祖當時是受伊衣鉢不受伊衣鉢舉僧問曹山學人通身是病請師醫山云不

史七

醫曰爲什麼不醫山曰教汝求生不得求死不得師舉了云大衆且道這僧還活也無試檢點看

舉石霜問僧近離甚處僧云審道霜於面前畫一畫云你刺脚與麼來還審得這個麼僧云審不得霜云你衲衣與麼厚爲甚却審這個不得僧云某甲衲衣雖厚爭奈審這個不得霜云與麼則七佛出世也救汝不得僧云說甚七佛千佛出世也救某甲不得霜云大憐懂生僧云爭奈霜云叅堂去僧云諾諾史七或謂我若做這僧纔到堂便云爲我今日勘破這老和尚了也轉身便行不妨使這老和尚略也沉吟去或云殊不知石霜聞這僧云爭奈霜便覺得故令伊叅堂去耳師云請具眼者試察之孰是

九

頌古

琅邪覺禪師問英首座近離甚處座云金鑾
夏在甚處座云金鑾去夏在甚處座云金鑾
前夏在甚處座云金鑾先前夏在甚處座云
和尚何不領話覺云我也不會勘得你教庫
下供過奴子來勘且點一碗茶與你涇口

頌云問窮頭應四金鑾誰會三玄見不堪

須點一甌茶涇口致無言處倒平安

德山小叅示衆云今夜不答話有問話者三
十棒時有僧出禮拜山便打僧云某甲話也

未問爲甚打某甲山云你是甚處人僧云新

羅人山云未跨船舷好與三十

又示衆云問卽有過不問又乖有僧纔出作
禮山便打僧云某甲話也未問爲甚便打山
云待你開口堪作什麼

頌云門庭施設若爲高善識兵機有是刀

卽使青霄鷄子過不勞拔箭見飛毛

玄沙因雪峰云吾見瀉山問仰山從上諸聖
什麼處去仰云或在天上或在人間汝道仰
山意作麼生沙云若問諸聖出沒處與麼道
卽不可峰云汝渾不肯忽有人問汝作麼生
道沙云但道錯峰云是汝不錯沙云何異於
錯

頌云若問諸聖去處瀉仰摸索不着雪峰

纔肯玄沙不錯何異於錯檢點將來總是

秦時轆轤咄神龜七十二錯那堪十卜了又

玄沙有時拈拄杖云識得這個一生參學事

畢△雲門云識得拄杖爲什麼不肯住

師拈拄杖頌云識得這個始不負我別有

長處鑽米取火

鏡清問靈雲行脚事大乞師指南雲云浙中米作麼價清云若不是某甲泊作米價會

頌云從上行脚事最大靈雲此話令人怕

坐久方纔省得來浙中米賣作麼價

鏡清問僧門外是什麼聲僧云蛇咬蝦蟇聲

清云將謂衆生苦更有苦衆生

師云却較些子咦門外什麼響蛇咬蝦蟇

聲將謂衆生苦更有苦衆生以爲頌

無厭足王入大寂定乃初有情無情皆順於

王若有一物不順於王卽入大寂定不得師

翻後語若有一物不順於王卽出大寂定不

得

頌云淨染初無揀逆順不思議那伽常在

定無有不定時

史

土

仰山因僧問法身還解說法也無山云我說不得列有一人說得僧云說得底人在甚處山乃推出枕子爲山聞乃云寂子用劍办上事

頌云眇得凡身卽法身未諳說法又何人

寧知刹說衆生說換取梁皇努眼瞋

白雲子祥禪師問僧不壞假名而談實相作

麼生僧云這個是椅子雲以手撥云與我拈

鞋袋來僧無語雲云這虛頭漢後雲門聞乃

云須是他始得

頌云善者何用多方實相無乎不在輕輕

拈轉話頭椅子豈如鞋袋

雲門因僧問佛法如水月中月是不門云清波

無透路僧云和尚從何得門云再問復何來

僧云便與麼去時如何門云重疊關山路

頌云一自昔年超脫去滔滔無滯孰爲疑
夜來觸折須彌柱試問闍黎知不知
僧侍玄沙次沙以杖指面前地白點問云還
見麼僧云見沙如是三問三云見沙云你也
見我也見爲什麼道不會

頌云你也見我也見何勞再問未成現因
緣時節待來前頓令見見凝一片

舉文殊三處度夏話師於椎不能舉處着語
云接了伊錢輓却手又於迦葉不能加對處
着語云喫了伊食啞却口復召云諸兄弟且
道這兩着語有甚意思倘未了得者一任咬
嚼去若有向老僧道也不較多則不妨說着
了也仍有頌云

處處文殊是作家飲光被惑眼生花拈椎
擬舉渾無力千古令人不浪誇

卷七

七

舉馬師令人送書徑山山開緘但見書中一
○相山於圓相中着一點却封回後忠國師
聞云欽師猶被馬師惑師云徑山當初開緘
但見個○相何不收却了另寫個回書道馬
兄從何得此消息來好仍有頌云

偶於○相着一點大似斗鰕跳不出從何
得此消息來欽師爭被馬師惑

雪竇顯舉古云眼裏着沙不得耳裏着水不
得忽若有個漢信得及把得住不受人謾祖
佛言教是什麼熱稅鳴聲便請高挂鉢囊物
折拄杖管取一負無事道人又舉古云眼裏
着得須彌山耳裏着得大海水一般漢受人
商量祖佛言教如龍得水似虎靠山却須挑
起鉢囊橫擔拄杖亦是一員無事道人復云
與麼也不得不與麼也不得然後沒交涉三

員無事道人中要選一人爲師

頌云若論辯驗諸方此老大有作略要選

一人爲師到底摸索不着

白雲守端初叅楊岐岐問上座落髮師誰端

云茶陵郁和尚岐云聞渠有悟道頌試舉看

史七

三

端舉云我有明珠一顆人被塵勞關鎖今朝

塵盡光生照破山河萬朵岐大笑而起師遂

懷疑次日問云先師悟道頌人人道好和尚

因甚發笑岐云汝見打驅儺者不端云見岐

云汝一籌不及渠端大驚曰何謂也岐云他

要人笑汝怕人笑端於言下大悟

頌云他要人笑汝怕人笑一般戲局善作

者妙

東林常總因僧紹慈問世尊傳金襴外別傳

何物林舉起拂子慈云畢竟作麼生林以拂

子驚曰打慈擬開口林又打慈忽有省遂奪

却拂子林云三十年老將今日被小卒折倒

頌云東林總老有頭無腦喫跌詐輸莊顛

莊倒喫寒山睡醒開門拾得歸來恰好

僧問龍牙十二時中如何用力牙云如無手

人行拳

頌云十二時中力用全如人無手欲行拳

密雲彌布大千界放去收來豈賴大

台州幽棲道者一日歛鐘上堂大眾纔集乃

問什麼人打鐘僧云維那者云近前來僧便

近前者遂打一掌却歸方丈

頌云平地推人便吃交道人行處意何超

分明月到梧桐上不照梧桐照碧霄

臨濟問洛浦從上來一人行棒一人行喝阿

那箇親浦云總不親濟云親處作麼生浦便

喝濟乃打

頌云棒喝交馳總不親卽非親處孰爲真
寧同生也莫同死直下休教錯認人

投子在桐城縣途逢趙州問莫便是投子庵

主麼子云茶鹽錢布施我來趙州先歸庵晚

老

丙

間見子自携油回州云久嚮投子到來祇見
賣油翁子云你祇見賣油翁且不識投子州
云如何是投子子提起油瓶云油油

頌云路途猶諱不知名究竟還教覲面呈
莫惟相逢不相識爲憐人老忌多情

棗山光仁禪師一日陞堂大衆集定未登座
乃云不負平生眼目置個問訊來時有僧出
作禮山云負我且從大衆何也便歸方丈異
日有僧請益云和尚陞堂云負我且從大衆
何也意旨如何山云齋時有飯與汝吃夜間

有床與汝睡一向煎逼我作麼僧禮拜山云
苦苦僧云乞師指示山垂下一足云展縮一
任老僧

頌云棗山大有作略說法無可不可豈徒
用垂一足展縮要當由我

雲居膺和尚問僧念什麼經僧云維摩經膺
云我不問你維摩經念底是什麼經僧因此
有省

頌云維摩本只是維摩但誦摩訶薩達磨
再問却疑因擬議方知鷄子過新羅

史

主

洞山一日問雲居甚處去來居云踏山來洞
云阿那箇山可住居云阿那箇山不可住洞
云與麼則國內總被闍黎占却也居云不然
洞云與麼則子得箇入路居云無路洞云若
無路爭得與老僧相見居云若有路卽與和

尚隔生也洞云此子已後千人萬人把不住

頌云珠走盤兮盤走珠大千何異一茅廬
任伊依舊踏山去不動纖塵本自如

石霜問道吾和尚百年後有人問極則事向
伊道什麼吾喚沙彌彌應諾吾云添淨瓶水
着却問霜汝適來問箇什麼霜再舉前問吾
便起霜於此有省

頌云正乞瓜時不與瓜却從他處折楊華
須知施主多方便不是其時不付他

僧問石霜如何是祖師西來意霜咬齒示之

僧不會霜遷化後僧問九峰先師咬齒意旨
如何峰云我寧可截舌不犯國諱僧又問雲
蓋蓋云我與先師有甚冤讐

頌云你也不說我也不說宛似三人證龜
成鼈

僧問洞山寒暑到來如何回避山云何不向
無寒暑處去僧云如何是無寒暑處山云寒
時寒殺闍黎熱時熱殺闍黎師着語云既熱
誰加火當寒不益水

頌曰地寂天搖固不移無寒無暑却生疑
動中有靜誰還識火裏生水道者知

代古

朱溪謙禪師因韶國師遊方時到忽聞犬咬
靈鼠聲韶便問是什麼聲溪云犬咬靈鼠聲
韶云既是靈鼠爲甚却被犬咬溪云咬殺也

韶云好個犬溪便打韶云莫打某甲話在

師代朱溪後語云何不早恁麼道

舉青原思因僧問如何是祖師西來意思云
又恁麼去也僧又問近日有何言句乞師一
兩則思云近前來僧近前思云分明記取

師代僧作禮云某甲不虛爲和尚弟子

舉僧問石霜咫尺之間爲甚不覩師顏霜云
我道徧界不曾藏僧後問雪峰徧界不曾藏
意旨如何峰云什麼處不是石霜僧回舉似
霜霜云這老漢有什麼死急 師代僧云我

尚未識雪峰在

舉藥山問僧什麼處來僧云湖南來山云洞
庭湖水滿也未僧云未山云許多時雨水爲
甚未滿 師代僧後語云爲久和尚這一問
舉丹霞問僧甚處來僧云山下來霞云喫飯
了也未僧云喫飯了也霞云將飯與汝喫底
人還具眼麼僧無對 師代僧撫掌呵呵大
笑云勘破了也

睦州因西峰長老至茶菓次問長老今夏在
甚處安居峰云蘭溪州云有多少衆峰云七

衆

七

衆

七

十來人州云時中將何示徒峰拈起棋子州
云着什麼死急 師代峰云和尚此間將何
示人見伊纔有定動拂袖便行也不爲擔
板

昔有僧持鉢到長者家偶爲犬傷長者因問
龍披一縷金翅不吞大師全披法服爲甚却
被狗咬 師代僧云如長者這一問無差
趙州問僧曾到此間麼僧云曾到州云喫茶
去或曰不曾到州亦云喫茶去後院主云和
尚爲甚曾到也云喫茶去不曾到也云喫茶
去州喚院主主應諾州云喫茶去 師云若
作院主在當時直謂不然待趙州有說但
曰和尚莫也用得一甌麼

馮山因僧問如何是道山云無心是道僧云
某甲不會山云會取不會底好僧云如何是

不會底山云祇是你不是別人 師代僧後語云我會也我會也待瀉山云汝作麼會但曰還我道來

洞山因普請次巡察去見一僧不赴普請山問你何不去僧云某甲不安山云你尋常健時亦何曾去來 師代僧禮謝云蒙和尚指

示某甲病幸瘳矣但恩大難酬

舉一俗士問一講肇論座主承聞大德講得肇論是否座云麓知士曰肇有物不還義是
否主云是士卽以茶盞就地撲曰這個是還
不還主無對 師代主云幾錯會此義

舉大覺臨終謂衆曰我有一隻箭要付與人
師云看箭時有一僧出云請和尚箭師云果然不識覺云汝喚什麼作箭代僧喝云我等不用如是虛妄授記覺打數下自歸方丈師

史七

十八

云可謂按牛頭吃草者也喚其僧入問云汝適來會麼師云將謂將謂僧云不會師云元來元來覺又打數下師云可謂雪上加霜老婆太殺擲拄杖云已後遇明眼人分明舉似代僧云知道了乃告寂代僧云去便休爭柰放不下這隻箭何

舉雪峰搬柴次乃於洞山前拋下一束山曰重多少峰曰盡大地人提不起山曰爭得到這裏峰無語 師云何不道因風吹火用力不多又云氣急殺人

別舌

投子有菜頭一日入方丈請益子云且去待無人時來爲闍黎說頭明日伺得無人又來請和尚說子曰近前來師云將謂有多少底蘊與你便走近前子曰報不得舉似於人

師云且問這菜頭還夢得也未倘未夢得這說話分明是絕他後望也幻有不然但喚伊近前來待近前乃曰老僧邇來牙齒不方便好熟爛菜須煮一碗來我喫便不辜汝來問我記取記取

史七

五

舉藥山一日問飯頭你在這裏多少時頭云三年也山云我總不識你其僧不曉憤然而去師云藥山可謂婆心太殺勞而無功恰如耕夫不善使牛俾伊東走西走終不上犁路只欠沒後但曰我方纔識得汝也不唯使這飯頭別有生機亦令伊過後還思君子

法眼有時指橙子云識得橙子周布有餘後雲門道識得橙子天地懸殊師云識得橙子更參三十年歸來休云依舊是橙子

法眼因問井被沙塞却泉眼乃問僧泉眼不通被沙塞道眼不通被什麼礙僧無對眼自代云被眼礙師云旣曰道眼應云道礙玄沙示衆云總似今日老胡有望後保福云總似今日老胡絕望師云老僧不恁麼總似今日一個糊餅兩頓粥老僧千足與萬足但願日日只如此縱有珍饈吾不欲汾州善昭禪師示衆云識得拄杖子行脚事畢師云某則不然乃豎起拳頭曰這與拄杖無二無別又行什麼驢腳馬脚

昔有僧到翠岩相看值不在遂看主事事云叅見和尚也未僧云未主事乃指狗子云上人要見和尚但禮拜這狗子僧無語後翠岩歸得聞乃云作麼生免得與麼無語師云若作這僧但禮主事三拜何也不聞雲門

偃曰欲觀其師先觀其子

興化一日謂克賓維那云爾不久爲唱導之師賓云不入者保社化云會了不入不會不入真云總不與麼化便打乃云克賓維那法戰不勝罰錢五貫設饋飯一堂至明日興化

史

干

自白椎云克賓維那法戰不勝不得喫飯即便趂出院師云可奈維那當時失却一隻

眼但只消得纔見伊舉起棒便接住止用輕輕推一推時那得就要你罰錢乃至出院也管教和氣不傷千好萬好且免他多少不平閒話

仰山因見雪師子乃指云還有過得此色者麼衆無對師云老僧若在當時自有方便但見伊問聲纔住便答云有掉轉頭來徑走任伊呼喚打罵總不采伊若再與葛藤

葛藤有甚了首

爲山一日陞堂時有僧出云請和尚爲衆說法山云我爲汝得徹困也僧便作禮師云須知這僧禮拜不是好心若作爲山纔見僧出云請和尚爲衆說法劈脊便打云要汝多口作麼却曰我爲汝得徹困也是何言歟

保福從展禪師因僧問雪峰平生有何言句得似羚羊挂角時福云我不可作雪峰弟子不得師云保福恁麼道可謂太煞道得十

史

主

二分超脫奇特矣以老僧觀之實下乘語也是無繩自縛出這僧圖續不得正如良駛追風未免受伊驅纏若作保福纔聞雪峰平生有何言句得似羚羊挂角但與震威一喝且漫漫云不可謂雪峰作我弟子

不得豈不氣岸則不辜雪竇云一千五百

個布衲保福較些子也

鏡清問僧門外是什聲僧云雨滴聲清云衆生顛倒迷已逐物僧云和尚作麼生清云泊不迷已僧云泊不迷已意旨如何清云出身猶可易脫體道應難 師云若作這僧纔見謂衆生顛倒迷已逐物便曰若不顛倒門外實雨滴聲待鏡清更有別語却曰出身猶可易脫體道應難便休說甚迷已泊不迷已

玄沙一日見三人新到遂自去打普請鼓三下却歸方丈新到具威儀了亦去打普請鼓三下却入僧堂久住來白沙云新到輕欺和尚沙云打鐘集衆勘過大衆集新到不赴沙令侍者去喚新到纔至法堂却向侍者背上

拍一下云和尚喚你侍者至沙處新到便歸堂久住乃問和尚何不勘新到沙云我與你勘了也 師云余卽不然待久住乃問和尚何不勘新到但云新到輕欺大衆却連忙答曰我與你勘了也有甚商量處

報慈藏與禪師因僧問承古有言情生智隔想變體殊只情未生時如何慈云隔僧云情未生時隔個什麼慈云這梢子未遇人在

師云余卽不然待伊道情未生時隔個什麼但喚僧近前來兜臉與一搥云去令伊

老

二十二

腦門着痛便休說甚這梢子未遇人在六祖因風颺刹旛有二僧對論一云風動一云旛動往復曾未契理祖云不是風動不是旛動仁者心動二僧竦然 師別云不是風動不是旛動也不是心動有僧問既不是

風旛心當爲何動耶師召僧近前來僧近
前乃與一擲云只許你知不許你會又與
一擲云去

僧問天台古鏡未磨時如何台曰不施功曰
磨後如何台曰不照燭 師別曰僧問古鏡
未磨時如何云見明不見暗磨後如何云
見暗不見明

雪峰示衆云我這裏如一面古鏡相似胡來
胡現漢來漢現時有僧便問忽遇明鏡來時
如何峰云胡漢俱隱 師云吾則不然若曰
忽遇明鏡來時如何老僧但曰收起收起
何也若不收起有甚合殺處

有僧參睦州州云汝豈不是行脚僧云是州
云禮佛也未云禮那土堆作麼州云自領出
去 師云某卽不然但問汝豈不是行脚僧

待纔云是便推轉門閉却何也不聞禮那
土堆作麼

舉文公因唐憲宗迎佛舍利入大內供養夜
放光明早朝宣問羣臣皆賀陛下聖德聖威
唯文公不賀上宣問羣臣皆賀獨卿何不賀
文公因奏對微臣嘗看佛書況佛光非青黃
赤白等相此是龍神衛護之光上宣問如何
是佛光公無對因以罪請出雪竇顯代云請
陛下高垂天鑒 師云雪竇不識好惡不知
憲宗聞文公謂非青黃赤白識鑒早明審
矣更曰高垂天鑒個什麼

舉金峰明禪師上堂老僧二十年前有老婆
心二十年後無老婆心僧問如何是二十年
前有老婆心峰曰問凡答凡問聖答聖曰如
何是二十年後無老婆心峰曰問凡不答凡

問聖不答聖 師舉了曰山僧卽不然有問

如何是和尙老婆心曰問凡不答凡問聖不答聖如何非和尙老婆心曰問凡答聖

問聖答凡

舉洞山問講維摩經僧曰不可以智知不可

以識識喚作什麼語曰讚法身語山曰喚作法身早是讚也 師別曰喚作法身早是謗也

舉寒山吾心似秋月碧潭光皎潔無物堪比論教我如何說保福權曰吾心似燈籠點火

內外紅有物堪比倫來朝日出東 別曰吾

心閃爍見猶把扇遮面比倫不比倫雲雷

鼓掣電

舉婆子問趙州住什麼處州答住趙州東院西州歸院謂衆曰合用得那個西字有云樓

泊之樓有云東西西字州曰汝等總作得個

鹽鐵判官 師曰若某甲在恰不用這兩個

西樓字時趙州問你用那個西字但云某

甲今日倦且歇去饒他若大趙州也不免

摩胡而退

機緣自序

余初度嘉靖己酉爲童稚體肥性靈異好頑以至捕魚羅雀靡所不爲八歲進書館授大學十二三肌腠骨出廢書業又二年病作偶爲母看誦香山偈語遂發善念持齋戒十六

史七

王

歲父母強婚未幾琴瑟不調乃有出家志幾又二年病不戢出家意始決沐手焚香默對觀音像誓曰某若再近女身此身當若何若何其夜卽遁去訪道修行其婦既娠及臨產父命使徧覓終弗獲父亦裏糧尋訪途中相

遇強余歸再合終不就仍以母疾篤候侍又一年既歿喪殯畢遂辭父長往不返入荆谿顯親寺禮沙門樂庵爲師一年落髮至馬跡山六庭法師處受沙彌戒聽講法華經畢歸事先師乞開示先師允之卽燃頂香於觀音

史

五

菩薩像前發願云我持菩薩名號以此燃香爲始若弗見性明心誓不將身倒睡於是克勤精進自無昏惰歷二七日餘一夕聞琉璃燈花燁爆聲有省求印於先師師肯之是冬先師西逝明春殯畢當萬曆丙子四月八日閉戶爲先師守制萬曆戊寅冬遊方初叅笑岩和尚於京西觀音庵禮拜次師問上座何來云自南方曰來此擬需何事云但乞和尚印證心地工夫曰若果認得心地便休何更有工夫印證耶余云雖然如是不得不舉似

過曰汝且去叅堂看余叅堂了卽告辭師曰何去之速也還得再面否余云要相見甚便此去不遠在咫尺耳師曰雖便不若便就老僧余云惟和尚如臨濟問院主州中糶米來如瀉山問仰山田中看禾來之慈悲某甲卽日從挂搭師曰若只恁麼或不辜爾余遂取行囊從挂搭叅禮罷師曰待大衆功課畢汝自入室來余依時而至師曰汝把你從前所悟底得力工夫一一明說來我爲汝印證余具實語到中間師驀趯出一隻鞋云向這裏道一句來着遂把余話頭一齊打斷以至移時不能措得一辭師乃曰汝今晚且歸堂息去余禮拜歸堂通夕睡不着以至明辰猶佇立簷楹下師出方丈見之喚某甲余回顧師翹一足作修羅障日月勢余有省以手默指

點禪堂余徑入禪堂睡去又一日因師冒寒疾自捏筆寫藥方手顫余至前云待某甲寫和尚但說師卽閣筆驀舒手向云我手何似驢蹄乎余亦無以答又從新正點地燈師至前云煒煒煌煌最可翫賞余至前吹滅燈師

老

美

曰入地獄如箭射余斯時亦無以答一日師持一拄杖入堂曰我這杖要與人有要底麼秘庵首座曰某甲要師曰汝要作麼曰某甲

要他錘斷天下人舌根師以杖駕肩轉身云柳栗橫擔不顧人直入千峰萬峰去余卽下

禪炕云若果如是須分付某甲可也余往前迎取之師乃微笑云汝當久久執持一番始可打草去也余然後指方丈叩辭時師乃書曹溪正脉來源付之仍以斗笠贈云當以此覆之無露圭角去笑岩和尚一日因法光

上座握手作別師問上座何往光云拜徧融師去也師云曾與伊會過麼光云若論會則三千大千世界何處不得會師側首曰汝從廬山會過矣光答沒有師卽笑而不語歸戶轉身命余送光光始知非追悔云和尚慣捉蹉脚兔耳余送光還師喚余問曰適云云汝會得麼余答不會師曰爾許人在此卽紅綿套索尚未識余歸堂始省得

畫像語

老

主

一日衆徒請僧水雲與師傳真師問水雲曰汝知僧繇出處否雲答不知師曰汝道彼當時爲什麼畫不得誌公真汝道得麼雲答不會師曰要會有什麼難只是當時但不與伊酒喫便畫不得了也者是當時僧繇畫不得底我已爲汝等說了只如如今水雲畫得底

汝等衆中還有道得者麼良以師乃曰未能
象外知方便徒事狀錯認真一日暮真既
就懸於齋堂北面壁間師聞板響過堂舉首
忽見之三歎奇哉曰往時日頭從東方出如
今却又向南邊出了復顧修徒曰汝等曉得
麼修云不曉得師曰不然者影子從何而得
來耶至晚同水雲上座并徒輩對真喫茶次
師云適來已問修徒他不會雖然爛橘子不
能止諸人之渴遂指真云般若道凡所有相
皆是虛妄若見諸相非相卽見本來曰如何
是本來難道者個就是本來麼復曰水雲上
座比來徒輩特特請你叩頭禮拜指望求你
一個金錢好買饜饆誰知你勞神費力吃
盡辛苦祇爲伊畫得個黃葉子你可道是麼
我引個古人說話與你們證據昔有僧問馬

祖云和尚爲什麼只說卽心卽境祖云爲止
小兒啼曰啼止時如何云非心非境曰除此
二種人來如何祖云且教伊體會大道師云
汝等還知大道麼良以曰汝等出家者反不
如當初一個在家俗漢名張喬乃云大道本
來無所染水雲那得有心期遠公獨刻蓮華
漏猶向山中禮六時所謂大道者轉轉活
潑縱橫無礙左右逢源四穿八達十二時
中常自虛豁豁地一毫也沾染伊不得一毫
也妨礙伊不得頭頭上現物物上彰彼此無
乖是非一致若不會大道終爲名色所羈安
得不沉之黃葉然雖黃葉令頑徒輩妄念既
消初心亦滿矣何謂非心非境心不自心由
境故心境不自境由心故境由心故境境非
境矣由境故心心非心焉故謂之非心非境

傍有曰卽心卽佛非心非佛是也師曰老僧多忘偶一時記差了智侍者曰豈不聞將錯就錯西方極樂心外無境界外無心安得不爲卽心卽境乎師云說你既稱個座主所以善通者個道理據老僧意思又別不聞雲門

大七

天

大師謂佛之一字吾不喜聞故以世尊初生周行七步處云我當時若見一棒打殺與狗子喫却貴圖天下太平時有僧問何故和尚不喜見佛雲門曰金屑雖貴落眼成塵此不是卽心卽境歟有問如何卽心曰靈知不昧問如何卽佛曰不昧靈知此又豈不是卽心卽佛乎兄弟正所謂心如工技兒能幻諸形像汝等既要這個像不妨已爲汝等畫就雖然若不從水雲上座心中神通妙用變化無方如何描摸得這個影子出來指真曰汝等

史七

三九

會麼偈曰有相之中無相身莫於無相辯虛真若知有相原無相始識凡身卽法身

自題小像

這老和尚從何處起我恰不認得你未善說法務要捏個塵尾是什麼時節只今還閉着嘴咄不說不知不識廉耻

又

眼窩欠寬鼻孔且大恰似個死猫兒頭爭奈無一人酬價慣要山行夜間不怕尋常對賓又懶說話更不會禪不會講不會道會喫會局會罵有甚長處務要描伊作個笑孺嘆雖然雖然弗虧

一笑說

始吾聞三界唯心話及心生則種種法生而有悟以呈業師業師曰子當用世出世間事

一以貫之始終不異可耳故字之曰一心然
一心覃思洞察三十又五禩矣曾無替置似
未解脫昨因酣睡忽醒不覺一笑日來則不
辯一笑屬之吾道也吾道屬之一笑也道與
笑或異也不異也所謂知人面前亦有三尺
暗者一笑也卽具擇法眼人爲我辯之一笑
也未具擇法眼者爲我辯之一笑也同我異
我一笑也信我疑我一笑也利我害我一笑
也毀我譽我一笑也吾當以一笑爲不二法
門布施大衆一笑何如

龍池幻有禪師語錄卷之七

音釋

戢側立切音 燁早吉切音 耀他弔切音 鎗
輯止也 燁必火聲也 耀眺出穀也 鎗
楚簡切音 櫛必駕切音 齒魚駕切音 訝
值也與割同 櫛刀柄名 齒齒訝齒不相

龍池幻有禪師語錄卷之八

史八

門人圓悟圓修等編

書問

與素菴上座

得手札知上座病狀詳甚所言但覺心神

矣

亂未獲安穩之方者惟上座方當疼極難忍

一

之時即反究此疼者爲誰而知疼者又爲誰

的確見得果是兩個則當知疼者自疼而知

疼者未嘗疼也又若見得知即疼而疼即知

者則又當知非真主人原一個矣此知必是

妄知此疼亦必是妄疼如果真疼此應常疼

常疼豈容有妄知耶如果真知此應常知常

知又豈容有妄疼耶上座但未嘗肯切究已

躬下事所以就着其妄則又有知又有疼更

有情緒萬端種種俱放不下之過矣若真實

肯究竟根本上面何嘗有一毫頭影子所以
謂生死本空五蘊非有以非有故則不妨八
苦交煎以本空故當下便是安閒之法耳第
恐未悟本空非有所以謂棄却四大海水祇
認這一浮漚體爲自身相以六塵緣影爲自
心相耳且言四大海水是甚當要悟得盡十
方世界總是爾我一個根本法身蓋以一切
虛處即天一切實處即地若使世間人墾土
掘地開山塞海則其法身忍疼豈有已也又
若世人撓拂虛空觸着撞着則此心害痛寧
有間乎惟上座痛究此於二六時中必以爲
何如

謝澹游居士重建山門牆壁布施書

山門牆壁日昨爲居士既已扶起祇有一語
未圓得山野從南至北自東達西相逢一個

個只解推倒不解扶起若只恁麼即過去現在乃至盡未來際無有一人發菩提心者唯澹游居士即不然只解扶起不解推倒然於遭罪獲福與解推倒等何也不見今有避罪者則先於戒殺祈福莫先於養牲而不知養牲遺罪與屠家等所謂不養則不殺是也然而推倒扶起又奚假一毫人力耶即盡十方世界凡在含靈具識莫不均稟父母彞倫手足宛然終爲無用只合隨分隨緣拈匙握筯喫飯穿衣屙屎放尿消遣歲時而已何又有個道可悟禪可參生死可了佛法可學耶山野今日正若路見不平者未免亦有相藉勞攘雖然如是且問居士畢竟推倒爲人去也扶起爲人去也若向我道推倒爲人也好扶起爲人也好山野却與居士作個問訊謝布

施

澹游居士惠佛手柑云此兜羅綿手也藉以上供大師不得作佛想不得作手想無以香味生心無以空色起見畢竟道個什麼敬獻敬問

老僧云三世諸佛昨於夜半時分被幻人口吞却不知從何處又凸出這一隻來幻人見之不覺退身三步知此定是吞吐不得底異物纔合十誦讀君語不作佛想不作手想幾乎被伊輕輕一掌然幻人似未知痛痒當與大眾共饒謹答仔細嚼之原來祇是個死拳頭姑置之弗論

送磁彌勒與居士

昔南泉問一座主今日講什麼經云講彌勒下生經泉曰彌勒幾時下生云現在天宮當

來下生泉曰天上無彌勒地下無彌勒雲居
膺持此語問洞山即如天上無彌勒地下無
彌勒未審誰與安名洞山被問直得禪床震
動乃云膺闍黎我在雲岩曾問老人直得火
爐震動今日被子一問直得通身汗流乃知
古人開口竟不是草草道得也茲有磁彌勒
一尊奉案頭供養天上地下無即姑置請道
此是彌勒不是彌勒若道是即觸道不是即
背作麼生道得一句要與此相應知居士定
不使藤床震動也呵呵

又與居士書

鄙人修行無力常與病俱方當少分輕安擬
圖晤語又爲天緣隔絕若久奈何幸居士則
不被塵勞所困鄙人亦因之稱水和泥少有
相通分耳倘居士更向鄙人語言上點斤度

兩定是與非又使無何有地水牯牛茫無着
落矣呵呵

自識居士來被居士追逐得我慌但未暇喘
氣日昨又被牽住我咽喉幸放手寬鬆些休
把老僧捏殺了算好手纔得些些氣息却向
居士道還有話在待居士豕頭往前作聽勢
老僧但與震威一喝

上代祖師多作四料揀接人驗人山野雖非
其人微竊彼大意祇堪自印敢語爲人耶所
謂有一人儘說得一步也行不得有一人儘

更六

行得則一句也說不得有一人說得行得更
有一人一句也說不得一步也行不得且道
今時還有出得這圈續麼倘出不得須知都
在這行戶要得個穩當處立地了即尋常日
用胡說亂說由你去若未曾得個立地處饒

你十二時中常常在繩墨上行何曾有一毫是處有麼有麼若無老僧又向十字街頭叫喚去也

與陶太史書

嘗聞大慧道大悟一十八遍小悟不計其數貧道檢得東坡居士語中有個悟頭彼云十二時中常切覺察這個是什麼一日自泗守席上回忽然夢得個消息乃作頌云百滾油鑊裏恣把心肝燥這個在其中不寒亦不熱似則是似則未是不唯這個不寒熱那個也不寒熱咄甚叫做這個那個貧道亦咄云這是夢耶是悟耶是大悟是小悟然此說話觀之盡若了了者錄之呈似居士幸不萌意念敷雪得寄個信來貧道不

與王靜虛居士書

史八

五

山僧新年來增得個歡喜處正欲與左右抵掌呵呵通個消息而不知左右旋南之速不一晤語去也豈知吾周行者自正月二十二遣彼南還二月一日猶在京得左右遺書至二月五日寄我況彼又知左右初四日啓行遂使吾有所歉矣然左右應試歸南當如過千里者須三月聚糧可耳蓋大丈夫處世無論世間出世間事務要抖擻精神勇猛竭力做得一番着緊底工夫必欲通徹得到究竟自信自肯處然後臨時應用始得不負生平之志不是適莽蒼者爲之果然而已又如獅子搏象全其威力搏兔亦全其威力又如學射必正已挽弓滿而後發不發則已發則必中乃爲可耳不然則不如我林下道人無榮無辱無是非無成無敗無信無疑無得無

失無悟無迷無好無惡無高無低誰毀誰譽
孰短孰長誰曲誰直孰閒孰忙誰逆誰順孰
爭孰張誰進誰退孰存孰亡如是則窮通莫
變貴賤不移大小相入寤寐一如生死未定
出入何拘惺寂雙流定慧等驅賢愚各得彼
此相忘卷舒自在苦樂無妨動靜不異朝暮
尋常往復無際取捨炎涼有無濃淡隱顯抑
揚晴雨明暗起倒行藏寬細緩促愛惡陰陽
聚散同異垢淨縱橫究竟到底終不如吾進
亦呵呵退亦呵呵來亦呵呵去亦呵呵收亦
呵呵放亦呵呵乃至有故亦呵呵無故亦呵
呵輕我亦呵呵重我亦呵呵饑寒亦呵呵飽
煖亦呵呵加益我亦呵呵減損我亦呵呵及
時不及時亦呵呵無可無不可亦呵呵道之
得行亦呵呵道之不行亦呵呵今日死亦呵

呵明日死亦呵呵無往而非呵呵也雖然更
有個不呵呵處山僧今且未暇爲左右剖破
呵呵因書及此恰有一僧來問如何是祖師
西來大意山僧即闍筆向伊叉手云牡丹花
下臥貓兒一總寫寄去靜虛王居士呵呵三
月初六日寓京福田寺書也

又

昔石霜有云休去歇去一念萬年去寒灰枯
木去一條白練去古廟裏香爐去九峰舉此
問首座明什麼邊事未嘗分雪得山僧今日
忍俊不禁驀地打得一個噴嚏云今日何太
傷風雖然山僧從南往北搜尋一遍無一人
於此話相應亦無一人於此話不相應耳是
個問頭又金剛般若云若以色見我以音聲
求我是人行邪道不能見如來或謂不以色

見聲求亦不能見耳然又云凡所有相皆是
虛妄若見諸相非相即見如來山僧謂即今
耳聞眼見莫不是聲色且作麼生非是個問
頭又楞嚴云若能轉物即同如來梵語首楞
嚴此云一切事究竟堅固又作麼生轉是個
問頭山僧過白塔無他事舉此以問居士有
以報我不

與凝庵少卿書

聞檀越明春壽登七十當絕念於世緣正所
謂妄心休處即菩提而坐進斯道此不在貧
道面祝得之矣然於世間機智并一切經書
道理則一毫瞞檀越不得但以向上一竅生
死關頭未曾打破茫然如黑漆桶隱隱常在
目前休嫌不道需俟貧道異日南還爲一掀
翻趯破未可量也呵呵

與孫太史書

頃覩佳作記語何文辭浩瀚中多種種差別
不一總不出一片白雲橫谷口幾多歸鳥盡
迷巢兩句端倪畢矣若論這本領不但在左
右猶未知著落即朱靜峰尚不會夢見奈何
莫怪山野不惜口業一總爲伊點破去也惟
左右諒之

孫太史復

承來教想是昔人喚裴休意旨領益多矣不
佞情累今冬恐不能有作也并復

與孫太史

前得手教想是昔人喚裴休意旨者是使山
野失利而獲罪多矣豈果所謂大丈夫面前
有三尺暗許久不一悟耶然左右情累又豈
但今冬序語恐不能有作耶曷不想昔人

罵于頓相公客作漢致令相公臉上作色乃曰此便是黑風吹其船舫飄墮羅刹鬼國爲近耶曷又不一想趙昌善牡丹而葉公畫龍耶何如何如

復孟白李大夫

來論師姑原是女人做既會是活語也許公具一隻眼則不勞貧道更與蘇公商證也何如然貧道近亦有個悟處公還知麼南方好水枯一日只耕得八畝田請試道看

唐太常來書

兩年以修志事相羈承示物不遷論真如嚼蠟竊謂此等處原着不得言語見解一有言有見必不圓成矣如何如何僕連紙望公之歸頗切矣更不蒙省念茲三僧來乃貴道所謂法眷能無情乎且情之必不

史八

八

可已處即是性可以無情亦可以無性矣俗人不能作出俗語願公且以俗腸應俗人語亦三十二應化法所不遺也又何如何如

復書

隔歲冬二三頑徒至承惠并辱手教披領讀之使貧道芒寒色顫深自慚赧然貧道又是何人敢當此諄諄連東相爲之勤耶又何使貧道頑囂一至於此蓋無他第一顧賤軀衰替不堪第二有鄙語付梓未竟第三且人生分緣主張似不由已第四以生平志願妄欲總若冷灰發不起者以故始覺此賤軀卒不是舊日賤軀心腸亦不是舊日心腸即識見亦非是往時識見承足下惠東屢屢相促還將謂是舊日之人仍在此者不亦有辜足下

史

九

慈悲相爲耶雖然須信別有一人去此不遠
將當與足下把臂驀然暫一笑於電光石火
中但在異日卒不得以有心待彼也何如

龍池幻有禪師韻語題辭

儒者以默識爲第一義是以詩壇文社即禪
門首示戒焉幻有道人深於不二法門也者
胡爲乎工是詩哉是不然黃友人與余論及
曾氏一貫之傳既唯之後尚隨事精察否曰
平居漫爲實際悟後特爲游藝工夫耳極言
之猶未也方抵出世菩薩上證佛果非衆生
不成下度衆生非偈語不顯舉世昏沉竟以
無聲三昧之法示之而曰直指心體然則拈
花座上默契世尊宗旨者何僅一迦葉耶法
界重重十二威儀戲論權教喝棒所加總爲
衆生解脫故空手把鋤按地現法無非止兒

啼爾道人韻語類皆發抒性靈闡揚禪理曰
言語文字則淺之乎觀道人矣余故序之代
告衆道人云

居陵無念居士劉應龍手書

韻語

題彌勒圖扇

天上人間獨憐此老隨處現形更無煩惱

贈嚴侍者別號無漏

嚴淨毘尼弘範三界無漏無爲有修有壞只
與麼去生死事大一旦懺然悟也是快

史

歲暮日一念居士惠寄書此報之

十

一念萬年萬年一念惠出斯心斯心乃見

一念居士話別踵前偈意衍成十首相

贈

君暮西方我留東土迷雖未迷悟豈是悟

一念做官一心學道二本不同同歸未了
心心無住念念不虛仔細檢點此中何如
我果無心君不起念如木偶人命食王饌
一心圓融無處不通以水投水似空合空
一念未發何往不達利若吹毛味如嚼蠟
西方不遠但問一心放下念頭烏用別尋
東土旅寓但隨緣住一念頓忘無起滅處
嗟嗟爾我締交烏可其寒似冰其熱如火
昨日相逢今朝語別心念依依何曾決絕
凝菴少卿哭子短句弔慰甘首

藉伊方笑反我既哭以馬喻馬胡爲不足
先生曰父生後曰子先後未分哭誰爲死
來未必時去未必順安處非宜哀樂有分
生勿爲喜死勿爲驚始終不易聖哲洞明
人無百歲五十有零閃爍光中誰爲久停

師亡厥徒父喪其子慟哭靡殊方年亦爾
計生不死計死不生化成罔醒觸感傷情
道果易圓愛根難絕歷劫輪迴淚同海積
樂不厭多哀勿嫌寡禍福須知塞翁失馬
勸君毋哭既室彼欲似炊黃粱今尚未熟
夫獨愛妻母偏憐子情有重輕性無彼此
卽伯樂道聖善且賢倍增感感婉愉不前
愛情牢縛因此娑婆未能解脫樂少苦多
誰將小智以排八苦如捧漏卮用灌焦釜
未有聰明不能念道薄利微名反爲熱惱
甚愛思廢多藏慮亡知足不辱知止乃臧
順之則喜逆之則怒天下同情初誰肯悟
我憂彼憂彼樂吾樂生也無歡死亦不惡
殤子既壽錢生奚天莊氏小窺大端非了
來弗能禦往奚可追哀哀不息存者爲誰

復澹游居士

予寓燕之普照寺壁傾圯居士因送
布施偈云大師緣境俱了不顧牆攤
壁倒若也四大未離且恁藏頭蓋腦
奉施無相資糧一任買灰買草喫直
饒人我山空也須來好去好此復之
云

只爲憧憧未了故把牆壁推倒既已覩面相
逢烏用回頭轉腦不貴丈六金身却要掙一
莖草喫直饒人我頓空不是痒處需俟異日
相與搔着千好萬好

又復澹游居士

來偈云了無所了露地恰好本來面
目無頭無腦體空三輪較量身草鷄
鷄能言不離飛鳥復云

六

七

君既了了無好不好本來如是有甚頭腦人
我未空且莫草草別更有言秋蟲春鳥

贈丁五公子偈

我心如木石無可與君說羨爾有斯心方當
效吾拙吾拙雖異常不用別思量終日默默
地醍醐如未嘗未嘗終不了擬向他人討着
衣吃飯時溫飽誰知道

道安友人新領北山普濟寺戲贈

五臺山裡龍終戀五臺土不擾凡民家偏擾
岱王府岱王忽起嗔捉做招提主可以興風
雷可以作雲雨老龍老龍毋勞苦但存普濟
心休只灌園圃

吾聞獅子嬌不吃當山草乞食到王家人前
弄牙爪誰知布網羅走入伊圈套騎則任彼
騎跳不由君跳獅子獅子休煩惱生自南嶺

生老向北山老

水泉老人新歲邀余齋畢索詩爲贈走

筆戲題

君年七十六懶向招提宿情若眷高人胡爲
厭白足閒來談道話跏坐論心腹予大已爲

史

主

官妻亡剛滿服新歲特邀余題詩上方軸

去年七十五碌碌猶辛苦日出訪高僧晚歸
註園譜有時呼酒嘗有時索琴撫自擊唾壺
歌兒着斑衣舞但云天下寧不願有封土

擬寒山子詩

錦繡叢中客山林野外人相逢未相得誰謂
不同倫試看河邊樹年年一度新可憐憔悴
子徒憶洞天春

寓臺山鳳林寺雜詠八首

偶爾乘幽興携筇入鳳林談經何有意作賦

本無心漫賞山中盡閒探澗底琴頻登翠微

閣對月一高吟

山中無可玩但有兩崖雪月出一登樓臨眸

更奇絕幽人觀不休野老歌未徹欲睡發清

音清音聞轉悅

堂堂一丈夫作事猶近鹵問佛佛不知問道

道不覩如牛有欄拘似鶴無因舞弗謂自身

貧反謂人貧苦

吾今妙有訣不假廣長舌昧者詎能聞聞之

目爾悅非同老釋迦掩室於摩竭徒用老婆

心令人未始徹

重巖足考槃豈但全幽野但聽採芝歌不逢

談道者走向盤石上坐看清流瀉却憶食薇

翁忍饑還瀟洒

寄語未休人胡爲忙碌碌縱有百年生祇食

千斗粟日月易蹉跎光陰彌迅速留神一自思已事當貞卓

一個鐵酸餡隨吾已有年咬時常密密忘却亦綿綿擬語未休者將爲不值錢何須憂爛却且作枕頭眠

宋

古

余生無半百宛如日墜西光景既不久涉世且高低寵辱幻起滅本來何悟迷徒云無價物將混鐵酸漿

懷秋江上人

擬泛秋江上須尋朗月公操舟嫌棹短煮茗愧瓶空雲散晴瀾眼波澄冷浸穹幽居森何處相憶不相逢

度夏通州聽妙宗鈔次韻

結制潞城東還疑佛世同方聞三妙觀頓越二乘空四色蓮開沼諸音樂奏風寂光知不

遠那辨是蛇龍

月川兄開講臺山戲書爲寄

雪裏一株梅馨香絕世埃酬機方索核說法已登臺玉帛皆天賜朋從自遠來憑君留晚節待我菊花開

寓臺山送德心上人往牢山再訪清公

秋雨正瀟瀟窮途誰裹糧送君增別恨兼我是同鄉不耐鳴師子仍歸禮象王海雲如有問爲報採芝忙

清夜獨吟

宋

五

跣趺入夜深自發一長吟不悟如來旨焉知清淨心天河蟾色淡帝閣漏聲沉未識麝麝者還會醒此音

暮春訪拙菴師留贈

懶散羨山家春殘觀落花因留方外友旋摘

雨前茶蝶夢餘揮塵鶯啼正結跡柴門何所
有炊飯只胡麻

贈非臺非幻二上人

相窺兩貫休早歲尚清修解渴烹泉瀑支寒
衲布裘吟詩紛雪片入定止溪流愧我若爲
老經年只漫遊

游西山宿平坡寺

偶爾乘幽興携筇入薜蘿迎樵無遠嘯信口
有高歌日暮歸鴉急秋深落木多因尋投宿
處披月過平坡

次融湖居士韻

懶散一陀頭經年海上遊不圖河滿腹奚取
芥爲舟極目沉浮影都空大小漚乘風度幽
壑時被白雲留

答蘭谷茂士

野衲久居山柴門慣不關年無客尋訪日與
鳥回還適性惟疎懶披襟自曠閒多君推轂
意未敢向人間

秋夜獨坐

萬里火雲收天空夜起秋涼颺隨竹響纖月
傍星流久坐堪成佛狂行詎見頭殷勤聊借
問誰共爾爲儔

贈本源上人字

觸處湛然滿何由阿耨池貪嗔癡已息戒定
慧奚爲汨汨寧同轍綿綿不我欺高山與平
地未始不逢伊

陳居士見訪龍池

何處二三友携壺到石梁情真存訪道意不
在流觴摩竭鬚無剪曼殊舌頗長深慚供香
積相對盡敷揚

復唐少卿二首

無家方野鶴踪跡自優游
錫寄龍蛇舞杯投
日月浮微吟山雨歇
長嘯海雲收不似栖栖
者年來有許愁

不作同塵客無緣鼓濁波
悲歡由爾厭寵辱
奈吾何傲雪欺霜少
吟風嘯月多乾坤一淨
室相對只維摩

山中初夏寄友

細雨散輕絲薰風殿閣時
園林新脫笋籬岸
旋開藤山僻無飛燕
蒼深有網蜘蛛思君懸錫
處定是奏新詩

清涼山中臺舍利塔傾側多年一日復
正之於風雷霹靂中衆以爲奇予因記
之

自謂西乾有五竺清涼五頂皆其屬懸知我

史八

十七

佛從中生舍利依然更相燭稽首峯頭曼室
師三灾不壞斯奚獨祇緣金口信無疑所以
羣生來種福一萬菩薩行彌廣五百龍王氣
多毒猶爲培植宰堵波令人千古追阿育

題羅漢揭厲圖

世尊初不羨神通羅漢猶爭學脫空祇應龍
宮一席飯爲誰圖在波濤中妙喜公妙喜公
曷爾無能西復東

春日偶成

秋逝冬回春又終乾坤於此豈無功鶯誰使
囀燕誰語柳自能青花自紅人走利名形影
病雲飛南北去來空到頭輸我惺惺者不住
陰陽造化中

山居

誰謂山居不自然細推物物總堪憐夜遙月

映玲瓏樹畫寂風傳鳴噎泉山偃白雲低露
頂鶴翹脩竹翠聯翩野人非是多饒舌要比
如來無垢禪

重陽前一日同碧淵陸山人送五遊道
者

說罷人情事總虛臨行分手倍躊躇詩稱陶
謝君多似道重生融我不如傍園菊花因節
放沿堤柳葉冒霜疎殷勤更訂相逢處跨鶴
還教到草廬

麟志伊居士兼致凝菴少卿

自拈拄杖懶談禪爲覓同參一返燕君有閑
門栽柳意我無錐地種松緣衝寒擬羨霜中
栢觸熱還輸火裡蓮思得此時償舊約野人
徒夢賦歸田

贈郁茂士

史

太

常從臯比論英豪語到幽玄更寂寥柔不如
兮剛不吐貧無諂也富無驕年過半百知安
分道適生平肯折腰可愧我爲方外侶轉期
顏子樂簞瓢

古風師久出不返寄勉還山

白雲去住合無心出岫何妨返故林彼岸詎
宜仍用筏石田安事久爲霖經行路長莓苔
滑說法堂生忍草深深寂寂柴門踽佇者徒聞
幽鳥與泉吟

送友還廬山

上人堅志學無餘歷徧江湖返故廬定後不
求安坐訣忘機休擬息交書香爐峯頂高揮
塵瀑布泉邊漫把鋤異日倘乘雲出谷莫辭
迢遞一尋余

山中答友

處處青山不我期杖藜隨意返龍池結庵應
向白雲外種樹恐遮明月遲適性懶慵雙趺
坐交情珍重幾行題多君惠我陽春曲只剪
芭歛報所知

寄惺初茂士

與君談笑後獨坐空齋久時或一登樓東

拂高柳

贈田父

有酒且自酌所對皆柴門每吞三五盞醺醺
望遠村

過高城庵有感

開口忽一笑俄清萬劫塵誰云我獨醒物物
皆同仁乾坤總一瓢四外何寥寥但作安身
處歸來路不遙

味雪

天上白蝴蝶飛來化作雪山僧指示人時人
俱不識

示衆

一切法不有一切法不無若能如是會水上
打葫蘆

春明即事

睡起算河沙松牕日已斜不知春事曉門外
亂飛花

付法偈

法本不自付付竟還如故今付如故法故法
無差互

登歸雲庵留題二首

隔楚有高處幽居唯許雲野人試來此天籟
最先聞

有雲同我來無雲同我去昔未築庵時不識

歸何處

幽居四首

靜坐蒲團穩閒凭竹几輕野人因側耳聞得
墮塵聲

一日偶忘食多緣有悟期晚來方咬得半個

次

字

鐵酸梨

人以生爲勞勿以死爲慮生死本同途悲哉
不相恕

青山愛我閒我愛青山壽相愛不相侔相因
爲故友

仲春南還舟中

村村紅杏兩處處綠楊風況更聞啼鳥都如
送遠公

題飛來峯

何處飛來峯可以挂錫住不須茹蓋頭自有

幾株樹

答友

幻人本不幸有非幻在非幻作主人幻變
去不礙

聞唐太常病以偈爲寄二首

昔人病病終非病居士惺惺豈不惺倚枕閒
吟漫搔首蠹殘摩詰兩函經
了知四大元非有休管衰年病未除兩眼於
今幸精力不勞他借五車書

偶成

次

主

道人經歲一無憂似爲無憂已白頭終不效
伊忙碌碌何須騎鶴上揚州

寄友三首

會憶當年住五臺山中學就一癡呆而今還
想山中去更有癡呆學不來

世上久因迷道術由來肝膽未曾忘而今四海皆兄弟病退醫除不假方
一個糊餅兩頓粥老僧千足與萬足但願日日只如此縱有珍羞吾不欲

聯芳偈二首

曹溪流脉事何孤續得拈花意也無不憶笑
岩正法眼瞻驢滅却在三吳
紹隆佛種是吾徒覺道藤穿何處無需得些些折拄杖斷橋溝缺賴伊扶

作觀

四緣非我故形骸物物須知假托胎一念萬
年終不變頓令情識死猶灰

山中初夏

綠樹陰濃覆幾層茆堂儘可避炎蒸臨流多
有盤陀石解讀楞嚴只老僧

山居二首

月色玲瓏夜未央竹搖清影到虛堂老僧兀
兀蒲團坐忽想人生有底忙
千峰壁拱藍如靛萬壑泉聲響似雷不是爲
伊聲色轉自慚如兀又如呆

舟居

老衲年來愛攬舟隨風飄泊古溪頭倚檣獨
立無人會一曲滄浪唱未休

誦經

徧界清音不覆藏經聲何更響琅琅老僧徒
有云何芻笑殺無人解廣長

贈心所上人

觸處易知空即色燦然難會境唯心給孤長
者依稀悟只布祇園一片金
送吳本如儀部南還

去住分明一本如何於南北二吾廬試看天
上娥眉月半照桐城半照子

臺山卜居

五峰雲頂古文殊盡日跼蹐笑予半點苦
寒禁不得躊躇未了又躊躇

山中懷劉居士

山中無事獨追思何不相參玉板師況歷幾
番春雨足別來多日豈無詩

山居秋晚

昨夜秋風忽作威白雲和葉曉還飛幽人不
用頻頻掃況此山深客到稀

居龍池寄唐太常

我已橫身萬壑中謝君休更把雲封試看天
上一輪月昨夜西歸今又東

都下別友之五臺

庚

壬

萍交纔得兩經秋明日分襟復漫遊萬里孤
雲共飛錫道人行處自悠悠

留別蔣思耕

萍水相逢總異鄉多君義氣越尋常孤筇明
日臺山道千里回看亦莽茫

戲題小畫二首

五嶽嵯峨勢逼天鳥飛不到鎖寒煙幽庭寂
寂無雲宿留待人來學坐禪
雲過長空水過橋道人行處亦逍遙是誰留
得三分相你也描來我也描

靜中偶成八首

野人在處耽幽獨北地却疑聞鷓鴣深夜月
明開戶看庭前那有風吹竹
旋嵐偃嶽鎮常禪一念萬年曾未還說與世
間人不信工夫到後始方圓

大千一個水晶宮日月月須彌冷浸中不是幻
人能有相都緣心眼未未曾空

偶自良宵認得渠年來來隨寓樂無餘未知誰
得忘機去同與白雲行行太虛

大地分明一顆珠頭頭景象攝無餘總令擲

向別方去不動纖塵本自如

不背看經不住禪着衣吃飯自年年雖然未
得大周徧信手拈來總現前

道人處世竟無拘試看浮雲過太虛起滅去
來曾不住相逢何必道如如

觸處自知空即色等閒誰信土爲金茫茫宇

宙人無數究竟無能了此心

寄居山寺二首

白雲終日繞空飛片片飛作青山衣荆谷道
人眼不耐呼童半掩茆柴扉

誰謂幽人不解文山居安得事紛紛經行偶
曳杖藜去劃破飛來幾片雲

山中新秋夜坐

午夜峰頭覺暑微千山月色碧如飛吟詩忽
得驚人句坐久渾忘露濕衣

秋夜聞琵琶

長空秋色正堪觀誰把朱絃月下彈一唱又
兼三復嘆令人聽徹不勝寒

鴈宕偶題

余游鴈宕見題諾矩那尊者并大龍

史八

三

湫一詩云抱黃金膝挺雙眸萬丈巖
前看瀑流識得破今元是水請煩尊
者放低頭荆山師次之云我來送目
與雲齊着境令人意自迷巖下水同
巖上水男兒誰肯放頭低余因口占

云

龍湫開口似天高吐出黃河到半腰萬壑盡
爲飛雨處不知縹緲幾多遙

次韻復石王居士

昨宵因夢泛虛舟高視天涯一色秋今日醒

爲江上客何須更覓水中鷗

吳

子

示徒

厭諠求寂路猶差極樂娑婆本一家但得不
生分別念眼前都是白蓮花

余講法華於秘魔崖寺忽值大雪座間

漫成二偈

紛紛六出滿長空此境觀之更不同昔日靈
山元不異須知都在白臺中
未解桓因雨四花松風盈耳弄頻伽殷勤說
向叅玄者門外何曾有鹿車

示衆念佛二首

一句彌陀一葉舟一舟裝此幾間浮衆生度
盡渾無覺暑往寒來春復秋
一聲佛號一枝蓮樂土分明在眼前剔起眉
毛假誰力這迴不薦待驢年

贈碧淵禪人

翩翩一錫寄天涯遍扣禪關始到家不爲途
中婆子惑知君已飲趙州茶

同月川兄閱藏

幻影浮光倏爾過輪迴生死竟如何饒君日

覽窮三藏認指爲明當得麼

寄立禪瑩上人

二十年來爲學禪未曾將脇倒牀眠幾迴立
待三更月又送鐘聲到耳邊

即夢

扁舟昨夜泛春江，微聽漁歌楚韻長。
明月照人寒逼眼，忽尋歸路轉茫茫。

登北臺喜遇南舟兄

幾年相別不相逢，有幸還登叶斗峯。
信宿與君分榻坐，相看都在白雲中。

贈一源上人

拈來一字足爲奇，續得源生阿耨池。
四海五湖蒙潤澤，未知端的是闍黎。

贈翠峯林上人

巖前蘿影拂簾櫳，得意時登望海峯。
盡日看山情不厭，月明禪觀翠微中。

贈印心澄上人

教外自吾傳祖印，時中誰復問安心。
爲言直下本無事，留得闍黎立夜深。

寓隱山上人精舍二首

三八

二十六

暫借松房只半間，未圖衣食豈圖閒。
殷勤示語參玄者，莫謂予今學隱山。

盡日閒閒無所思，開牕每坐月來時。
近窺蒼翠心逾寂，滴露和煙謾寫詩。

再登北臺有感

直上清涼叶斗中，此中高聳落羣峯。
漫將日月爲明鏡，盡照源流處處通。

寄道安友人

野人久已忘情識，忽憶曾貽爾詩。
叶園中八月蔬正肥，時能惠我兩莖喫。

三八

三七

游日光寺贈拙庵上人

天地爲廬不假茆，田園歲稔詎徒勞。
試看往古灌蔬者，抱甕何曾羨桔槔。

中秋夜坐

月華生彩正秋容，丹桂香浮滴露濃。
無事野

人清不寐坐看林外亂飛螢

題香爐

有耳聞聲一似聾無容餘物動乎中灰心未必常如此贏得清煙便不同

壽三際禪師

錢氏之年未足誇誰云殤子壽些些爭如今日趙州老更接方來此喫茶

訪別山道友於西林留贈

德雲常住妙高峯有意探尋轉不逢今日偶隨支遁侶相看時在翠微中

寄悟玄少卿二首

昔日見君顏色好今日見君君已老百年如在剎那間未知胎息能常保
新秋兩訪故維摩歸去連遭雨澤何先濕袈裟猶未曝更思拽杖撥雲過

同安節吳侍御小癡徐山人再游善卷雲鶴相依踵舊游洞流澄碧映高秋層崖高論霏玄雪疑是巖間石點頭

東徹如吳儀部二首

圖合千山與萬山中間祇許野僧閒堂堂大道無輪迹天地爲門久不關
兀坐高軒雅趣多烟雲凝結滿松蘿忽聞隔塢林間犬白晝嘹嘹有客過

寄友四首

老去何須更掩關自慚無力走溪山白雲剛被秋風捲露出幽人閃爍間
浮生方及四旬五無論世間出世間獨憶杖藜曾伴我十年踏遍清涼山
大化真同水逝川前波落後波連可憐多少白頭者猶恨無恒獨秉權

每欲談玄未作家口中先落數盤牙予今喜
有當門齒只好留來咬爛瓜

贈雪莪茂士

獨憶君家肥膩草白牛初見曾餐飽試問今
年春信蚤不勤澆灌將無槁

辛卯季春溼初上人閉關贈偈四首

上人曾不愧桃花新得扁扉意可嘉除却徑
山曾指破徒令千古憶玄沙

見花悟道語紛紛天下雷音久不聞烏用別
圖尋劍客閉門應更有靈雲

誰知圓悟與玄沙千百年來兩作家識得果
師親見處碧桃今日又開花

羨君有志繼靈雲一見桃花便閉門何用玄
沙更饒舌從知迷悟本同根

過杭之法相寺偶題

宋

子九

四大合成原屬假走來都說是真身可憐遺
得些金屑眯瞎世間多少人

贈無已上人誦法華經偈

自信蓮花從口發須知佛果在心修悟來物
物原無已觸處頭頭是白牛

淨土偈四首

十方佛土一毛函未遂將伊作指南不識此
中誰獨醒出頭天外顧毘嵐

了知心外元無土土外看來猶有心莫恣伯
牙絃絕響子期初亦未知音

了知四大本來空一念回光總不容誰更喚
南還作北爲憐雲散月明中

我謂夢真真亦夢誰知真夢夢非真了知彼
此俱非實常寂光中有幾人

寄唐太常六首

此個分明不倚人無成無壞舊來均略言放

下便無事歸併精神孰有身

萬物共吾原一體休云天地未同根堂堂大

道無人走開闢已來誰閉門

大夢既醒誰作對拈來物物不思議野僧無

故因人惑問着依然猶未知

此道分明不遠人惟人自遠覺疎親而今四

海多商賈燕石非珍試贈君

幾度返觀親切矣豈知親切轉非真萬機休

息誰當會此事從來罕得人

龍池愧我無功德長者何多此布金寄語吾

徒爲珉勒但存千古不磨心

偶偈

山自青青水自流白雲終古恣遨遊道人一
種忘懷處慣引疎風撼鐵牛

史八

手

贈夷度居士持經偈

黑非文墨白非紙以妄遣妄俱不是舉未舉
念兩重魔究竟何曾轉一字

偶題六言

大道只在目前萬物皆備於我秤槌本分是
鐵杵日詎爲螢火天生萬物與人人無一物
與天到老不知慙愧忙忙走至黃泉迷者認
南爲北達者易西作東見處分明各別會意
何嘗不同

友人南還信筆漫贈

寥寥廣漠野杳杳無何鄉偃蹇尚不礙逍遙
亦豈妨太虛難比況露地空承當中有長髯
子端居丈一方噎唏咄但恁麼信向歸休漫
度量

送蘇中翰南還

誰云兩眼明反見瞳人不羨彼蘇學士深諳
此最久試寫盤山真不用翻觔斗寥寥宇宙
間摩詰是交友堪嗟末後句未曾何曾有放
汝歸去來唯聞獅子吼

余在京日偶過吉祥見有以佛菩薩生

史

王

辰詰難沙門者有以生死得失較量沙

門者即說偈曰

佛本無形形唯我形佛本不有孰爲形守佛
本無生況有生辰我尚非我彼乃何人生既
無生死亦非死最慙癡人競說夢事妄見有
生妄見有死若無妄見孰是不是無衣道人
所說如此

龍池幻有禪師語錄卷之八

音釋

釀

式亮切與餉同顫

之饒切顫

頭不正也

裁

將先切

赧

乃版切

赧

面慚赤也

赧

老彭

殤

尸羊切

未成人

也

裁

將先切

赧

面慚赤也

赧

老彭

赧

面慚赤也

赧

老彭

吏

在周爲

柱下吏

龍池幻有禪師語錄卷之九

史九

門人圓悟圓修等編

駁語引

物莫不有響響必有因有因則偏不偏係焉
不偏乃當偏則不當空印正量論因清涼作

史九

爲當乎否耶昔韓子目之爲弗平之聲良有
以也然清涼又豈無因因雜華覺首答文殊
偈語譬如河中水湍流競奔逝各各不相知
諸法亦如是清涼據性空初取江河競注而
不流證不相知未爲不可蓋性住義無乖真
諦俗諦不背性空一體非二者也疏終且謂
肇論既以物各性住而爲不遷則濫小乘無
容從此轉至餘方下論云談真有不遷之稱
導俗有流動之說則以真諦爲不遷而不顯
真諦之相若但用物各性住爲真諦相寧非

性空無可遷也不真空論方顯性空義約俗
諦爲不遷耳其言如此殊未知肇公作四論
依三諦立宗本有五法且物不遷何嘗外此
別有信住義體但易其名耳試觀三諦性住
性空信無多質復不會導俗導字乃方便語
却會錯了及以肇公物各性住作常情論爲
非真諦相迷使空印亦以遷字會錯了乃用
無常生滅法駁肇公亦不偏且謬耶况肇論
前有談真則逆俗順俗則違真之順字與此
導字首尾相照一貫者而宗本有曰諸法實
相謂之般若能不形證滙和功也惜清涼空
印皆以形證之又不得談真有不遷之稱導
俗有流動之說乃是乖而不可異其唯聖言
之轉語耳然幻有寧獨無因因如來語何耶
蓋吾釋尊出世設教度生原以根身器界有

情無情同個氣分一體故耳楞嚴所謂根塵
同源縛脫無二孰謂性空而非性住同體乃
不相知不見徵心佛令阿難以手拄頭又拄
其足謂云頭有所覺足應無知是可謂相到
而知耶非相到知耶其有辯耶其無辯乎豈
不以人身爲一小天地以一例諸可知也又
華嚴所謂情與無情共一體亦豈虛語即舉
山河大地明暗色空雲騰鳥飛等相如我明
明見時無別有見如我了了知之無別有知
曷嘗非一體而弗容契會耶清涼但知初據
性空引江河競注而不流以不相到故爲不
相知而未會性住性空一體實相知輒未曾
相到耳又但知物各性住濫小乘無容從此
轉至餘方而未知小乘此生此滅與大乘空
義當生即有滅不爲愚者說無間一線以心

史九

二

有大小爲差又以性空故不流而見有流物
不遷乃即源而不見有流其旨竟不相侔者
矣因語及此噫吾欲無言可乎時大明萬曆
丙午歲建寅元宵日寓京師普照禪寺無衣
老人釋迦正傳識

駁語

昔人有云世人但知郭象註莊子而不知莊
子註郭象猶今之世人但知空印駁物不遷
而不知物不遷駁空印何以故原夫肇論之
作有四曰物不遷曰不真空曰般若無知曰
涅槃無名然名題有四論之殊而大本即諸
經所云三諦總是破小乘凡外妄計非異法
也所依大乘般若之旨先建宗本義則曰本
無實相法性性空緣會一義耳如水之有源
木之有本據一宗本豈惟通諸四論即始終

史九

三

圓頓之教華嚴楞嚴法華圓覺其精神命脉未嘗不該貫也大端般若一空宗而有法相破相法性之異不出初中後善三法是也所謂法非法非非法衆生衆生者如來說非衆生是名衆生總之即不壞世間相而明實相者也故宗本云不有不無者不如見常見之有邪見斷見之無若以有爲有則以無爲無有既不有則無無也夫不存無以觀法者可謂識法實相矣即心經色不異空空不異色色即是空空即是色一義也以色不異空故色即非色以空不異色故空即非空矣以色空相即故明不壞世間相楞嚴所謂無動無壞是也所以題名物不遷者即無動義也不真空者又豈非無壞義乎華嚴理事無礙四法界旨亦不外此然四論一宗本而名題

歸旨不同者般若宗相異故如物不遷原本大乘法相宗據般若法無去來而作題名物不遷者以動而無動去住一致爲旨雖緣俗諦乃即俗即真去無所去未有一毫動相故也唯即去留一動靜屬此論本故肇師以性住證物不遷耳若不真空原本大乘破相宗據般若至虛無生而作題名不真空者以色之非色空有無殊爲旨根之真諦非空非色非有非無無有一毫住相故也唯非空色非有無屬此論本故肇師以性空證不真空耳其般若無知涅槃無名二論義雖有因果始終之分要之歸旨總屬大乘法性空宗中道第一義諦矣蓋由般若涅槃究竟深旨不可以心智知故般若以無知名焉不可以形名得故涅槃以無名名耳今空印法師特出異

計作萬八千餘言駁肇論物不遷題名曰正
量論正量首謂肇師不遷之說宗似而非
有宗而無因此甚不然又謂性空與性住敵
體相違更舛矣夫肇師論題名物不遷三字
即首楞嚴異名此云一切事究竟堅固無動

史九

無壞者蓋言物物從來實相不可以形證故
也試看論首破題之語謂生死交謝寒暑迭
遷有物流動人之常情承辭乃曰余則謂之
不然者是要反凡外惑見計世相有流動常
情以合不變不遷之道耳故引放光法無去
來無動轉旨爲證云尋夫不動之作豈釋動
以求靜必求靜於諸動云云以釋之暨中間
條目假向有今無等說無非藉以疊明無有
去來之相證成無動論旨耳原夫空印根清
涼雜華鈔語以性空證物不遷不知清涼引

史九

王

肇論所證尚迷其源況其他耶安得不使空
印誤賺却把遷字解作滅化義而復將無常
生滅有無一異法駁物不遷不亦過乎幻有
見雜華覺首答文殊問心性是一之說偈云
譬如河中水湍流競奔逝各各不相知諸法

亦如是清涼疏引肇論江河競注而不流用
證此義者蓋彼以江河競注而不流之相由
不相到以爲不相知耳故疏云是前後互不
相至各無自性只由如此無知無性方有流
注則不流而流也前後通有二義一生滅前
後謂前滅後生互相引排二此彼前後即前
波後波鈔釋生滅前後者此即豎說如壯與
老謂此流水刹那生滅前刹那滅後刹那生
耳釋此彼前後者猶如二人同行狹徑後人
排前前人引後此即橫說分分之水皆有前

後乃至毫滴皆有前毫後毫故聚衆多皆成
流注則無性矣豈以真諦性空圓融尚背俗
諦性住行布乎却不審肇論江河競注而不
流者即流而不流故所以謂物不遷恰是行
布不礙圓融耳且據疏鈔用性空義有生滅
前後此彼前後二釋總屬真常法無差所證
乃不流而流者也而弗會肇師用性住義證
不遷亦屬真常法遷而不遷者然遷而不遷
所謂性住不遷而遷所謂性空也故論云是
以如來因羣情之所滯則方言以辯惑乘莫
二之真心吐不一之殊教乖而不可異者其
唯聖言乎故談真有不遷之稱導俗有流動
之說雖復千途異唱會歸同致云云乃至苟
得其會豈殊文之能惑哉若清涼鈔謂觀肇
公意既以物各性住而爲不遷則濫小乘無

史九

六

容從此轉至餘方下論云故談真有不遷之
稱導俗有流動之說此則以真諦爲不遷而
不顯真諦之相若但用物各性住爲真諦相
寧非性空無可遷也不真空論方顯性空義
約俗諦爲不遷耳以此則知清涼猶未得其
機會豈亦不被殊文所惑耶獨不取肇公物
不遷旨而作準憑反以論中方便轉語將爲
定旨寧不有誤乎蓋談真有不遷之稱導俗
有流動之說乃是肇師設謂若談真諦爲不
遷者則又引起他俗諦依然還以流動爲流
動矣故所以云談真有不遷之稱導俗有流
動之說耳故肇師題名物不遷者殊不知即
俗諦也是伊即真諦也是伊輒不使以不遷
爲不遷復不使以流動爲流動故宗本云諸
法實相謂之般若能不形證滬和功也然又

豈可濫及不真空論約俗諦爲不遷耶疏小
乘亦說當處生滅無容從此轉至餘方而不
知無性緣起之義者蓋小乘固不知無性緣
起之義可謂無容從此轉至餘方而不與大
乘空義當生即有滅不爲愚者說同耳若肇
師每引物各性住輒不是死語試看言去不
必去閑人之常想稱住不必住釋人之所謂
住耳豈謂去而可遣住而可留耶清涼釋此
生此滅不至餘方同不遷義而有法體是生
是滅故非大乘但不顧大乘空義是破滯有
者之談物各性住語是破迷虛者旨俱爲凡
小對治良方何反執藥還成偏見耶疏謂此
論中含小乘此生此滅不至餘方并大乘生
即不生滅即不滅二意顯文所明多同前義
非也若清涼果以論中方便轉語談真有不

遷之稱導俗有流動之說爲物不遷定旨者
則不應用物不遷作題也使肇公還順凡外
常情感見俗爲流動真爲不遷矣故論云正
言似反誰當信者即物不遷論名題亦何有
耶縱有之其旨既乖遂不成名論矣敢謂不
識肇公言偏意圖之旨正曹溪所謂佛性無
常者以真如不守自性不遷而見有遷乃只
由如此無知無性方有流注即不流而見有
流是也謂善惡一切法分別心有常者蓋以
世諦法法皆真故不釋動以求靜必求靜於
諸動是合性住遷而不遷者也然則真諦俗
諦又果有異耶其無異耶果一體耶二體耶
清涼雖以此生此滅濫合肇公性住無動之
旨了無以常無常見駁肇公爲凡夫外道也
雖以真諦俗諦而誤證物不遷歸旨不合未

謬解遷字爲滅化義也今空印則不然務以論題遷字斷斷乎爲滅也化也以論中向有今無語即屬之三世即是異法異世斷斷乎爲無常以有無見故竟駁肇公一體凡夫一身外道矣蓋緣誤把題中一個遷字先錯解了見經論中遷字每連滅化二字以故謬解作不滅不化殊不知即變化二字尚不得濫用爲一義變乃化之漸化乃變之成豈可以遷字便當作滅化義用乎曲引向有今無爲無常法證不遷者此證不成乃贅且剩也蓋物不遷唯指無去來即動靜非以無常生滅爲論也獨不量肇師此論端爲破小乘凡外妄計而作彼烏得先不自審乃爾昏愚顛倒反蹈此斷常偏計之咎而取誚於後世耶即以性住不合不遷之旨盡先考宗本宗本如

不符不遷不待駁而早破矣今肇師先建宗本至後乃有四論四論之作未敢違宗本空印安知性空性住言異而旨同哉豈不聞性空者非頑空也然則安得性住又爲死住乎又豈不知本無實相法性性空緣會一義耶既初信此五法爲一義矣而終以性空性住離之爲不同者何也人間凡屬因緣所成底不出色心五蘊等法總之亦即一物耳故龍樹偈云因緣所成法我說即是空亦名爲假名亦名中道義不其然乎於是則知豈但性空可以爲空觀成真諦即性住亦可以作假觀成俗諦也又須知俗諦之性元空真諦之名亦假矣此中所見多有不同小乘凡外見以爲實有二乘見以爲偏空地前菩薩見以爲不有不空地上菩薩見以爲即有即空在

佛觀之空既無礙有亦不妨正所謂三乘觀法無異但心有大小爲差耳楞嚴所謂一切事究竟堅固無動無壞者亦即此一物耳以此物本無住故而所以物性未嘗不住肇師即之以依俗諦而言性住物不遷由是而作以此物尚未空故而所以物性未嘗不空肇師即之以依真諦而言性空不真空由是以名所以謂四論名題有異而歸旨無差也蓋性住之旨爲真如異稱乃實相別號以別號故宗本所謂雖觀有而無所取相然則法相爲無相之相是也若以有爲有則以無爲無有既不有則無無也夫不存無以觀法者可謂識法實相矣以異稱故宗本所謂聖人之心住無所住是也即法華是法住法位世間相常住維摩所謂一切衆生皆如也一切法

亦如也衆聖賢亦如也楞嚴所謂我真文殊無是文殊無非文殊總是也況肇師但謂性住一世未嘗言物住一方何以謂爲常見不聞金剛般若應無所住而生其心乎又不聞楞嚴法華以方涉世以世涉方之說乎方唯位向義世屬遷流義性住一世者亦是住無所住旨也且本論明說言去不必去豈不明即遷而不遷耶稱住不必住豈不明不遷而遷乎可見至人說法原無定執莫非爲人解粘去縛應病與藥即曰去住二字亦出乎不得已也又豈謂去而可遣住而可留乎假若去而可遣即屬頑空而斷見邪見於是作矣即使住而可留便爲死住而有見常見由此生焉試思宗本不有不無之義豈若是耶奈何空印但知膠粘了釘住須用遣去了花方

許生果者是死殺法而未識所以通變者也
若死殺法必以有爲有以空爲空是與凡外
斷常之見無差也又肇師云因不昔滅者但
就世人謂因滅處說不滅是合大乘頓教即
空即色即動即靜故也論所謂苟萬動而非
化豈尋化以階道覆尋聖言微隱難測若動
而靜似去而留可以神會難以事求可以神
會者是吾儕禪寂中妙觀也始見得靈山一
會儼然未散故耳以事求之則如世人但見
得目前生死交謝寒暑迭遷有物流動乃是
常情感見者也故肇師謂與凡外所造未嘗
異而所見未嘗同焉如空印固指肇論功業
雖在昔而不化及因不昔滅斷無此理若果
如是則衆生永無成佛之理修因永無得果
之期大小乘經俱無此說一切聖教皆言因

史九

十二

滅果生種子爛壞果方熟故何空印失鑑至
此論中分明謂果不俱因因因而果因因而
果因不昔滅果不俱因因不來今不滅不來
則不遷之致明矣何嘗謂因復來今而不滅
耶因既未嘗來今何衆生永無成佛之理何
修因永無得果之期果修因無得果之期又
成斷滅論矣則不遷之致何明之有耶以是
則知空印乃是凡情感見未之思耳空印既
同凡惑無差寧又不在肇論所破之中焉更
以成山假就於始簣修途托至於初步同聖
人功業不可朽行業湛然者空印謂是無常
之法非不遷者不然也如正量既以性空爲
肇師證不遷者何弗會色即是空空即是色
耶既會色空相即何弗會遷即不遷不遷即
遷耶既會不遷即遷遷即不遷正合古德所

謂但願空諸所有慎勿實諸所無者也且空印果以此爲常見即如世尊亦難逃此咎法句經云假使百千劫所作業不亡因緣會遇時果報還自受將亦爲常見乎若以化滅二字作遷字義今畧爲指破論中分明不化故不遷未嘗云不化即不遷也以此則知遷字非滅化義矣又以此則知非常見矣豈可以未化昔物遷來於已化之時乎殊不識聲論用色空生滅去住有無事理動靜等法俱是實相未見有一法以爲無常也空印果以有宗無因之說爲駁殊又不識肇師但以色空生滅去住有無動靜常無常等法以世人見此爲實有色空生滅去住有無動靜常無常等法故爲因即不以此色空生滅去住有無動靜常無常等法以爲實有故即此無動

無壞是爲宗旨曰物不遷者也孰謂有宗而無因乎又孰謂宗似而因非乎嗟嗟余非好辯也蓋由正量中引幻有前辯瑣瑣雖有篇章未殫鄙意故不容默默耳首篇云云者憶昔曾以常樂我淨語用正所駁是也余意蓋以如來出世說法有五時始於四時多談四念處法終至涅槃第五時而翻案乃曰真常真樂真我真淨者無有別法即以四念處反之是也非謂離却四念處法別有所謂真常真樂真我真淨也亦非謂離却世間法別有所謂出世間法也亦非謂離却無常世相別有所謂真常法身也若據空印言常樂我淨其名是一其說不同意指世間亦說常樂我淨者是豈不曰以無常計常以苦計樂以無我計我以不淨計淨耶否則未知空印果謂

如來亦說常樂我淨別更指個什麼謂常樂我淨者耶然而既知由色即空故動而常靜空即色故靜而常動且謂諸部般若皆此意而却言性住性空如水火不合敵體相違者何也空印還知昔物住昔今物住今以明物

卷九

十三

無去來之相以性住證物不遷之旨乎又知性空即性住者爲未嘗空故不遷乎性住即性空者爲未嘗動故不留乎幻有深達是故即曰混然一途朱紫莫辨而弗能爲空印引證出理寧甘之耳次篇云云者憶昔空印駁肇論以向有今無屬三世爲無常法非不遷者無他也總緣錯認遷字即滅化義是無常法論不遷之旨所以爲謬耳故幻有初引華嚴毘盧身亦屬三世兼法華述燈明智勝等事類之明毘盧真身亦即色空不二之旨無

動無壞以證不遷故與空印論旨不合耳幻有所言向有今無者大意雖指燈明非智勝智勝非釋迦未嘗濫爲一統而歷歷可指總而歸之即不壞世間相而明實相無動無壞爲今昔不遷者也非若空印引燈明章云彼佛滅度後如薪盡火滅兼智勝章云彼佛滅度來如是無量劫混然儻侗觀之但有斷見耳何以見得若空印錯會曰豈謂有物住於過去而不滅耶即此可知又引經云觀一切法空無動轉者豈曰有物而不遷耶則空印斷見無疑矣何以見得但看豈曰有物而不遷耶則知之然今幻有亦曰豈謂無物爲不遷耶若以無物爲不遷者大似論空花之濃淡較兔角之短長不亦謬哉大率須知肇師言向有今無功業不化因不昔滅性各住世

共明無去來義即世相而明實相無動無壞
證物不遷要當以神會不可以世相求也若
空印證幻有曰若毘盧真身十方三世隨處
充周間不容髮又約法身則曰昔本非生今
元不滅况又知色空本是一物而却言豈曰
有物而不遷又云豈謂有物住於過去而不
滅若此則可見空印言見諦而步步迷途
者也然空印至今可知肇師向有今無語是
去住一致空有殊名之道端非斷常偏見否
乎即設一幻道人此篇之說是何言歟吾恐
一幻道人會法華之旨弗如空印計也蓋彼
以世尊洎至法華會上是當開權顯實會三
歸一之際乃知二乘聲聞等衆既已彈偏折
小歎大褒圓到此則心相體信入出無難宜
授家財堪任大法始故語之曰諸佛兩足尊

光

十四

知法常無性佛種從緣起是故說一乘是法
住法位世間相常住云云是無性即性空也
緣起即緣會也一乘即實相也法住法位即
無動也世間相常住即無壞也是般若法非
法非非法即世相而明實相無動無壞一義
也即世相而明實相故心經所謂色不異空
空不異色如空印則徧計曰以色不異空故
馬不異乎牛也以空不異色故牛不異乎馬
也所以云牛之實相不異馬之實相馬之實
相不異牛之實相牛馬幻殊實相不二不二
之體何可遷乎是也若據標文則曰安知其
獨物物全真耶且夫真則不異異則不真既
然矣乃又曰今見異牛異馬而曰全真未之
有也豈不自生倒見耶又既曰真矣則牛不
異馬馬不異牛所言不異者非謂遷牛作馬

光

十五

易馬爲牛也蓋以牛之實相不異馬之實相
馬之實相不異牛之實相故耳則牛馬幻殊
實相不二不二之體何可遷乎若據牛馬幻
殊不二之體空印以牛馬外別更有個實相
分爲兩個也安得又成物物全真耶況牛馬
中間又有個同又有個不同有個同者實相
不二也有個不同者牛馬幻殊也試問牛馬
之外別更有個實相不二之體作麼模樣是
大是小爲短爲長是黑是白爲瘦爲肥是妍
是醜爲舊爲新以是則知空印尚未夢見實
相也始知一幻道人所見則不然以聞摩訶
般若云色無邊故當知般若亦無邊又云色
清淨故則般若清淨乃至一切智智清淨無
二無二分無別無斷故又見大慧杲師一日
到明月庵指壁間畫觸髅示馮濟川川有頌

云屍在這裏其人何在乃知一靈不居皮袋
杲師不肯以頌別云即此形骸便是其人一
靈皮袋皮袋一靈空印知否於是知一幻道
人即世相而明實相故則未嘗見有個同又
有個不同亦未嘗見有個異又有個不異如
心經色即是空空即是色即色空世相了無
一毫動相可見可得謂物不遷是亦法華法
住法位世相常住者耳以未見有一毫動相
故肇師云尋夫不動之作豈釋動以求靜必
求靜於諸動必求靜於諸動故雖動而常靜
不釋動以求靜故雖靜而不離動者也且一
幻道人既以動靜相即色空不二以符不遷
之旨則不如空印所駁也明矣况一幻道人
所談者不遷之旨也空印正量一冊所論皆
無常生滅之說於物不遷旨遽然不相干涉

然幻有憶昔出所正駁聲論狂言多矣奚止
常樂我淨華嚴法華毘盧法身等之謂哉其
他說種種遺之不究獨先曾指破遷字會錯
了在正量遺之可疑也果以指出遷字爲說
破病根則不應有是刻以詆諸非果以衆說
叅雜或日久忘之則不應單指一二法義以
彰不合即此謂不欺吾且莫之知矣或曰昔
肇師據般若大乘之旨建宗本作四論此物
不遷中間一一事相既明釋泮然矣獨華嚴
四法界旨云不外此尚未領會幻有曰曾不
聞圓融不礙行布行布不礙圓融之說乎即
前之二論既屬之法相破相是行布法後之
般若涅槃二論係性宗乃圓融之法無差何
足爲疑如荆溪尊者云三諦皆圓融之法故
夫三諦者天然之性德也中諦者統一_{十七}切法

文九

十七

真諦者泯一切法俗諦者立一切法舉一即
三非前後也含生本具非造作之所得也華
嚴事無礙法界者即俗諦也據荆溪言大乘
般若非離真說俗乃即真而俗者也故華嚴
無礙法界亦無背理之事乃即理之事所以
謂事無礙法界者也又華嚴理無礙法界者
即真諦也所以大乘般若亦非離俗說真乃
即俗而真者也故華嚴無礙法界曾無無事
之理乃即事之理所以謂理無礙法界者也
蓋言無礙者謂理不礙事事不礙理故也然
肇論物不遷即俗諦所攝故云求向物於向
於向未嘗無此非背空之有乃即真而俗者
也責向物於今於今未嘗有豈非依假談真
即事以彰理乎所以云於今未嘗有以明物
不來於向未嘗無故知物不去覆而求今今

史九

十八

亦不徃是謂昔物自在昔不從今以至昔今物自在今不從昔以至今是不謂之行布法即其不真空既本真諦總屬行布所攝唯般若無知涅槃無名二論既本性宗乃爲中諦共屬圓融之法即理事無礙仍繼之以事事無礙法界者矣所言中諦者總一切法也既曰圓融則何嘗礙乎行布即行布又豈礙於圓融者乎由是則知事理一如也空有一貫也真俗一諦也去住一方也動靜一理也死生一息也迷悟一念也暑寒一氣也延促一時也是非一致也今昔一夢也聖凡一本也彼我一人也以至萬物一體而天地同根焉是不謂之理事無礙法界者乎又以是則知世間事事法法無一不具圓融三諦之理無一不該行布四法界之緣所以謂事事無礙

法界者矣雖然如是會得圓融行布無礙道理了了分明毫忽不與第恐還不是爾我自已分中親切得力受用處祇是法塵分別影事所以謂見解入微見非是道意下丹青暫時可羨要得爾我真實得力受用直須大死一迴甦醒起然後親歷其利害得失榮辱是非存亡毀譽一切好惡逆順境界果無纖毫自欺處無一毫動念處始可謂真實行布無礙親切事理圓融者矣不然則如人數他家寶自無半錢分耳信果如此而再究般若涅槃深旨則了然離即離非是即非即則未見有一物爲世間法亦未見有一物爲出世間法又未見有一法可以爲圓融可以作行布亦未見有一法不可以爲圓融不可以作行布到此之際既無可與不可則名言於是乎

絕矣所以謂不可以形名得故涅槃以無名名耳又不可以智知故般若以無知目焉或又曰且肇師居羅什座下習講歷十年猶顏淵之事宣聖若鶩子之事世尊講席之盛無出其右爾時羅什命伊註維摩詰所問經每

史九

十九

稱優當若生融戲等皆龍象之儔未見有譏其非者洎後永明壽洪覺範大慧中峰諸大老咸取肇論語爲之準繩唯清涼則以小乘此生此滅不至餘方同不遷義而有法體是生是滅故非大乘謂觀肇公意既以物各性住而爲不遷則濫小乘無容從此轉至餘方下論云談真有不遷之稱導俗有流動之說此則以真諦爲不遷而不顯真諦之相若但用物各性住爲真諦相寧非性空無可遷也不真空論方顯性空義約俗諦爲不遷耳若

此等數語清涼豈不既有失於初也致令空印繼之務於無過中求有過以清涼濫同小乘駁之爲未深輒把不遷揉作不滅不化以向有今無屬無常法爲賊證務駁肇公成一個常見凡夫又成一個斷見外道其天淵之

謬有如此耶是知空印果有量耶其無量耶愚謂當以正量正字易爲無字可耶未審吾師以爲何如幻有曰嘻吾至此不欲復言之矣即正量中種種異說吾猶未暇一一枚舉又奚暇是非乎他論耶雖然是論果空印之駁物不遷耶抑物不遷之駁空印耶有識者辯之駁語跋

刻是語已客有三歎奇哉而繼息悲夫再三乃問幼有焉曰若知之乎曰弗知也曰若以

空印駁肇論既謬矣爾何人乃反歸咎於清涼是弗有誤乎曰弗知也曰豈清涼不識肇公熟爛教乘精通義學乎曰弗知也曰彼或未若肇公深明方等至趣洞徹般若淵微爲物不遷文辭變換所惑尚迷其源乎曰弗知

史九

子

也曰或果未會物各性住於一世是言住不必住釋人之所謂往耳乎曰弗知也曰又彼果未會觀方知彼去去者不至方乃是言去不必去閑人之常想謂乎曰弗知也曰彼或未原物不遷初語尋夫不動之作云云是兩言一會而惑者不同乎曰弗知也曰彼果不解正言似反誰當信者乖而不可異其唯聖言之說乎曰弗知也曰彼特未知物不遷是不容言之言論之猶未嘗論否乎曰弗知也曰然則若謂物不遷於小乘果有濫也否乎

曰弗知也曰若謂真諦俗諦果異耶其無異乎曰弗知也曰若又知空印之駁物不遷果駁之耶否乎曰弗知也曰若又知若茲不容辯處乃強辯之果然耶否乎曰弗知也於是客乃啞然笑曰怪哉若何人者也既且是非好惡縱素智愚重輕可否總若弗知則不容聲矣孰與若辨哉遂使幻有默然深慙良久徐徐更進曰余誠弗知因筆之以爲跋云

荆溪釋傳道人書

龍池幻有禪師語錄卷之九

史九

子

音釋

駁同駁論列是枉陟栗切音室監虛賊切
也非謂之駁與枉通擣也監音寃竊
也讀也又實具位切音彈多寒切音單
失實曰濫實置也龍也彈盡也又凡盡皆

龍池幻有禪師語錄卷之十

史十

門人圓悟圓修等編

性住釋引

余屬性住釋擬定諸木門人圓修輩再稽首止之曰和尚前刻駁語某甲歷見有作色呵

之者至有撫掌爲笑者將無見以不測加諸

史十

余因笑云吾徒爲慮固然若其不嗔則不見吾真若其不笑則不足爲道而未會吾正愆此輩不知向方茫無着落爲設故永嘉大師云不是山僧逞人我脩行恐落斷常坑耳所

以此中不咎空印而咎清涼者安知此輩不效清涼蹈襲空印爲之耶況吾爲法門大係有三不得不辯第一爲余與空印友人爲同叅相見笑巖和尚來第二爲笑巖和尚生平務教外別傳之旨接人未嘗濫可義學第三

爲達磨未來此土教家咸已知歸聖諦第一

義然而斷常坑見云何如清涼果以性空爲不遷者則知以不遷爲不遷故豈不爲斷見耶更若偏取真諦說不遷者是則又引起他俗諦爲對真故以遷爲遷矣是豈非世間常情所見乎故肇公云談真有不遷之稱導俗有流動之說是也寧知物不遷題旨要以即真俗諦會題明不遷故則無以不遷爲不遷不遷即遷耶復不以遷爲遷故遷即不遷耳因語及此且截斷葛藤爲引

性住釋

喟夫人情之惑久矣奈何固結而不釋良爲永息茲會客有以肇公物不遷等論真同莊生齊物之旨回向大乘無不圓通爲言余應之曰子但見其華而未見其實又客有曰但

世間出世間法無精麤無好惡無是非無內外畢竟平等性空無有可說處余又應之曰子但知一而未知其二耳余昔居臺山時有空印友人示我正量稿大都宗性空而駁肇公性住之說因與辯未竟還南迄今壬寅秋

史

二

來京得會伊于慈因精舍仍以刻本示余余目之多覺其未了了因又辯焉此豈余之好爲諛諛亦因彼是而是之即彼非而非之耳且是是者固有師而非非者寧無師乎今余舉彼是而是之則無逾龍樹舉彼非而非之則曷舍清涼故舍清涼所謂物各性住一世爲濫小乘於何以責其實逾龍樹則不來亦不出合住無所住於何以見其玄以是知是是者何嘗未是非非者安得不非况不解談真則逆俗順俗則違真與夫不遷流動之說

爲方便釋題轉語烏又知物不遷諦是即真之俗不真空諦乃即俗之真實無生旨一體無殊故彼始豈弗會三諦理爲圓融法既終何忘乎空有相非對待言歟及余閒簡涅槃大典始知性空之說尚屬不了義經豈得無說再開中論益知物不遷等論其出有自皆究竟大乘無生旨來根本與法華涅槃潛符密契如出一口即法華譬喻品如來其猶長者權以三車誘引諸子既出火宅於四衢道中露地而坐到此之際方稱本懷所以等賜諸子一大白牛之車是破三乘之權歸一乘之實事耳正合中論破盡諸法始知性住性空真諦俗諦以至般若涅槃皆爲戲論不實即觀涅槃品云究竟推求世間涅槃實際無生際以平等不可得故無毫釐差別又於畢

史

二

竟空中皆不可得諸有所得皆息戲論皆滅
戲論滅故通達諸法實相得安隱道從因緣
品來分別推求諸法有亦無無亦無有無亦
無非有非無亦無是名諸法實相亦名如法
性實際涅槃是故如來無時無處爲人說涅
槃定相是說諸有所得皆息戲論皆滅況性
空性住而有定相乎以是知前輩題名著作
務先循本自有旨歸竟非從空鑒出觀物不
遷等論初若潛取彼義無露一毫圭角細原
其旨終竟合一而不背然有道殊世異百慮
一致理固相符而可證者若龍樹大士直取
如來一大藏教以至法華涅槃究竟了義作
端本既得其要仍舉如來藏中因緣等一一
未了義名相悉破之曰不生亦不滅不常亦
不斷不一亦不異不來亦不出能說是因緣

善滅諸戲論我稽首禮佛諸說中第一如關
鑰開固閉若金剛擊重堅至哉斯語益可喻
針攻藥石之治無瘳瘡之難破靡蘄滯而弗
通鎔盡萬法而畧義類有二十七品成六卷
故僧叡序云滯惑生於倒見三界以之而淪
溺偏悟起於厭智耿介以之而致乖故知大
覺在乎曠照小智纏乎隘心隘之不曠則不
足以夷有無一道俗知之不盡則未可以涉
中途泯二際道俗之不夷二際之不泯菩薩
之憂也蓋聲論物不還不真空般若無知涅
槃無名四要所元出於此如諸法不自生亦
不從他生不共不無因是故知無生至宗本
所謂本無實相法性性空緣會一義者亦即
觀四諦品所謂衆因緣生法我說即是無亦
爲是假名亦是中道義未曾有一法不從因

緣生是故一切法無不是空者而已顧物不遷中責向求今等說出自破去來品偈曰已去無有去未去亦無去離已去未去去時亦無去又去者則不住不去者不住離去不去者何有第三住即合之言去不必去閑人之

史十

常想稱住不必住釋人之所謂住耳豈曰去而可遣住而可留等語何等親切顯著明白即梵志少壯同體百齡一質彼破行品云言五陰虛妄無有定相如嬰兒時色非葡萄時色葡萄時色非行時色行時色非童子時色童子時色非壯年時色壯年時色非老年時色等云云惜乎以我有限之形而隨無窮之世以無住故所謂有力者負之而趨昧者不覺其斯之謂歟以實無去故所謂物各性住一世不容以此之世爲彼之世則豈容以此

史十

五

之物爲彼之物此之性爲彼之性故消息盈虛各自有時而春花秋月斷不可易即古來大聖神若某開闢若某垂拱某征誅某制作某演化亦先天而天弗違後天而奉天時不能爲時能不失時試思之功流萬世而常存道通百劫而彌固皆以功業不化故不遷而況物乎彼觀業品偈云雖空亦不斷雖有亦不常業果報不失是名佛所說故經云三災彌綸而行業湛然信其言也即果不俱因因因而果因因而果因不昔滅因不昔滅句便見肇公妙會處若謂昔因滅而有今果者可謂之無因果何也以因滅而有果故故彼觀因果品偈曰若因與果因作因已而滅是因有二體一與一則滅若因不與果作因已而滅因滅而果生是果則無因若衆緣合時而

有果生者生者及可生則爲一時俱若先有果生而後衆緣合此即離因緣名爲無因果若因變爲果因即至於果是則前生因生已而復生云何因滅失而能生於果又若因在果云何因生果若因徧有果更生何等果因見不見果是二俱不生若言過去因而於過去果未來現在果是則終不合若言未來因而於未來果現在過去果是則終不合若言現在因而於現在果未來過去果是則終不合若不和合者因何能生果若有和合者因何能生果若因空無果因何能生果若因不空果因何能生果果不空不生果不空不滅以果不空故不生亦不滅果空故不生果空故不滅以果是空故不生亦不滅以是則知性住性空總是大乘方等無生一實之旨兼

知真諦俗諦咸爲般若圓融三諦無疑故觀成壞品云若法性空者誰當有成壞若性不空者亦無有成壞成壞若一者是事則不然成壞若異者是事亦不然若謂以現見而有生滅者則爲是癡妄而見有生滅所有受法者不墮於斷常因果相續故不斷亦不常若因果生滅相續而不斷滅更不生故因即爲斷滅法住於自性不應有有無涅槃滅相續則墮於斷滅若如此說合果不俱因因而果因因而果因不昔滅則何處又有生滅斷常一異去來之偏耶又若初有滅者則無有後有肇公謂因不昔滅則無是咎初有若不滅亦無有後有肇公云因不來今亦無是咎何也有今昔之分故若初有滅時而後有生者滅時是一有生時是一有此豈非異法耶

若言於生滅而謂一時者則於此陰死即於此陰生此豈非一法乎故清涼以物各性住一世濫同小乘者此耳且物不遷所宗俗諦即性住旨乃兼時而言者以因不昔滅故故無時外之物然即因不來今又豈有物外之

卷十

七

時乎以此則可謂之圖見可謂之無生旨可謂之了義經若清涼所謂物之性空者但言物不言時豈不顯然以性空之物出在時外耶以此較彼執偏執圓故涅槃判屬不了義經不亦宜乎且原肇公因不昔滅一句何嘗不識分分之水皆有前後乃至毫滴皆有前毫後毫耶故彼偈又曰三世中求有相續不可得若三世中無何有有相續如此究竟須知肇公云性住性空之旨果有因耶其無因乎即於因果一法較之中論無生之旨且有

異耶其無異乎一法如此其他法法不言可以神領默會故前觀涅槃品曰究竟推求世間涅槃實際無生際以平等不可得故無毫釐差別信矣問若性住語肇公初不列宗本獨物不遷中成無去來義所設者何也答彼以性住義屬無生旨在宗本五法亦無一不舍何須別列其名耶故破行品云若有不空法則應有空法實無不空法何得有空法問若性住果是性空對待法宗本固不須別列者何于華嚴法華涅槃般若大乘方等諸經中以真諦俗諦色空事理斷常成壞生滅真如涅槃五陰彼我異同等俱屬對待務用並彰何也既性空之說在涅槃大典謂屬不了義經始知性住語固是性空對待法無疑矣又何諸大乘經典并諸先聖賢俱未倡獨肇

公於物不遷中始言之耶答是何言歟蓋諸大乘經論題名立法雖有偏圓單複不同但所彰法道不可偏廢拘泥而不通唯在人不在法耳所云法者何也唯屬吾心故馬鳴大士起信云依一心法有二種門一心真如門

史十

二心生滅門以是二門不相離故如如爾我一念纔生住相滅相俱時頓現即生住滅相在二乘人觀屬有爲法如法身菩薩等覺於念住念無住相以離分別麤念相故所謂在人而不在法以是知大乘經論并諸先聖賢所談種種法門俱屬吾心又何嘗離了生住滅相謂之非法可乎又謂諸先聖賢而曾口掛壁上可乎豈但過去諸聖賢即現在并未來諸聖賢無時而不說法古人所謂乘時說法故知往者某佛某祖師說法在某年月日

時即如而今現在某禪師法師說法談經在某年月日時即令人按諸時事可以稽考不失豈謂肇公云性住一世便同之凡外偏見惑執屬彼有爲法耶又豈以肇公同彼鈍根癡人見有着有見空着空計有一物在彼死

住而不移耶問所言性住固然但恐性住一

世與法華法住法位不同何如答亦無不同法住法位者何即無所住心當體寂滅湛然不動是也但肯諦信試一時頓斷却生滅念緣直下便見得湛然不動心體還有邊涯際

史十

九

畔麼倘爾見得廣大心體了便識得肇公性住一世亦不出心外既知得性住一世不出吾心即與法華法住法位有何揀別既又識得性住一世與法住法位無殊亦豈異般若經中所問真諦俗諦其有異耶其無異耶答

云無異若真俗之諦既爾無乖即色空之旨
亦何嘗有異如此則有何對待之法不是大
乘方等而乖中道無生一實旨耶况物之所
生由時而著且時無別體必亦因物物非懸
空亦必因時故觀時品云時住不可得時去
亦不可得時若不可得云何說時相因物故有
時離物何有時物尚無所有何況當有時夫
世者當時之謂由是知世不能外物物又安
能離世所以知物在時亦在時亡則物亦亡
安得不可謂性住一世耶亦豈異乎法住法
位耶畧語物之性空者非無物也以非無物
故故肇公有不真空之作今有以不真空三
字并物不遷三字俱離開作兩段釋者可發
一喙所謂性住一世者亦非有物也以物物
未嘗住故曾不離世故云性住一世耳然性

住一世豈是常情感執偏見而不移以物無
不遷故非無因非無因故以物不遷爲題云
又豈以世遷故謂物不遷以物遷故謂世不
遷耶此直以世在物亦在世遷而物亦遷故
云物各性住一世者耳既謂之世也物也豈
同龜毛兔角既謂之物也世也亦豈異乎兔
角龜毛若肇公引中觀云觀方知彼去去者
不至方既曰不至謂至則不可實有所去人
不得謂無去設有得有至又謂之形證矣抑
豈般若更有塵累耶問然則題名物不遷者
固非偏辭也所宗乃緣俗諦直以遷說不遷
者如諸大乘經中對真說俗指色談空皆此
類耳即不真空所宗真諦當何所表有甚分
別處荅快哉是問佛所談大乘真諦者爲破
凝暗凡夫人我見而設心經所謂色不異空

空不異色以色空相因有故皆非其實名未究竟云不了義所謂大乘俗諦者是破二乘鈍根法我見而陳所謂色即是空空即是色以色空不二動靜靡殊爲究竟旨亦名了義經所以真俗之諦既具各有攸當不可不知且不聞馬鳴起信所謂一切邪執皆依我見若離於我則無邪執一人我見二法我見人我見者依諸凡夫有五種一者聞修多羅說如來法身畢竟寂寞猶如虛空以不知爲破着故即謂虛空是如來性云何對治明虛空相是其妄法體無不實以對色故有是可見相令心生滅以一切色法本來是心實無外色若無外色者則無虛空之相所謂一切境界唯心妄起故有若心離於妄動則一切境界滅唯一真心無所不徧此謂如來廣大性

史十

十二

智究竟之義非如虛空相故蓋今人多認着虛空是如來性以爲法身以爲實相如此則實相與世相竟不同即色身與法身亦有異耳倘無志爲人天眼目垂範後人則已果有志焉不可不熟玩是論不可不究明斯旨祝祝二者聞修多羅說世間諸法畢竟體空乃至涅槃真如之法亦畢竟空從本已來自空離一切相以不知爲破着故即謂真如涅槃之性唯是其空云何對治明真如法身自體不空具足無量性功德故乃至三四五云云亦復如是法我見者依諸二乘鈍根故如來但爲說人無我以說不究竟故見有五陰生滅之法怖畏生死妄取涅槃云何對治以五陰法自性不生則無有滅本來涅槃故即中論破因緣品青目亦謂佛滅度後後五百歲

像法中人根轉鈍深着諸法求十二因緣五陰十二入十八界等決定相不知佛意但着文字聞大乘法中說畢竟空不知何因緣故空即生見疑若都畢竟空云何分別有罪福報應等如是則無世諦第一義諦取是空相而起貪着於畢竟空中生種種過龍樹菩薩爲是等故造此中論故青目於觀法品註云因破我法有無我我決定不可得況有無我若決定有無我則是斷滅生於貪着如般若中說菩薩有我亦非行無我亦非行云云觀四諦品偈曰空法壞因是亦壞於罪福亦復悉毀壞一切世俗法青目謂若受空法者則破罪福及罪福果報亦破世俗法有如是等諸過故諸法不應空倘謂性空爲究竟了義則奚分世間出世間法即一切善惡因緣禍

福報應等俱爲一體何於善惡業性獨不空而五戒十善務生天上人間作十惡五逆定墮三途地獄竟弗少有差忒故中論曰若無因有果者布施持戒應墮地獄十惡五逆應當生天何也以無因故若現膺福慶非營善所召罹禍患不測不本積惡所致如此則爲善者屈甚作惡者幸甚故曰於畢竟空中生種種過如是乃知善惡業性原是不空業性不空則知真如涅槃等性亦不空了然明矣問如此究竟既明但學人愚昧尚有餘疑未

史十

主

雪前謂肇公四論之要出自破因緣品首偈四句於此當如何配合荅爾既知得龍樹所說句句爲中道語務合無生之旨況此四句有何可疑即肇公雖有四論之殊無一不歸了義大乘此四論四句總是一個氣脉互攝

互融無一不可配合然以物不遷配之不來亦不出人所易曉以物各性住一世顯然彼以爲病者試配之既曰性住一世謂不見有一物自世外入來者豈不曰不來既不有來應有出否曰亦不出若謂有出應見此物有

字

士

時出向世去以無見亦無此義故故曰亦不出以物各性住一世故物不爲世世不爲物故曰不一既曰不同可謂是異法曰亦不異何也以無世則無物有物即有世故故曰亦不異又以物各性住一世故以世性本空物體無實以世與物相因而有故謂不常亦不生既謂是相因而有應有續斷亦應有滅曰亦不斷亦不滅何也以無世無物無物無世故故曰亦不斷亦不滅耳余所以云彼偈雖有四句不同總合無生一實之旨即肇公四

論總是一個氣脉舉此四句配諸四論法法未有不合處由是題名物不遷者正以物各性住一世故耳問前謂談真則逆俗順俗則違真後又曰談真有不遷之稱導俗有流動之說二語當如何會釋以成一貫答此前後

兩說總是肇公善巧釋題轉語務用合歸中道無生旨故若肇公果以物物皆真建題說不遷者應言順俗反謂之逆者何以遮世人視有爲俗物俱屬遷移流動故而不知肇公正所表下句之文乃爲順俗者是也以背真故則知俗諦法法總是無常敗壞物耳豈不原同波斯匿王所見現前念念不停新新無住者於是知次句所謂違真故迷性而莫返逆俗故言淡而無味肇公所謂不然者爲以即真俗諦樹題名不遷故曰物不遷雖爾逆

俗不爲無味之談性雖未返不是違真之說
故後所謂談真有不遷之稱導俗有流動之
說豈不有召有應而終成一貫爲中道旨耶
此所謂正言似反誰當信者畧釋如此又如
肇公之意以遮表詮量再釋談真則逆俗者

史十

十五

若以即俗之真說不遷則言逆而理順何也
以遮俗諦之遷而說不遷故謂之言逆以表
性空不遷無礙遷故謂之理順如此則言理
之義無乖逆順之旨不異此謂遮表同時釋
故肇公後謂談真有不遷之稱是也下句順
俗則違真者若以即真之俗說遷則言順而
理逆何也以遮真諦之不遷而說遷故謂之
言順以表性住不遷非異遷故謂之理逆如
是則言理既其相乖順逆之情不一此謂遮
表不同時釋故肇公後謂順俗有流動之說

是也然而豈知性空之旨即不遷而見有遷
者性住旨即遷而見不遷耶但以遮表不同
時故謂之行布法謂之物各性住一世故題
名謂之物不遷耳又以遮表同時故謂之圓
融法謂之真俗不異空有無殊故題名乃謂
不真空焉問題名曰物不遷曰不真空所宗
二諦總屬圓融法何又有彼此之局清涼與
肇公所說不同耶答物體本一而在人所見
并用處不同故可以說真可以說俗故肇公
云豈以諦二而二於物哉以是之故所謂爲
圓融法耳原夫肇公立題本意各有攸當須
知不真空所宗真諦性空爲即俗之真故論
以有無一本物不遷所宗俗諦性住乃即真
之俗故論以去住同源以是知二諦未始異
二論未嘗同耳故涅槃第十三卷佛答文殊

史十

十五

所問第一義諦世諦曰有善方便隨順衆生
說有二諦如出世人之所知者名第一義諦
世人知者名爲世諦問既云二諦之旨無差
即物不遷依清涼性空謂不遷有何不可答
倘如此又不相當矣不見涅槃如來性品云
若言如來入於涅槃如薪盡火滅名不了義
又云如經中說一切燒然一切無常一切皆
若一切皆空一切無我是名不了義何以故
以不能了如是義故令諸衆生墮阿鼻獄所
以者何以取着故於義不了一切燒者謂如
來說涅槃亦燒一切無常者涅槃亦無常苦
空無我亦復如是是故名爲不了義經不應
依止問性空之說既不應依止如何性住又
堪依止耶答前不云乎其貌似偏其旨則一
所謂在人而不在法如中論觀因果品所談

空有生滅以歸中道一實之旨二偈云果空
故不生果空故不滅以果是空故不生亦不
滅又果不空不生果不空不滅以果不空故
不生亦不滅今物不遷性住之旨則併諸者
出自中論一本耳故云言去不必去閑人之
常想稱住不必住釋人之所謂徃耳豈謂去
而可遣住而可留耶若此發揚性住之旨可
謂是有爲俗物不可以立宗依乎可謂是常
情惑執偏見乎故中論偈乃又云諸佛依二
諦爲衆生說法一以世俗諦二第一義諦若
人不能知分別於二諦則於深佛法不知真
實義若不依俗諦不得第一義不得第一義
則不得涅槃不能正觀空鈍根則自害如不
善呪術不善捉毒蛇世尊知是法甚深微妙
相非鈍根所及是故不欲說余故謂子但見

其華未見其實又子但知一而未知其二耳
且無論他說即因不昔滅一句該盡不生亦
不滅不常亦不斷不一亦不異不來亦不出
四義矣可謂之妙會否乎而況全題物不遷
及種種餘法并不真空般若無知涅槃無名
等論而又有異旨^{十六}且不合耶雖然性空亦
住性住亦空豈有二義惟執一則義未完且
立論如龍樹肇公亦豈可遂輕議也者余故
不容無辯特書此爲性住釋以俟識者
物不遷題旨

既夫衆生耽染五欲之樂沉迷六趣之苦出
此入彼無能解脫者何皆由未達世相本空
俱無自性故耳所以如來愍之說摩訶般若
色空不二物我同源旨者蓋緣此輩作也故
謂之破有法王於法自在即肇公繼闡如來

十七

般若涅槃本旨復作物不遷等四論者亦豈
有他哉然有不善會者反從而咎之以爲異
旨不亦怪事因原之宗本不有不無一句大
端此四論題旨都在其間矣試以物不遷三
字驗之若據世諦而論即題名一個物字實
實是個物可謂是有果真實是有則一毫也
移動他不得而不知但是名字故金剛般若
云衆生衆生者如來說非衆生是名字衆生
以此則知物字亦是名而非實既不得以物
爲物故知有亦名字不可以有爲有以有即
無故以動即靜以遷即不遷爲真諦相故肇
公始謂談真則逆俗是也雖云逆而何嘗逆
以性空義會有無名法爾靡殊然既不得以
物爲物又豈可以非物爲非物哉以非物未
遺跡故以無即有以靜即動以不遷即遷爲

俗諦相故云云順俗則違真是也雖曰違亦何嘗違以性住旨合動靜體本來非異茲兩言者肇公初爲立題之難言也據真實理言不遷者則逆世人謂有生死去來見故若順世人果有去來生滅之見說遷者則又背却無生真實道理也後復謂談真有不遷之稱導俗有流動之說相繼有二言者肇公正要表明立題本意爾也所謂談真者言實智也若據實智則不必去有談空離動求靜廢遷說不遷所謂談真有不遷之稱是焉然曰不遷而未嘗不遷爲以性空故不遷即遷耳導俗者說權智也若依權智而說亦以空不廢有以靜不離動以不遷非去遷故所謂導俗有流動之說者是也然言遷而未嘗遷爲以性住故遷即不遷耳然則以物不遷爲題者

史十

十

何嘗偏以俗諦命題說遷又何嘗別有真諦異題說不遷耶肇公旣爲掀翻般若妙旨立物不遷三字作題者豈不以有無一貫動靜同源爲唱乎何獨於去住之義真俗二諦不得共本又有異旨耶况肇公分明云以性空言去不必去以性住言住不必住旣言去住之不必者知皆因對待言也以對待言故是知即去住而非去住也何嘗俗諦相有違真諦相乎據清涼云肇公若以物各性住爲真諦相寧非性空無可遷也然肇公非不取真諦務用俗諦性住證不遷者恐偏於真諦性空由屬不了義經以故不獨取之故用物不遷字立題意在真俗不二耳清涼以肇公物各性住於一世有何物而可去來云是濫同小乘此生此滅無容從此轉至餘方而有法

體是生是滅爲一法矣然肇公但言物各性住於一世未嘗言物偏死住於一處其物各性住於一世者原符法華是法住法位世間相常住旨其性住者對性空說殊不知性空義空實未嘗空乎即性住義住實未嘗住耳

卷十

十九

且性住性空旨果同耶異耶其一世之世字乃時字異名時無住相然則即知性住一世亦是住無所住矣再言物各性住於一世者中間雖有今昔相懸不一然亦不異會去住古今俱不必故所謂去不必去以去即住住不必住以住即去故去住雖殊其趣不別又古不必古以古不異今今不必今以今不異古以今不異古今還作古以古不異今古亦曾今然而今不至古古亦不至今故謂之各性住於一世有何物而可去來耶輒未曾言

物偏死住於一處耳既未嘗言物偏死住於一處者則何所謂是濫小乘此生此滅無容從此轉至餘方而有法體是生是滅爲一法乎是乃清涼檢點不到處且觀但願空諸所有詎非真諦旨慎勿實諸所無又非俗諦義乎况肇公所言各住者亦因對惑有去來而言也若不因對惑有去來而言各住者是無因論也空印謂此有宗無因者奈無夢見肇公何豈知肇公發揮般若旨故即因遷說不遷又肯借他別法以爲因耶若用借他別法作因者則不合般若色空不二物我同源旨矣以般若果不離因故因生死即涅槃因煩惱證菩提因無明明佛性因塵勞得解脫極而推之即內之根身外之器界總不越此三字以俱無自性故若以物爲物故即真如皆

爲俗諦由不以物爲物故即俗諦便是眞如
矣以此物字未嘗動故所謂不遷者只是不
曾滿得他肇公意理在若要眞實滿他肇公
意須知伊說遷是爲對不遷者說即說不遷
是正對遷者說耳如此則若言肇公說又何
嘗說若言不說又何嘗緘口默然來更若說
此物并肇公兩俱不曾動者是動過去久矣
太煞從來似不有人知道在奈何但看清涼
此說則知之然本之實相中間實無個遷與
不遷爲對遷故有物不遷說以此三字看眞
活潑潑地要在人別具隻眼豈得以死殺法
看是
贅語
竊觀空印註解肇公般若無知論中云且無
知生於無知者以不解故輒把下面無知無

字去掉了爲是註之可發一笑果如此又是
圭峯當初謂圓覺經中一切衆生皆證圓覺
改之皆具圓覺是也而不知肇公意旨正說
般若無知者且無個知生於無知耳若有個
知生於無知者無知是一個知又是一個似
爲兩個也以無知未嘗生出個知來故所以
云且無知生於無知無無知也無有知也唯
不以無知爲無知故無知即知不以知爲知
故知即無知止是一個未曾作兩個看也若
除却下面一個無字又是知生出個無知來
了然雖與肇公意思相反不同大端止是一
個道理以知與無知還爲兩個也殊不思亦
不以知爲知故知即無知不以無知爲無知
故無知即知耳則不可說爲有個知故爲有
個無知終爲兩個也不見下面云無有知也

謂之非有無無知也謂之非無又曰真般若者非有非無無起無滅不可說示於人即知此個靈知自性般若既不屬於有無亦無起滅即知盡十方徧法界亘古今無物我無非總屬我一個靈知自性無疑矣即天地與我同根萬物與我一體不亦了然耶以此知空印註解何曾夢見肇公在幻有淺見如此當有識者鑑此爲何如蓋緣空印錯認了所知非所知所知生於知所知既生知知亦生所知所知既相生相生即緣法緣法故非真非真故非真諦也所以去掉了者個無字殊不會肇公說般若無知屬無生旨故所以不同耳

有僧問師曰和尚邇年來還在文字中留心否師曰弗也僧遂亢語曰既不在文字中留

心又安能解得文字師謂此問何意耶曰某看和尚性住釋見有笑于空印大師處如和尚意畢竟要把不真空三字作一句念爲是耶師曰然曰然則世間文字中但無這樣文法如某甲看實以世間法法不真故空耳師曰然則世間真故有不空物乎僧曰有即金剛舍利等是師曰然汝豈不自迷其源乎何則若金剛等以如性故能堅久者見火則不合鎔唯舍利以業力薰故能堅且久者然亦曾無自性又何嘗不空哉除此外別更有不空物乎麼僧曰某識見不廣世間物未能盡識如眼前所見則未有真不空物其實唯不真故空耳師曰然則汝還知世間空亦不真乎麼僧曰某愚昧未解其旨敢乞和尚明指師曰余所謂不真空如宗本所謂不有不無

者何正不可以有爲有以無爲無以有無俱
未真故肇師所以有不真空之作大都因
無見無以有彰設世間無無又孰能見其有
耶以有既不自見其有以有即無故所謂之
真諦以無既不自見其無以無即有故所謂
之俗諦即這兩法不異然亦不一豈容此外
別更有個無字見存耶故所以云不存無以
觀法者可謂識法實相矣如此見得可謂色
大般若大色清淨故般若清淨又云一切智
智清淨無二無二分無別無斷故耳又云見
法實相謂之般若能不形證滙和功也然則
般若之旨又豈可以有無雙準空色兩真哉
以故直謂之不真空論焉不可以有無雙準
者則不得以有是有以有即無亦不得以無
是無以無印有此謂有無一旨又不可以空

史十

三

色兩真者則不得以空是空以空即色亦不
得以色是色以色即空此謂色空一體耳前
之所謂物不遷論者又豈有別旨耶止是單
提一去來即動靜而說不遷如世間所論明
來暗去暗至明亡互相凌奪原無實體本來
只是一法中又豈有去來動靜之隔及知動
靜又豈不同源乎即去住亦原無二致所以
謂世間物物頭頭從來實相未嘗有一毫遷
動處耳若據空印註解將不真二字一氣說
了把空字丟在一邊另釋將個物字另說了
取不遷二字又各置在一邊俱註斷開了何
不將般若二字也說開即無知二字亦拈向
一邊涅槃無名亦復如是若果如此註釋肇
論要使肇公暗裡點頭相許幻有敢保實未
肯在肇公若其有靈安肯不再出頭來爲一

證據耶僧曰若如此旨看來四論實與法華涅槃二經深有所契以四論合之物不遷與般若無知始終一貫即不真空與涅槃無名因果同條耳師曰然空印以世間法法不真故空者豈知以非不真計不真則是以不真爲不真亦是以空爲空見却反爲肇公強註成個外道斷見矣然空印又豈知惟世間法法皆真故但不自以爲真哉又以物不遷物字謂肇公豈以有爲俗物可作宗依者則亦不反強肇公實成個凡夫惑見乎即舉此兩端便見空印高明極論處又爲用一一枚舉其非耶僧稽首復問其故何哉師曰無他也如法華云諸佛兩足尊知法常無性佛種從緣起是故說一乘是法住法位世間相常住於道場知已導師方便說又云唯此一事實

餘二則非真終不以小乘濟度於衆生以此知般若於世間法實無個遷與不遷亦無個知與無知以對遷故說不遷爲對知故說無知耳然於涅槃分中又豈有個真與不真亦豈有個空與不空耶亦爲對真故說不真以對形名故說無名耳所以如來深贊曰我見世間無有少法過於涅槃若有少法過似涅槃者我說如夢如幻如泡如影非真實矣於是僧唯唯踴躍再拜而去

附雲棲大師書

多載濶別向蒙

手書并

佳刺宋化卿居士自京師寄來今化卿南還

已數年矣因乏使人久未伸

謝春間託一

貴縣香客附東想亦不到茲遇顯親釋池上

人乃吾

兄同寺深爲喜慰其

肇論解駁精確明悉但恐空印執心太堅不

肯服善然正辯破惑理自應爾彼之信否

無足計也卧疾草草不能多語

諒之諒之

同叅弟祿宏和南

附憨山大師書

往者幸會臺山衆中未能盡領

教益自爾岐路東西良緣不易再也顧鄙人

深愧夙業深重所辱法門遠投瘴鄉忽忽

十有七載嗟嗟老矣念與

法門故舊幾爲永隔令人可悲況解脫無期

徒有雲鶴之思耳惟

慈不棄鄙陋遠

惠德音慰我遐想及讀

語錄言言見諦真末世法眼後學賴爲依歸

此

法施之隆當爲法門盛事喜躍何如鄙人向

爲

曹溪作奴郎翻成話柄今已謝事將圖南

嶽作休老計此緣尚未遂適遇京師延壽

顯禪人之便垂此布

飢法履小刺二種不堪入

法眼借以請

教惟

慈鑒之不一

寓嶺外辱友德清和南致

塔銘

賜進士出身通議大夫資治尹戶部侍郎致

仕周汝登撰

一心老人予向從石簣墨池兩公聞其在京
弘法大闡宗風而未覩一面也後更號幻有
遷化荆谿塔骨在焉其法孫王朝式狀其得

史十

二十六

法事展轉乞銘於予時予卧病未能握筆爰
口爲授命姪九賓書之稿以致銘曰

一心幻有 幻有一心 何真何假

泡沫浮沉 這箇消息 曹溪至今

樂庵觸發 笑巖印心 五臺隱跡

闡法荆岑 開大爐鞴 點鐵成金

誰其承嗣 密雲等森 陶王二士

昔聞叩音 曾可度與 鴛鴦繡針

急須着眼 幻有難尋 難尋幻有

有光少林 閱師語錄 超越功勳

貴其無比 千古傳吟

幻有禪師語錄後序

余於辛丑壬寅間在長安得見

一心和尚於慈因寺同叅諸公爲合金買小

菴於貫城坊後僅蔽風雨趨謁者輻輳師多

所酬答是時蔡槐庭方主西方師與蘇雲浦

論產難公案未相投契而獨許予入室爲竟

日之譚內錄中猶有二則予是時註添爲郎

十二載每以出差歸故事師最久一日別

師歸師問予有何疑予舉九峯不肯首座因

史十

二十七

綉問畢竟明何事師豎起拳頭予擬議師曰

公不要開口且細叅去又數年入都屢相過

也一日過師坐次有一內監老僧者先在師

從容謂余曰聞公偉深將外轉老僧亦將還

荆谿相信一場公案未明大事未了空自憐

懼大非我意也予因請益師曰向年舉的公
 案記得否予曰和尚今日拳頭在那裡師厲
 聲曰沒有予曰和尚拳頭失却鼻孔元止半
 邊師遂變色轉向面壁予亦趨出內監僧曰
 大師如何這般待這居士時予在塔下聞
 師厲聲曰這個人放鬆了不奈他何且拿住
 索套兒不由他三年五年不來尋我內監僧
 趨出送予曰和尚是好意予曰大機大用只
 怕承受不來無何余果轉外藩特去辭師值
 師外出時兩僧在中堂看經一僧傍立予因
 與兩僧叙數年與師相往復因緣未竟旁立
 僧瞠目大聲喝曰恰值大和尚不在予驚起
 汗出而旁僧已去予遂於佛前禮拜而行後
 來宦游問一心師不知踪跡三十餘年矣祇
 聞密雲大師得教於幻有和尚出世天童爲

宇內法席第一近黃檗以直師自天童歸携
 有幻有禪師語錄支浮師見之謂予曰見有
 與公問答二則予茫然曰此尊宿向未承事
 也及借讀之則知幻有即一心而更號耳向
 所刊一心禪語亦存什一也當日三年五年
 之語今三十餘年矣大負我師不覺泣下日
 者爲無念大師書請塔銘於天童大師不允
 所請依然轉身面壁家風也其父子間門庭
 教範可想也夫可敬也夫

崇禎丁丑閏四月李長庚敬書於後

庚子

庚子

龍池幻有禪師語錄卷之十

音釋

謀 同喋喋 誘 以九功 嚙 其居切音
多言也 瘡 之亮切音 藩 方煩切音
數頻言也 瘡 瘡瘡也 藩 藩也 瘡 瘡也

範 房喚切音 範 範也